

გოდუნა სანივი



№ 4-5



საბავშვო ჟურნალი "გოდუნა" საქართველოს ბიბლიოთეკის მიერ გამოსცემს.



ლენინის ხანულობის სააკაპროსო მუშათა ბავშვების კოლექტივი.

შ ი ნ ა რ ს ი

1. ახალგაზრდა ამხანაგებს, ბავშთა გაზ. „პირვ. მაისი“-დან	1
2. რატომ ვუქმობთ პირველ მაისს,—ბიჭიკოსი	2
3. ორი მაისი—ბავშთა დღესასწაული,—დამსწრესი	4
4. ბოგანო—თარგ. მ. დონდუასი	5
5. გაზაფხული,—ლექსი ვ. რუხაძისა	10
6. შავი მგელი,—ზღაპარი, პიესა სამ მოქმედებად დ. ნახუცრიშვილის.	11
7. გაზაფხულის პეიზაჟი,—(სურათები) სეზმანისა	18
✓ 8. არაზინდოზე,—ლექსი ილია სიხარულიძისა	20
9. აბასთუმანი,—მოთარგმნისი	—
10 წმინდანის ცეცხლი,—კირ. არჯევანიძისა	23
11 ბავშთა ცხოვრება: სმენა, ღუნინელო! ინგლისისა და ამერიკის პიონერები, გერმანიის პიონერები, პოლონეთის გამგზავსება. მოწაფეთა კომფერენცია	25
12 მყინვარ წვერზე ასვლა გ. ნიკოლოძის წინასიტყვაობით მრ. ბეჟა- ნიშვილისა	29
13 ბავშთა შემოქმედება: წითელი სხივი, ლექსი შალვა კაპანაძე, წითელი სხივი, ლექსი მ. გველესიანი	
14 გასართობების ახსნა	



განათლების სახალხო კომისარიატის სოციალურ აღზრდის მთავარმართველობის და საზოგადოებრივი მოძრაობის ცენტრალ. კომიტ. ჟურნალი "ბავშვებისათვის."

წელიწადი 1

აკრილი-მაისი № 4-5

ახალგაზრდა ამხანაგებო!

პირველი მაისი — ეს დღესასწაულია საერთაშორისო პროლეტარიატის სოლიდარობის, ბრძოლის და გამარჯვებისა დღეის დღეს მთელი ქვეყნის მუშები უფრო მჭიდროდ უკავშირდებიან ერთმანეთს, აორკეცებენ თავის ძალას და ცოდნას და ნათლყოფენ, რომ ისინი მზად არიან იბრძოლონ ბოლომდე — კაპიტალიზმის მძიმე უღლიდან კაცობრიობის გასანთავისუფლებლად.

პირველ მაისს მთელი ქვეყნის მუშები ირახმებიან და მზად არიან თავს დაესხან მუშათა კლასის მტრებს — კაპიტალისტებს და შემამულეებს (ბურჟუაზიას).

ამ მებრძოლი რაზმების სამხედრო შტაბი კი არის მესამე კომუნისტური ინტერნაციონალი, რომლის წითელ დროშის-გვეშ თავს იყრის რაც კი უკეთესი და შეგნებულობა მუშათა, გლეხთა და ახალგაზრდათა შორის.

ამ კომუნისტური ინტერნაციონალის სულის ჩამდგმელი, ბრძენი ხელმძღვანელი იყო ამხ. ლენინი. იგი თქვენთვის, ჩვენო ძვირფასო ბავშვებო, უნდა იყოს მავალითი ბრძოლისა და მოწოდება კომუნიზმის დასაყარებლად.

ორი მაისი ბავშთა მომავალი რევოლიუციონერი ძალების შეფასებაა. ჩვენი ბავშვების, მოწაფეების ორგანიზაციულად შეკავშირების დღეა. თქვენ, ჩვენო რევოლიუციონერო ბავშვებო! დღეს მჭიდროდ უნდა შეკავშირდეთ. მჭიდროდ უნდა შეკრათ თქვენი, სიცოცხლით სავსე რიგები, რომ ლენინის ცხოვრების, მოღვაწეობის და ბრძოლის მაგალითებზე ვისწავლოთ, თუ როგორი უნდა იყოს

მებრძოლი გმირი ჩაგრულთა განთავისუფლებისათვის თავდადებული და ახალი ცხოვრების შემოქმედი.

თვითუღმა მოწაფემ უნდა იცოდეს: როგორ ცხოვრობდა ლენინი, როგორ იბრძოდა ის, რომ მალე თავადაც გახდეს შეგნებული მიმდევარი ლენინისა, არა მარტო სიტყვით, არამედ საქმითაც. და ამისთვის პირველ ყოვლისა საქირაო: სწავლა, სწავლა და სწავლა. შრომის, ბრძოლის და სწავლის მეოხებით შეიქნებით თქვენ ნამდვილი მებრძოლი და შემოქმედი ახალი ცხოვრებისა.

თითეული ნაბიჯი, გადადგმული სწავლა-აღზრდის და განათლების სარბიელზე, თქვენ უნდა დაუკავშიროთ მშრომელი კლასის საერთო ბრძოლას მჩაგრელთა წინააღმდეგ.

შესწირეთ თქვენი ცოდნა და ძალღონე საერთო საქმეს. აღიჭურვეთ ცოდნით, აღივსენით მრისხანე სიძულვილით მტრების მიმართ, მხოლოდ მშრომელ კაცობრიობის მიმართ მუდამ გითრთოდეთ გული უსაზღვრო სიყვარულით, და ცოდნის ნათელი ჩირაღდანით ხელში აშუქეთ მშრომელთა ნარ-ეკლიანი გზა.

გაუმარჯოს პირველ მაისს — საერთაშორისო მუშათა დღესასწაულს.

გაუმარჯოს 2 მაისს — ბავშთა დღესასწაულს.

გაუმარჯოს ბავშვებს — კომუნისტური ცხოვრების მომავალ შემოქმედთ.

გაუმარჯოს ჩვენს ბავშვებს — მუშათა და გლეხთა დიქტატურის ბურჯებს.

სოციალურ აღზრდის მთავარ მართველობა.

(ბავშთა გაზ. „პირველი მაისიდან“).





რატომ ვუქმობთ პირველ მაისს

დიდი ხანია კაცობრიობა გაყოფილია რამოდენიმე დიდ ნაწილად: მშრომელთა—დაჩაგრულ და არამშრომელ—დამჩაგრულ კლასებად. დღევანდელი მშრომელი ხალხი—პროლეტარიატად წოდებული, რომელსაც არ გააჩნია არავითარი საკუთრება და იარაღები, დიდ ჩაგვრას განიცდის არამშრომელ — ბურჟუაზიად წოდებულ კლასისგან, რომელიც ფლობს ყოველივე ქონებას და სამუშაო იარაღებს. ამავე გაბატონებულ — ბურჟუაზიულ კლასის ხელშია საზოგადოების და სახელმწიფო მართვა-გამგეობის საქმე; იგი განაგებს სასწავლებლებს, სახელმწიფო დაწესებულებებს, ეკლესიებს და ყოველივეს.

რა თქმა უნდა გაბატონებულ კლასისთვის საჭიროა, რომ შეინარჩუნოს ასეთი კარგი მდგომარეობა, იგი ყოველმხრივ გზას უხშობს მუშათა კლასის განვითარებას და გაღვიძებას.

ერთად ერთი ძლიერი და გონიერი მტერი ბურჟუაზიისა არის სწორედ ეს მუშათა კლასი—პროლეტარიატი, რომელსაც ბურჟუაზია ამუშავებს თავის საკეთილდღეოდ, თავის გასამდიდრებლად და უბრუნებს მუშას ძლიერ მცირე ნაწილს იმისას, რასაც აკეთებს თავის შრომით და ჯაფით.

ბურჟუაზია ყოველ ფეხის ნაბიჯზე ცდილობს, რომ რაც შეიძლება მეტი სარგებელი გამოსწოვოს მუშას, რაც შეიძლება მეტი ამუშაოს იგი, და რაც შეიძლება ნაკლები ჭირა მისცეს. იგი ცდილობს დაუმალოს მუშას, ხალხს, თუ როგორ სცარცვავს იგი მშრომლებს, ამიტომ არ აძლევს სწავლის საშუალებას მუშების შეიღებს, რადგან იცის, რომ ნასწავლი მუშა გაიგებს იმ ბოროტებას, რასაც სჩადიან მჩაგვრელები, გაიგებს თუ რა გზით შეიძლება ამ ჩაგვრის თავიდან მოცილება.

მაგრამ არ სძინავს მუშათა კლასსაც. წინეთ იგი ვერ ხვდებოდა თავის ჩაგვრისა და სიღარიბე სიღატაკის მიზეზებს. საუკუნოების მანძილზე, მძიმე

შრომაში, ოფლში გაწურული, მანქანებზე მიკრული, როგორც ცხოველი, მუშაობდა მშრომელი ხალხი. მან არ იცოდა დღე მოსვენება. დილას დაჰკრავდა შვიდი საათი და ყველა მუშა მიდიოდა მძიმე ტანჯვის—შრომის ასატანად. დილიდან დაღამებამდე, მოუსვენებლივ თავჩაღუნულნი, როგორც მონები, მუშაობდნენ ისინი; ღამე დაღლილნი მიდიოდნენ ნესტიან სარდაფებში საძინებლად. ღამეც არ ჰქონდათ მათ მოსვენება, ხშირად ღამეც განაგრძობდნენ მუშაობას, რომ სარჩო მოეზოვებინათ. არ ჰქონდათ მათ საჭმელი. უძილობით, უქმელობით და მძიმე მუშაობით ათასობით და ათიათასობით იხოცებოდნენ.

ასეთი აუტანელი იყო მდგომარეობა მშრომელი ხალხისა, და ისინი ვერ გებულობდნენ თავიანთ ჩაგვრის მიზეზს. იჩაგრებოდნენ უხმოდ, ყოველივე ტანჯვას იტანდნენ თავებ ჩამოშვებულნი. ვერავინ გაბედავდა ხმის ამოღებას, ან ვის უნდა შეებრალებია მშრომელი ხალხი!

მაგრამ გადის დრო და წლები მძიმე ჯაფაში და მშრომელი ხალხი თანდათან ერკვევა თავის მდგომარეობაში, ერკვევა და იგებს, რომ მათი ჩაგვრის მიზეზი ეშმაკი და მანქანები კი არ ყოფილა, არამედ ისევ ადამიანები. ადამიანები მათებრ მომაკვდავნი, რომლებიც განაგებენ მათ, რომლებიც მონებივით ამუშავებენ მუშებს თავიანთ ჯიბეების და მუცლის სასარგებლოდ.

მშრომელმა ხალხმა თანდათან შეიგნო ყოველივე, თანდათან გაიგო ქვემარტება. და მან დაიწყო მუდმივი ბრძოლა თავის მტრების წინააღმდეგ. ბრძოლა ხანგრძლივი და შეუბრალებელი. მუშათა კლასი მოითხოვს თანასწორობას, ძმობას, ერთობას. იგი მოითხოვს, რომ ნაშრომი ისევ მშრომელს ჰქონდეთ, რომ ყველამ იმუშაოს და ყველამ შეასრულოს საქმე, რომ ყველა იყვეს მონა-



წილგ საერთო საქმის, რომ ყველა იყვეს ერთნაირად ბედნიერი.

მუშათა კლასმა ამიტომ დაიწყო ბრძოლა იმ ბატონების და მჩაგვრელების გადმოსავლად, რომლებიც საუკუნოების მანძილზე, მძიმე ტვირთად აწვეს მათ ზურგს. მან დაიწყო გაფიცვები, მუშაობის დამტოვებით, დემონსტრაციები ქუჩაში წითელი სისხლიანი დროშით ხელში გამოსვლა თავის უფლებების დასაცავად.

რათა ძლიერი და შეურყევეი ყოფილიყო მუშათა კლასი—იგი აარსებდა თავის კავშირებს, ჯგუფებს, პარტიებად და კავშირებად წოდებულს—გაბატონებულთა წინააღმდეგ საბრძოლველად. იგი აარსებდა თავის კლუბებს და თეატრებს ბურჟუაზიის ეკლესიების მაგივრად, თავის კოოპერატივებს და ამხანაგობებს, ბურჟუაზიულ დუქნებისა და სავაჭროების მაგივრად. მუშათა კლასს არ მოსწონდა აგრეთვე ის სარწმუნოებრივი უქმეები მჩაგვრელ ბურჟუაზიისა, რომლებსაც ისინი იგონებდენ, და რომლის დროს ისინი ქეიფობდენ.

მშრომელი კლასი ამ თავისთვის შექმნილ და მომავალში შესაქმნელ ცხოვრებისათვის იბრძვის აჯანყებებით იარაღით ხელში, დემონსტრაციებით, თუმცა მას არ უნდა სისხლის დაღვრა, რასაც აიძულებს ბურჟუაზია. ამიტომ მუშათა კლასმა გადასწყვიტა აერჩია რომელიმე თავისი უქმე—საბრძოლველი დღე, რომლის დროს იგი არ იმუშავებდა, დასტოვებდა ქარხნებს და ფაბრიკებს და გავიდოდა გარედ ქუჩებში, წითელი დროშებით ხელში, მღერით და მუქარით, რათა ეჩვენებია მჩაგვრელებისთვის, რომ მუშათა კლასი მზად არის ბრძოლისთვის, რომ იგი ახლო მომავალში დაამხობს მის ბატონობის საზიზღარ ბორკილებს.

ასეთ უქმედ მუშათა კლასმა აღიარა პირველი მაისი.

პირველი მაისი.

ეს ის დღეა, როცა ყოველივე ჰყვავის და ჰხარობს, როცა ბუნება იღვიძებს ზამთრის ძილისგან, როცა მცენარეები ამწვანდებიან, ჩიტები მორთავენ მშვენიერ გალობას და შეეგებებიან მომავალ გაზაფხულს, თავისი მხიარული გალობით. ადამიანიც, გლეხები და მშრომლები ხარობენ ამ ბუნების სიმშვენიერით. ამ მშვენიერ დროს აირჩია მშრომლებმა ეს დღე უქმისთვის. ისინი უქმობენ გაზაფხულის ბუნებას, რათა მალე, სულ მალე, იუქმონ გაზაფხული ადამიანის თავისუფალ და ლამაზი ცხოვრებისა.

არ უხარიათ ბურჟუებს და მდიდრებს, როცა მუშები გამოდიან მათ წინააღმდეგ და სდევნიან მათ, უშლიან ხელს და ჰკლავენ; როცა ისინი უქმობენ პირველ მაისს.

ყველგან მთელ ქვეყანაზე, გაბატონებულია ბურჟუაზია—გარდა ჩვენი ქვეყნისა. ჩვენში და მთელ რუსეთში გაბატონებულია მუშათა კლასი. ისინი განაგებენ თავიანთ ქვეყანას და თავისივე ხელით ირჩენენ თავს.


და მხოლოდ აქ, ამ ჩვენ მშრომელთა საბჭოთა რესპუბლიკებშია ნებადართული პირველი მაისი. ეს უმთავრესი უქმე მშრომელებისა, რომელსაც ისინი თავისუფლად უქმობენ, გამოდიან ქუჩებში წითელი დროშებით, ბრწყინვალე მომავალს ესალმებიან.

ყველგან, სხვა ქვეყნებში, მუშათა კლასისთვის ჯერ აკრძალულია ეს უქმე, მაგრამ ისინი გამოდიან და მაინც უქმობენ. ტყვიების წვიმაში, ცეცხლში და ბრძოლაში უქმობენ ისინი თავის უქმეს და უჩვენებენ მტრებს თავის ძლიერებას. მალე მოვა დრო, როცა მთელი მსოფლიოს მუშები გამარჯვებულნი უშიშრად და მხიარულად იუქმებენ პირველ მაისს.

ბიჭიკო.



ტფილისის მკოთსუ რაიონის საცარხნო სკოლის კოლექტივი.



ორი მაისი—ბავშთა დღესასწაული

ბავშების ყოველგვარი თავყრილობა დღესასწაულის სახის მატარებელია. საკმარისია შეიკრიბოს რამდენიმე ბავში ერთად, რომ იქ მხიარულება, სიცოცხლე და მოძრაობა გაჩაღდეს. ასეთია საზოგადოდ ბავშვის ბუნება. აი, ამ თვისების გამოყენება განსაზღვრული მიზნისათვის, სწორედ რომ გონივრული საქმეა. ბავშს ყველაზე უფრო უყვარს თავისი საზოგადოების ფერხულში ჩაბმა. **ორი მაისი** ჩვენი ბავშების ორგანიზაციულად შეკავშირების დღეა. **ორ მაისს** ჩვენი ბავშვები გამოვიდნენ ქუჩებში წითელ დროშებით და ძმურად გაუწოდეს ერთმანეთს გრძნობით ნორჩი ხელები ცხოვრების ფერხულში ჩასაბმელად. მათი მხიარული ყუენა, სიცოცხლით გაბრწყინებული თვალები, მკვირცხლი სიმღერა და ჟრიაშილი ლღვიძებდა ქალაქის ქუჩებს და მაყურებელს არწმუნებდა იმაში, რომ ასეთი სიცოცხლით აღსავსე თაობა, მართლაც რომ მომავალი ცხოვრების შექმნის თავდებია. ქუჩები აავსო პაწიების მკვირცხლმა ტალღებმა. აგერ

მწკრივებიო სვლა, დროშების წითელი ყვავილების ფრიალი და მხიარული სიმღერა; აგერ ავტომობილები, ბავშვით შეკუნწულულები: ტაში, ყიენა, ვაშას ძახილი. აგერ, მთავრობის სასახლის წინ აღმართული ტრიბუნა და იქიდან პაწია ორატორების სიტყვები, თავისი ამხანაგებისადმი შეკავშირებისაკენ მიმართული. მუსიკის გრიალი, ბავშთა მკვირცხლი სიმღერის წკრიალი, ტაში, ვაშას ძახილი, ინტერნაციონალის მღერა ერთმანეთში მწყობრად ექსოვებოდნენ და ქმნიდნენ ისეთ პარმონიას, რომელიც ადამიანს ტანში ტკბილ ჟრუანტელს გვრის. სწორედ რომ ბავშთა დღესასწაული იყო, უკეთეს დღესასწაულს ბავშვებს ვერ გავუმართავთ.

ასეთ დღესასწაულად, ბავშების რევოლიუციონური ბუნების ცხადსაყოფად და გარკვეულ მიზნებისაკენ წასამართავად იქცა ჩვენში **ორი მაისი**, რომელიც შესაფერ ადგილს დაიჭერს ბავშთა მოძრაობის ისტორიაში.

დამსწრე.



ბოგანო *



რთ უდაბურ ადგილას, რომელიც მოწყვეტილი იყო არე-მარეს, მალალი მთის ქვეშ მდებარეობდა პატარა სოფელი.

ამ პატარა სოფლის მცხოვრებნი მეტად ღარიბი იყვნენ, რადგან მთიდან ცივი ქარი ბერავდა და მოსავალს სრულიად ანადგურებდა; ნიადაგი სრლიანი.

მწირი იყო, ასე რომ გარშემო დიდი ვაჭირებას უფერვდა. სამაგიეროდ მთის ფერდობებზე, და სოფლის გვერდით, შვენიერი, დიდი ტყე იყო. სოფლელები შედიოდნენ ამ ტყეში, სჭრიდნენ ას წლოვან უხარ-მაზარ ხეებს, ჰყიდდნენ და მოგებულნი ფულით ძლივს-ძლივობით თავს ინახავდნენ.

მართალია, ეს სამუშაო მეტად მძიმე იყო: ზაფხულობით გლეხები ოფლში იწურებოდნენ — უნდა მოეჭრათ ტყე აუტანელ სიცხეში, ხოლო ზამთრობით, საშინელ სიცივეში, მარხილით უნდა გადაეზიდათ მოჭრილი და გაყინული ხეები, რის გამოც მათ ხელ-ფეხი ეყინებოდათ და უსვდებოდათ. ასეთმა მძიმე მუშაობამ სოფლელებს ხასიათი გაუფუჭა: ისინი მუდამ გაბუტული და დაღვრემილი იყვნენ და სოფლად არაოდეს არ ისმოდა არც მხიარული სიცილი, არც ხუმრობა და თამაში.

ერთი დიდი ტყის შუა გულში იდგა ქოხი და შიგ ცხოვრობდა უცხო კაცი თავისი შეილით. გლეხებს ამ კაცის ძალიან ეშინოდათ და ამიტომ „კუდიანს“ ეძახდნენ. ამის მიზეზი ისიც იყო, რომ მოხუცს სავსე ჰქონდა ქოხი უცნაური იარაღებით. თვითონ კი მთელი დღე და ღამე რაღაც დიდ მანქანაზე მუშაობდა. ეს მანქანა თავისით მოძრაობდა და უშვებდა ორთქლს. ამასთანავე ხმა-მალა გაიძახოდა: „ჩუხ-ჩუხ! ჩუხ-ჩუხ“-ო. ბავშვები ახლოც ვერ ეკარებოდნენ ამ ქოხს, უფროსები კი გვერდს უვლიდნენ ხოლმე „კუდიანს“, რადგან ეშინოდათ, მათთვის ზიანი რომ არ მიეყენებია.

გლეხების ამგვარი შიში სრულიად უაზრო

იყო, იმიტომ რომ ეს ვითომც და „კუდიანი“ მხოლოდ და მხოლოდ ჰკვიანი და კეთილი ადამიანი იყო, რომელსაც სტანჯავდა გლეხების სიღარიბე და მძიმე შრომა და ცდილობდა თავის მოძმეს როგორმე დახმარებოდა.

ის ხედავდა, რამდენი ძალ-ღონე უნდებოდა პატარა ხერხით უხარ-მაზარი მსხვილი მორების დახერხვას; ხედავდა, როგორ წვალობდნენ გლეხები, როგორ ნელა სწარმოებდა მათი მუშაობა და ამიტომ უნდოდა ისეთი მანქანა გამოეგონებია, რომელსაც შეეძლო გაეკეთებია იმდენი, რამდენსაც ათი ღონიერი ვაჭკაცი შესძლებდა და იმავე დროს ასეთი მანქანის ხელმძღვანელობა შესძლებოდა ერთ პატარა ბიჭსაც.

რამდენიმე წლის განმავლობაში განუწყვეტლივ მუშაობდა თავის ქოხში „კუდიანი“. დაბერდა. ვათეთრდა კიდევ და ბოლოს, როგორც იყო, გაათავა თავისი საქმე. მაშინ სინარულით შეხედა თავის მანქანას, დაიკრიფა აკანკალებული ხელები გულზე და სთხოვა შვილს გლეხებისთვის დაეძახებია.

მიუხედავად იმისა, რომ სოფელი შეშინებული იყო, ცნობისმოყვარეობამ მაინც დასძლია და გლეხები გაჰყვენ ბიჭს. როდესაც ყველა შეიკრიბა, „კუდიანის“ შვილმა მოათრია სხვილი მორი და მანქანის ქვეშ დადვა, „კუდიანმა“ დააჭირა ხელი ტარს და მანქანა ხმამაღლა აჩუხჩუხდა, მერმე ღრუბელივით თეთრი ორთქლი გამოუშვა. ამის შემდეგ მორზე დაეშვა ვეებერთელა ხერხი და დაიწყო მოძრაობა წინ და უკან, წინ და უკან: „ხე-ხე! ხე-ხე!“ — გაიძახოდა და ყველას თვალწინ ეს სხვილი მორი ისე სწრაფად გადაიხერხა, როგორც წვრილი შეშის ღერო.

მაყურებლები თითქოს მოჯადოებული იყვნენ ასეთი მოულოდნელი სანახაობით და ენაც ვერ ამოეღოთ. ხოლო როცა გონს მოვიდნენ, ერთიმეორეს ასწრებდნენ, ეკითხებოდნენ „კუდიანს“:

— მე გავაკეთე „ბოგანო“! — სთქვა მოხუცმა — რომელიც მოგეხმარება თქვენ მუშაობაში. ცუდია, როცა იდამიანი იმდენს შრომობს, რომ დასასვენებელი დროც აღარ რჩება. აქამდე თქვენ მთელი დღე შრომობდით — „ბოგანო“ კი გავითავებთ სა-

*) ბოგანო — პროლეტარი, უმამულო გლეხი.

ნუშაოს სულ რამდენიმე საათში, და თქვენ და-
რჩებათ დრო გამოეთამაშოთ შვილებს, გამოელა-
პარაკოთ ცოლებს და საზოგადოდ, იცხოვრებთ ისე,
როგორც შეეფერება ადამიანს.

შემდეგ მან აჩვენა გლეხებს, როგორ უნდა
აემოდრავებიათ ხერხი, და ყველა დარწმუნდა, რომ
ეს ძალიან ადვილი იყო — ათი წლის ბავშვიც კი
მოახერხებდა.

გლეხებს ძალიან მოეწონათ მანქანა, მაგრამ
მადლობის თქმა ვერ მოგხერხებიათ. მოხუცმა თვი-
თონ გამოიყვანა ისინი ამ უხურხულ მდგომარეო-
ბიდან, მალა ასწია ხელი და მკაცრად წარმოს-
თქვა:

— ეს „ბოგანო“ თქვენთვის მიჩუქებია, მაგ-
რამ გახსოვდეთ: არ გადაგექცეთ ბატონად, რადგან
მაშინ ის იქნება ულმობელი, საშინელი ბატონი,
რომელიც ჩაყლაპავს თქვენსა და თქვენი ბავშვების
სიცოცხლეს.

გლეხებს გაეცინათ და უპასუხეს:

— შენ გვეხუმრები! როგორ შეიძლება, რომ
უსულო საგანმა, რომელიც რკინისა და ტყავისა-
განაა გაკეთებული, იბატონოს ცოცხალ ადამიანზე.

მოხუცმა ჩაფიქრებით შეხედა მათ და უპასუხა:

— სანამ ეს „ბოგანო“ მთელი თქვენი საზო-
გადოების საკუთრება იქნება, კარგი მუშა იქნება
და მოგხმარებათ კიდევ. მაგრამ, თუ ის ერთმა
კაცმა დაისაკუთრა, მაშინ ეს თქვენი ერთგული
„ბოგანო“ სასტიკ ბატონად გადაგექცევად და აღარ
გაგახარებთ. ამიტომ პირობას მოვითხოვ, რომ ეს
ახალი „ბოგანო“ მთელი სოფლის საკუთრებად
დარჩეს.

შემდეგ მოხუცი მიუბრუნდა თავის ვაჟს და
დაუბარა:

— ეს „ბოგანო“ შენთვის ჩამიბარებია: ყვე-
ლას ათხოვებ, ვისაც კი დასჭირდება. სანამდე არ
ულალატებ ამ ანდერძს — დალოცვილი იქნები, ხო-
ლო, რა წამს შენივე მიზეზით ეს „ბოგანო“ ერთი
კაცის საკუთრება გახდება, დაგწყველი შენც და
შენს შთამომავლობასაც.

გლეხები დაპირდნენ მოხუცს, რომ „ბოგანო“
საუკუნოდ სოფლის იქნება და ვერავინ გაბედავს
მის დასაკუთრებას. გულში კი ეცილებოდნენ ასეთი
ახირებული გაფრთხილების გამო. სოფლის მამა-
სახლისი კი ამ დროს ასე ფიქრობდა „საწყალს,
სიბერისაგან კკუა სულ გამოლევიან! აბა, რა სა-
კვირველია, რომ ხერხმა სასწაული მოახდინოს და
ჩვენს ბატონად გადაიქცეს? ჩერჩეტი ბებერი!“ არც
მოხუცის შვილი ჩაუკვირდა მამის ანდერძს და
სხვებთან ერთად დასცინოდა მას, თუცა არ ეწი-
ნააღმდეგებოდა, რომ მამას უკან არ წაეღო ძვირ-
ფასი საჩუქარი.

კეთილი მოხუცი თითქოს უცდიდა მანქანის
დასრულებას. რამდენიმე დღეში ავად შეიქნა და
გარდაიცვალა. მაგრამ, სანამ თვალებს სამუდამოდ
დახუჭავდა, მან კვლავ გაიმეორა თავისი ანდერძი.
უკანასკნელი მისი სიტყვები იყო: „ფრთხილად
იყავით, „ბოგანო“ ბატონად არ გადაგექცესთ!“

მხიარული დრო დადგა სოფელში. „ბოგანო“
რამდენიმე საათში ათავებდა ისეთ სამუშაოს, რო-
მელზედაც გლეხები დღე და დამე წვალობდნენ და,
რადგან ახლა ისინი აღარ ილღებოდნენ, და ბევრი თა-
ვისუფალი დროც რჩებოდათ — მხიარულობდნენ, თა-
მაშობდნენ და მუდამ მიჩუმებული, მკვდარი სოფე-
ლი გამოცოცხლდა. ყველა იცინოდა, ხუმრობდა,
გლეხები დამეგობდნენ, შეიყვარეს ერთმანეთი, რად-
გან მძიმე შრომისგან აღარ სტკიოდათ სხეული და
უფრო მეტ ხანს მოსვენებული იყვნენ.

მალე მთელი სოფელი და მახლობელი ადგილე-
ბი ბედნიერ კუთხედ გადაიქცა. ცხოვრება ისე
სასიამოვნო გახდა, რომ ხშირად შორეულ ქვეყნე-
ბიდანაც ჩამოდიოდნენ იქ დასასახლებლად, რად-
გან ასეთი შვენიერი ადგილი სხვაგან არ მოიძებ-
ნებოდა.



„კუდიანის“ შვილი გულუბრყვილო, კეთი-
ლი ყმაწვილი იყო. მამის საჩუქარს ის სინიღისი-
ერად ინახავდა. ძალიან უხაროდა სოფლის ასეთი
აყვავება, თან ეცილებოდა, როცა მოიგონებდა მა-
მის გაფრთხილებას. „ბოგანო“ მუყაითად მუშაობ-
და, ქშინავდა, ორთქლს უშვებდა და ემორჩილე-
ბოდა ხელის ცოტაოდენ მიმოხვრას. აბა, საიდან
გამოიგონა მამაჩემმა, რომ ასეთი მორჩილი მან-
ქანა სოფლის ბატონად გახდებოა?!

გაიარა რამდენიმე წელიწადი. ერთხელ სოფელს
ვიღაცა კაცი ესტუმრა. ის მდიდრულად იყო ჩაც-
მული; დიდ, მსუქან მუცელზე ოქროს ძეწკვი ეკი-
და; ჯიბეებში ოქროს ფულებს არიჩინებდა და
ბევრს ლაპარაკობდა იმის შესახებ, თუ რა შვენიერი
შორეული ქვეყნები.

მისმა სიამაყემ და სიღინჯემ გააბრაზა გლეხე-
ბი, და მოისურვეს დამეტკიცებიათ სტუმრისთვის,
რომ არც ისეთი ღარიბი იყვენ, რომ მათ ეკუთ-
ვნოდნენ ისეთი საუნჯე, რომლის ბადალი მთელ
ქვეყანაზე არ მოიპოებოდა. ამ მიზნით გლეხებმა
წაიყვანეს სტუმარი დიდ ფარდულში, სადაც „ბო-
განო“ იყო მოთავსებული და აჩვენეს. სწრაფად
და კარგად მუშაობდა ის.

უცხოელი გაშტერებული და პირდაღებული
ადევნებდა „ბოგანოს“ თვალს. ბოლოს კუთხეში
ჩაცუცქდა და ღრმად ჩაფიქრდა.

იმ დღესვე გაეშურა ის „კუდიანის“ ქობისა-



კენ და შესავალ კარებზე დააკაკუნა. წვილმა კარები გაუღო და ოთახში სტუმარმა გამოუცხადა, რომ სურვილი განაო იყიდოს.

— ეს შეუძლებელია! — უპასუხა ყმაწვილმა. — მამას ჩვენ პირობა მივეცი, რომ „ბოგანოს“ ერთი კაცის საკუთრებად არ გავხდით!

უცხოელმა ამოიღო ჯიბიდან ერთი მუჭი ოქროს ფული, — შეხედე ამ ოქროს, შენ შეგიძლია ყველა ქვეყნები შემოიარო, შეგიძლია მდიდარი ბატონი გახდე, ლამაზად ჩაიცვა, დაიხურო, ოქროს ძეწკვიც ატარო!..

ყმაწვილმა დაღონებით შეხედა, მას ძალიან სურდა ასე უცებ გამდიდრებულიყო; მაგრამ ვერ ბედავდა მიცემული პირობის დარღვევას. დიდხანს არწმუნებდა უცხოელი, მაგრამ ყმაწვილი არ თანხმდებოდა და სულ იმას გაოძახოდა: „მე ვერ გავბედავ-ო“. გულში კი სწყევლიდა მამის სისულელეს, რომელიც საშუალებას არ აძლევდა ასე ადვილად გაძიდრებულიყო.

მეორე დღეს უცხოელმა შეკრიბა გლეხები, გადაისროლა ორი მუჭი ოქროს ფული და უთხრა მათ:

— მომყიდეთ „ბოგანო“!

— ჩვენ ვერ გავბედავთ! — ერთხმად უპასუხეს გლეხებმა. ზოგიერთი მათგანი კი ხარბი თვალით შესცქეროდა ოქროს და გულში ფიქრობდა: „კუდიანი“ მკვდარია და რას გაიგებს, თუ რას ვშვებით? რატომ არ შეიძლება გავყიდოთ „ბოგანო“?

— მომისმინეთ! — დაიწყო უცხოელმა, — მე პირობას დაგიდებთ, რომ თქვენი „ბოგანო“ აქვე დარჩება, თქვენსავე სოფელში იმუშავებს. მე რომ მომყიდით, თქვენთვის უკეთესი იქნება, რადგან მე მოგცემთ სამუშაოს, თქვენ კი ყოველ კვირაში მიიღებთ ხელფასს და აღარ იზრუნებთ ხე-ტყის გადაზიდვაზე. საქმის მთელ სიმძიმეს, ყოველგვარ მზრუნველობას მე ჩემს თავზე ვდებულობ, რადგანაც თქვენ მიყვარხართ. თქვენი საქმე პატარა იქნება: ყოველ კვირას ფულის აღება. არ გასულელდეთ, უარ არ მითხრათ! ხომ ხედავთ, რა გულკეთილი ვარ, და რომ კეთილი მსურს თქვენთვის? დამიჯეროთ!..

მამასახლისმა მოიქიქა ქიჩორი და გადახედა სკვებს. შემდეგ მიუახლოვდა და უცხოელს გვერდში ამოუდგა. მან ჩააცქერდა მამასახლისს და სთქვა: „ჩანს ყოჩალი ხარ და შენი ძმების კეთილდღეობაზე ზრუნავ! ნება მომეცი, ხელი ჩამოგართვა!“ როცა უცხოელმა ხელი ჩამოართვა, მამასახლისმა მუჭი ოქროები იგრძნო.

უცხოელმა კვლავ მამართა ხალხს:

ჩემო მეგობრებო! გამოუცდელია და დიდხანს გამო თქვენ დღემდე ხე-ტყეს ერთსა და იმავე ფასში ჰყიდით. მე კი გავყიდი ორჯერ-სამჯერ მეტად!

— მერმე ჩვენ რა, შენ რომ დიდი მოგება გექნება თუ კი ჩვენ მულამ ერთი და იგივე ხელფასი დაგვრჩება? — წამოიყვირა ბრაზმორევით „კუდიანის“ შვილმა.

უცხოელმა დიდი ბრძნული სახე მიიღო და ჩაფიქრებულად წარმოსთქვა:

— ჩემო საბრალო მოგობრებო! რა ბრიყვები ხართ! დადგება დრო, როცა შეშა არავის დასჭირდება, მე კი დამრჩება მომარაგებული ტყე, ხოლო ჯიბე ცარიელია, თქვენ კი ყოველ კვირას მოგეცემთ დანიშნული ქირა.

მან ამოიღო აბრეშუმის ცხვირსახოცი, ამოიწმინდა თვალები და, ვითომც მღელვარებისგან, ხმა აუკანკალდა. — შეიძლება, მე დიდი სიღარიბე მომელოდეს, შეიძლება მათხოვარიც გავხდე, მაგრამ მე მიყვარს ადამიანი! თქვენ კი განსაკუთრებით მიყვარხართ, და ამიტომაც არაფრის მეშინია! მე გული მტკივა, როცა ვხედავ, თუ რამდენ ძალღონეს ანდომებთ ხე-ტყის გადაზიდვას. მინდა ეს მძიმე საქმე მე ვიკისრო. იმსაც კი ვწუხვარ, რომ ახლანდელი თქვენი მოგება შემთხვევაზე დამოკიდებული, არა საიმედოა!..

და „კეთილიშობილი“ უცხოელი, ეს დაუბატონებელი სტუმარი, მწარედ ატირდა. მაშინ მამასახლისი წინ წამოდგა, მიმართა გლეხებს, და გამოუცხადა მათ, რომ სტუმარი მართლს ამბობს; რომ გლეხები მართლაც სულელები იქნებიან, „ბოგანო“ რომ არ მიჰყიდონ. დიდ ხანს არწმუნებდა მამასახლისი, გლეხებმაც მოიწონეს ეს წინადადება და ბოლოს ერთხმად დაიყვირეს:

— მიყიდოთ „ბოგანო“.

„კუდიანის“ შვილი კი ძლიერ დაღონებული იჯდა შორი-ახლოს. მისმა კეთილმა, მაგრამ სულელმა თავმა ვერ მოისახრა, რატომ დაუღონდა გული, მაგრამ მალე გამოერკვა, საშინლად შეშინდა და ხმა მალლა დაიყვირა.


— არ გაბედოთ! არ გავყიდოთ „ბოგანო“, მე შავის ნებას არ მოკცემთ!

ამ სიტყვაზე ყმაწვილი მივარდა უცხოელს, უნდოდა დაეხრჩო. უცხოელმა დაიყვარა:

— შეხედეთ! აი, ვინაა თქვენი მტერი! მე თქვენთვის ბედნიერი, უღარდელი ცხოვრება მსურს, ეს კი ხელს მიშლის. დაიჭირეთ თავხედი!

გლეხები შემოესივნ ყმაწვილს.

— სანამ ეს ბოროტი ბიჭი აქ იცხოვრებს, — განაგრძო უცხოელმა, — სოფელი ვერ დამშვიდდება.



გააძვევთ შორს! და თუ გაბედა დაბრუნება, — მოპკალით!

გლეხებმა წაათრიეს ყმაწვილი სოფლის საზღვრამდე და ცემა-ტყვიით ტყეში შეედგნენ. მწარედ ტიროდა ყმაწვილი და როგორც ჭკუაზე შეშლილი — ყვიროდა:

— „ბოგანო“ ბატონად გადაგექცევათ, „ბოგანო“ ბატონად გადაგექცევათ!

იყიდა თუ არა „ბოგანო“, უცხოელი სწრაფად გარდაიქმნა: მისგან მოფერება აღარავის უნახავს, ის მხოლოდ ბრძანებლობდა, ყვიროდა და საჩივარსაც არ ისმენდა. სამუშაო მან ყველა გლეხების შორის გაანაწილა: ზოგი მათგანი დიდ ფარდულში მუშაობდა, ზოგს მძიმე მორები უნდა მოეთრია; ზოგს კი დამზადებული ფიცრები სოფლიდან უნდა გაეზიდა. ამრიგად მუშაობა გაჩაღებული იყო. როცა ვინმე ავად გახდებოდა და ეტყოდა: „მე დღეს მუშაობა არ შემიძლია“ — უცხოელი დაიბოვებოდა:

— კეთილი, დღეს შენ ნუ იმუშავებ, მაგრამ იცოდე, ფულსაც გამოგიქვითავ!

ამ სიტყვის გაგონებაზე საწყალი ავადყოფი კვნესით წაფორთხდებოდა სამუშაოდ.

პირველად გლეხები მხიარული და კმაყოფილი იყვნენ. ხელფასს ისინი ყოველ კვირას ღებულობდნენ, მაგრამ მლე დანახავს, რომ ის ფული საცხოვრებლად არ ყოფნიდათ.

ამავე დროს უცხოელმა აიშენა თავისთვის ძვირფასი სასახლე. როცა სასახლე მოწყობილა იყო, მასთან მივიდა ერთი მუშა და უთხრა:

შენ გამდიდრდი და რასაკვირველია, ხე-ტყეს ჰყიდი სამჯერ უფრო ძვირად. სხვა გზით ხომ არ შეგეძლო ამ სასახლის აშენება? ჩვენი ხელფასი პირვანდელი რჩება. არ შეიძლება ესეც სამჯერ გააღდილო?..

საშინლად გაჯავრდა უცხოელი. მან დაუძახა თორმეტ შეიარაღებულ მოჯამაგირეს, რომლებიც ქალაქიდან ჰყავდა მოყვანილი, და უბრძანა მათ ჩამოეხრჩოთ ეს თავხედი მუშა მახლობელ ხეზე.

როცა გლეხებმა ეს დანახავს, შეშინდნენ. კრინტის დაძვრასაც ველარ ჰბედადნენ. ხელფასის მომატებაზე საჩივარს როგორ გაიმეორებდნენ, მით უმეტეს, რომ იარაღი არა ჰქონდათ.

დიდი რკინის შენიბაში, სადაც „ბოგანო“ იყო მოთავსებული, უცხოელმა საყვირი მოაწყო და დილით, როგორც კი გაიგონებდნენ მის ხმას, მუშები თავქუდმოგლეჯილი გარბოდნენ სამუშაოდ, რადგან, რომ დაგვიანებოდათ, ჯარიმას გადაახდებინებდნენ.

ერთხელ ერთ მუშას ჩასძინებოდა და საყვირის

ხმა ვერ გაეგონა, მისმა პატარა ვაჟმა ღვიძება დაუწყო და აკანკალებული ხმით ეუბნებოდა:

— ჩქარა, ჩქარა წადი! ბატონი გეძახის!

მამამ გაკვირვებით შეხედა პატარას და უცებ მოაგონდა გარდაცვალებული მიხუცას ანდერძი.

სალამოს მან უამბო ამხანაგებს ამის შესახებ. გლეხებმა ღრმად ამოიოხრეს. გამოუტყდნენ ერთმანეთს, რომ „ბოგანო“ მართლაც ბატონად გადაექცათ და თვითონ კი მისი მონები იყვნენ.

„ბედნიერი“ სოფელი დაბნელდა, დაყრუვდა, მცხოვრებლებს აღარ ეცალათ ხუმრობისთვის: ისინი იღლებოდნენ, ბუტბუტობდნენ, და ყურებჩამოყრილი დადიოდნენ.

რკინის ფარდულის გვერდით უცხოელმა უზარმაზარი სახლი ააშენა და იქ წუმწუმებს ამზადებდნენ. აქ პატარა ბავშვებსაც უნდა ემუშავათ. დედა ქალები ხომ კარგი ხანია ჩათრეული იყვნენ ვაჟკაცების საქმეში, რადგან ქმრების პატარა ხელფასი ოჯახს არ ყოფნიდა.

ერთხელ სოფელში ჩამოვიდნენ ვილაცა კაცები, უცხოელმა მოათავსა ისინი ორ ცარიელ სახლში. გლეხები ეკითხებოდნენ თავის თავს: „ვინაა ეს ხალხი, რისთვის ჩამოსულან? მუშაობით ისინი არ მუშაობენ და თითქოს რაღაცას მოელოან“. არ გასულა დიდი ხანი გლეხებმა მიიღეს ამ კითხვაზე პასუხი.

ერთ დღეს უცხოელმა მიიწვია მუშები და დადრეჯილი სახით უთხრა:

— თქვენი მიზეზით, იმიტომ რომ თქვენ მე მიყვარდით, უკანასკნელად ძალიან ვიზარალე, პირდაპირ დავღარიბდი. ხე-ტყე ახლა ღირს ორჯერ ნაკლები, ვიდრე წინეთ. ამიტომ ახლანდელი ხელფასი უნდა ვაგინახევროთ.

შეშინებულმა მუშებმა ერთმანეთს გადახედეს, ისინი ისედაც ძლივს აკმაყოფილებდნენ ოჯახის მოთხოვნილებას და ვერ წარმოედგინათ ამაზე უფრო დაკლებულ ხელფასში მუშაობა. სიშვილისაგან ცოლ-შვილი დაედუშებოდათ. ეს აღარ იყო მოსათმენი!

აი, გამოვიდა ერთი ახალგაზრდა მუშა. მისი სახე ცეცხლივით ანთებულყოფი სიბრაზისაგან, და ამყად წარმოსთქვა:

— ნახევარ ფასში ჩვენ არ ვიმუშავებთ!

გაბორბლებულმა უცხოელმა დაბალი ხმით ჰკითხა: — აბა რას იზამთ? კვლავ დაიწყებთ თქვენი პატარა სამასხარო ხერხით მუშაობას? სანამ თქვენ ერთ ხეს გახერხავთ, ჩემი „ბოგანო“ ისეთს ათს და მეტს დამზადებს! „ბოგანოს“ თქვენ ვერ შეეჯიბრებით! „ბოგანო“ კი ჩემია!

ამ სიტყვებზე გლეხები გააკულისდნენ და მრისხანე ხმით შეჰყვირეს:



— ჩვენ არ ვიმუშავებთ! არ ვიმუშავებთ!
უცხოელმა კი ცივად გადინახარა:

— ძალიან კარგი! თქვენ მე აღარ მჭირდებით!
აი, ის ხალხი, რომელიც ამას წინათ ჩამოვიდა,
თქვენს ადგილზე დაიწყებს მუშაობას, ახლა შეგი-
ძლიათ მიბრძანდეთ!

მუშები მიცვივდნენ, უნდოდით მოეკლათ უც-
ხოელი, მაგრამ მან ამოიძრო ჯიბიდან სასტვენის
და დაუსტვინა. ყოველი მხრიდან შემოცვივდნენ კბი-
ლებამდე შეარღებული კაცები, მუშებს ალყა შემო-
არტყეს და შებორკეს. მაშინ უცხოელმა ხმა-მალლა
დაიყვირა:

— განდევნეთ ეს ავაზაკი ხალხი და დაიცავით
საზღვრები. თუ რომელიმე მათგანმა გაბედა და
სოფლისკენ წამოვიდა—ესროლეთ!

უცხოელი ბატონის ბრძანება ადვილად შეას-
რულეს.

უბედური მუშები ცოლშვილით უნდა გაქცე-
ულიყვნენ ტყეში ისე, როგორც ერთ დროს გააქ-
ციეს „კუდიანის“ შვილი.

როდესაც დაღადა, განდევნილები უგრძობ-
ლად დაეცნენ მიწაზე. ქალები ტიროდნენ, მოსთქვამ-
დნენ:—„ბოგანო“ ბატონად გაგვიხდა! „ბოგანო“
ბატონად გაგვიხდა“-ო

მეორე დღეს მათ განაგრძეს გზა. მთელი დღე
არაფერი ექამათ, საშინლად მოშვიდათ, მაგრამ სა-
ქმელი სრულიად არა ჰქონდათ, მთელი დღე ია-
რეს, ხალხი მივიდნენ ერთ ქობთან და დააკაკუ-
ნეს. კარები გაიღო და გლეხებმა დაინახეს „კუდი-
ანის“ შვილი. ყმაწვილმა თავაზიანად მიიღო სტუმ-
რები, მოუტანა პური და მარწყვი და გაუხასპინ-
ძლდა მუშებს. გლეხებმა უამბეს რაც თავს გადახ-
დათ და შესჩივრეს ასეთი უბედურება:

— ახლა კი ყველაფერი დაიღუპა!—დაიკვნე-
სა ერთმა მოხუცებულმა მუშამ;—„ბოგანო“ ბა-
ტონად გადაგვექცა და ჩვენ—ჩვენი შვილებით
სამუღამოდ მისი მონები ვიქნებით!

— უკეთესი იყო მამა შენს ის ბედკრული
„ბოგანო“ არ გამოეგონებია!—დაუმატა მეორემ,—
ახლა ჩვენ უარესად ვცხოვრობთ.

ყმაწვილმა კი მრისხანელ უპასუხა მათ:

— ცილს ნუ სწამებთ მამაჩემს! ყველა ეს მას

გულკეთილობით მოუვიდა. საჩუქარი კარგი და სა-
სარგებლოც იყო მანამ, სანამ ის თქვენს საკუთ-
რებას შეადგენდა. მაგრამ ეს სიკეთე რისხვად გა-
დაგვექცა მას შემდეგ, რაც ერთს კაცს მივეციდეთ.
მოიგონეთ ის დრო, როცა „ბოგანო“ ჩვენ ყველას
გვემსახურებოდა! განა მაშინ ჩვენ არ ვცხოვრობ-
დით ბედნიერად და მხიარულად?

— მართალია, მართალი!—ერთხმად წამოიძა-
ხეს გლეხებმა და ოხვრით იგონებდნენ იმ დროს,
როცა მათი სოფელი ბედნიერი იყო.

— რატომ გადაეცით ჩვენი „ბოგანო“ ერთ
კაცს?—გაჯავრებით წამოიძახა თორმეტი წლის ბი-
ჭმა.

— ჩვენ, ბავშვები, დავუჯერებდით მოხუცს
და იმის ანდერძს არაოდეს არ დავეიწყებდით!

მოხუცებულები სდუქდნენ, რადგან ახალგაზღე-
ბის ასეთი შენიშვნებით შერცხვენილი იყვნენ. „კუ-
დიანის“ შვილს კი სახე გაუბრწყინდა და სიხარუ-
ლით წამოიძახა:

— მე რამდენიმე წელიწადს ზედი-ზედ ვკით-
ხულობდი მამა ჩემის სხვა და სხვა საოცარ წიგ-
ნებს და ყოველთვის მეჩხირებოდა თვალში ერთი
თქმულება, რომლის გაგება მაშინ მე არ შემეძლო,
მაგრამ დღეს კი მესმის მისი აზრი. აი როგორია
ის:

— რასაც გადისროლის მოხუცებული, იმას
ახალგაზრდა აიღებს.

— „რასაც გააპარტახებს მოხუცებული, იმას
ახალგაზრდა გაასწორებს.

— „მოხუცებულების ბატონი ახალგაზრდების
მონა შეიქნება“.

ერთ წამს ქობში სიჩუმე ჩამოვარდა. შერმე ბა-
ვებმა თავიანთი ახალგაზრდური, უმანკო ხმებით
წამოიძახეს:

— ჩვენ გავასწორებთ ყველაფერს, რაც თქვენ
წავიხდენით! თქვენს ბატონს ჩვენს მონად გავ-
ხდიო!

ჩაფუქრებული მაღალი ნაძვები არხვედნენ თა-
ვიანთ მაღალ წვეროებს და ჩურჩულობდნენ:

— სწორედ ასე იქნება, სწორედ ასე იქნება!

მ. დონდუი.





დ. სენაძის ლენინის სასკოლოების მშენებელი კომუნისტური სკოლები.

გაზაფხული



აგვიზაფხულდა. მისმა
ჩაიცვა ქრელი ქათამი.
ბაღში ვაზი აკოკრდა
ეზოში — ლურჯი სათიბი.

ატამმა გულზე აასხა
ლამაზად ვარდის ღიღები.

და კორღზე მორცხვად თავსა ჰხრის
ია, პირ-განალიმები.


აგერ მერცხალმა ფრთა გაშლით
ჰაერში გაინავარდა,
ხან დედამიწას გაეკრა,
ხან ლურჯ სივრცეში ავარდა.


ფუტკარი ჩაძვრა ყვავილში,
ტკბილი მანანა დალია;
და ნეტარებით აღსაფხვე
დაბზუის, თითქო მთვრალია.

ყოველი არსი მოქმედობს
ამ სასიცოცხლო ხანაში,
გლეხიც ქობიდან გამოდის
და კრიმანჭულობს ყანაში.

ვიშ გაზაფხულო, შენს მადლსა
სამყარო დაუმონია!
შენ დიდება ხარ სოფლისა,
სოფელი ქვეყნის ღონეა!

ვ. რუხაძე.





შ ა გ ი მ გ ე ლ ი

ზ ღ ა პ ა რ ი .

პ ი ე ს ა - ს ა მ მ ი ღ მ ე ლ ე შ ა დ .

მომკმედნი პირნი:

ზახე — ჯადოქარი — იგივე შავი მგელი.
 ფარნა — ახალგაზრდა მწყემსი.
 გრატი — ახალგაზრდა გლეხი.
 ბროლა — ძალიად ქცეული ვაჟი.
 თეთრა — თხად ქცეული ქალი.

მზექალა — შვენიერების დედოფალი.
 ოთხი ქონდრის კაცუნა — (შემდეგ ბიჭები).
 ორი ჭაბუკი —
 გლეხები, ხალხი, მესაკრავენი.
 დრო ზღაპრული.

პირველი მოქმედება.

სოფლის ახლო-მახლო.

ცალ მხარეს მინდვრიანი; მეორე მხარეს მთა, ტყით შემოსილი, რომლის მწვანე ფერდობზე (სცენის წინა მხარეს) მხარ-თედოზე წამოწოლილია ფარნა და სალამურს უკრავს; აქეთ-იქით უსხედან დიდი თეთრი ძაღლი და თეთრი თხა; მოშორებით ფერდობზე შეფენილია ცხვარი და სძოვს. მინდვრიდან ისმის მუშუური სიმღერა, ყიფინა და ხმაურობა.

ფარნა სალამურის დაკვრას ათავებს და მერე თავის კხოველებს ეალერსება.

შემოდის ახალგაზრდა გლეხი გრატი, დამკლავებული და თავზე წიაელ ხელსახოც წაკრული, მხარზე კოკა-წამოკიდებული.

გრატი. (მიესალმება ფარნას) გამარჯობა შენი, ფარნა!

ფარნა. გაგიმარჯოს, ჩემო გრატი! გეტყობა წყაროდან მოდიხარ... მოდი, ცოტა დაისვენე.

გრატი. ჰო, ბიჭებს წყალი შემოაკლდათ და უნდა მიეუტანო... მაინც მუხლებმა რომ ქარი აჰოილონ, არ მაწყენს. (კოკას დასდგამს და თვითონაც ჩამოჯდება) შენი ძაღლი და თხა სულ გვერდითა გყავს და არ იშორებ, ჰა?

ფარნა. ამათ კი ვენაცვალე, როგორ მოვიშორებ... თუნდა ორი კარგი მეგობარი მყოლია. ისეთი ერთგულნი არიან... ახლა როგორ ვსმისთ ადამიანის ლაპარაკი, კაცო! რაც გინდა დაავალე, ისე ავისრულებენ, როგორც შენ უჯახარი, — მაშა!..

გრატი. დახე შენა! ლაპარაკი-ლა არ იციან რაღა?!

ფარნა. სწორედ ეგ-ლა აკლიათ, თორემ ადა-

მიანს სხვაფრივ არ ჩამოუვარდებიან, ისეთი გონიერება.

გრატი. ნეტავ მეც მაშოვნია ეგეთი პირუტყვები... შენ როგორ იშოვე?..

ფარნა. ერთხელ აი, იმ მთის იქით მყავდა ჩემი ფარა საძოვარზე და იქ თვითონ მოვიდენ... ჯერ ძალლი მომელაქუსა, მერე თხამ შემომბღავლა, თითქოს შველას თხოულობენო, ალბად, ნადირ ისაგან თუ იყვნენ დამფრთხალნი; მერე მეც მივუალერსე და სალამოს შინ წამოვიყვანე... მას შემდეგ ჩემთან არიან განუყრელად...


გრატი. საიდან მოვიდენ, ან ვისი არიან?

ფარნა. არც ის ვიცი, თუ ვისი არიან, არც ის — საიდან მოვიდენ, — ჩემთვის არც საჭიროა ეგ; მე ესენი მეგობრებად მიყვარს და ამათაც ძალიან ვუყუარვარ... ქირში მშველიან, ლხინში ჩემთან სიამოვნებენ... მეტი რა მინდა! ავსა და კეთილს კაცს მაშინვე იცნობენ და მეც მაცნობებენ... აი, უყურე, შენ როგორი სიამოვნებით გიყურებენ!.. (ძაღვი კუდის ქნევით და თხა თავის კანტურით ესაღმებან, ფარნა ეაჯკრებს მათ).

გრატი. ყოჩაღ, ყოჩაღ! კარგია!.. მაშ, ბიჭო, რატომ ფარასთან არ ატარებ, რომ უფრო ბეჯითად უგდონ ყური... აგერ ამბობენ, რომ ის სატილო შავი მგელი ჩვენს მხარეშიც გამოჩენილა. აქამდე ზღაპრად გვესმოდა, შავი მგელი სოფლებს აოხრებს, არ ინდობს არც პირუტყვს, არც ადამიანსო, ახლა კი აქეთაც გადმოსულა...

ფარნა. (გაკვირვებული) მართალს ამბობ, გრატი? ვინა სთქვა?

გრატი. მთელი სოფელი ახლა სულ ამაზე ლაპარაკობს და შიშის ზარი აქვთ დაცემული... აღარ



იცინ, რა ქნან!.. შენ შენს ფარასთან ხარ განუ-
შორებლივ და სოფელში რა ხდება, არც კი იცი...

ფარნა. ჰო, ეგ მართალია... ძაღლები იქაც
არიან, მაგრამ მაინც აბა, ბროლავ და თეთრავ,
ცხვართან წადით, მერე ისევ მოდით... (ძაღვი და
თხა მიწიან) ჰხედავ! (გრატო თავს აქნევს სიამოვნე-
ბით) მაშ შევმა მგელმა ზიანი უყო ვისმე?

გრატო როგორ არა, კაცო! გუშინ საღამოსაც
ზედისზედ ერთი ცხვარი მოუტაცნია და ერთიც
დემკეული...

ფარნა. ვაი, შენს ფარნას, სად ვიყავ, რომ არ
დავიქირე და თავი გველივით არ გაუტეპყე!..

გრატო. მაინც სოფელს შენი იმედი აქვს, თუ
გაუმკლავდება შავს მგელს, ისევ ფარნა, თორემ
ჩვენი საქმე წარსულიაო... ყველა ესე ამბობს.

ფარნა. ახ ნეტავი ერთი შემახვედრა და, თუ
მეორედ ის აქ მობრძანდეს, თავი მომჭერიო...

გრატო. მართალია, შენ ძლიერი და უშიშარი
მონადირე ხარ, მგელი როგორ შეგაშინებს, რო-
ცა ვეფხვებად გინადირია, მაგრამ, იცი, თავს ძა-
ლიანაც ნუ გამოიდებს...

ფარნა. როგორ?

გრატო. როგორ და ასე; ამბობენ: შავს მგელს
ისეთი ჯაღო აქვს გაკეთებული ჯაღოქარისაგან, რომ
იმის მოკვლა არავის შეუძლიაო.

ფარნა. ეგ რომელი ჯაღოქარია?

გრატო. არ იცი განა?! ძალიან განთქმული
ჯაღოქარი რომ არას, სახელად ზახე ჰქვიაო... აი,
იქით დიდა მთები რომ მოჩანს, იქა ცხოვრობსო.
ისეთი ძალა აქვს თურმე, რომ ადამიანს როგორც
უნდა, ისე შესცვლის.

ფარნა. აბა როგორ?

გრატო. აი ასე: ადამიანს ჯაღოს უზამს, ან
შეულოცავს თურმე და აქცევს გველად, ფრენ-
ლად, ძაღლად, ხვლიკად, თხად... და კიდევ რა
ვიცი, რადაც მოისურვებს... სადაც შავი მგელი
განდებდა, ჯაღოქარიც იქვე ახლო სადმე იქნებოა,
ამასაც ამბობენ.

ფარნა. (ჩაფიქრებული) ისიც ხალხის მტერი
ყოფილა შავი მგელივით და იმასაც ბოლო უნდა
მოეღოს...

გრატო. მაგას ვინ შესძლებს, ჩემო კარგო...

ფარნა. განა ჯაღოქარის წინააღმდეგ კი წა-
მალი არაფერია?

გრატო. აბა, რა ვიცი... ჯაღოქარი მაშ რის
ჯაღოქარია, თუ კი აჯობებს ვინმე... ბევრ-
ჯერ გამიგონია, შორს სახელმწიფოში, სადღაც,
მთელი ხალხი სულ გადაუქცევია ცხოველე-
ბად, ფრინველებად, ქვემძრომებად და ვინ მოს-
თელის კიდევ რად... ისეთი საშინელი და ბორო-

ტიაო, რომ ადამიანი როგორ გაუბედავს რასმე...
შიშით ყველანი ერიდებიანო...

ფარნა. მერე, მერე?

გრატო. ჰო და იმისგან არის შელოცვილი შა-
ვი მგელიც და სიკვდილი იმიტომ არ ეკარებაო...

ფარნა. (მტკიცედ) არა, ქვეყანაზე ყველაფერი
იბადება და ყველაფერი კვდება. ეს წესია... მაშ იმ
შავი მგელის მოკვლაც შეიძლება! (ამ ღაზარაკის
დრწეს მთის მხრიდან შემოდის მზხუცი მგზაური, უცნა-
ური სხისის და ჩანმულობის, ხეღში უბრალო დიდი ჯო-
ხი უჭირავს და აბგა ჰქიდა, ბიჭებს მიუხედავებდა).

მოხუცი. (შეისაღმება) სალამი ახალგაზრდებს!..

ფარნა და გრატო. სალამი.

მოხუცი. მე ყური მოვკარ, მგონი, თქვენ
შავ მგელზე ლაპარაკობდით?..

გრატო. ჰო, მართალია.

ფარნა. მერმე, შენ რა?

მოხუცი. მე ვიცი, რომ შავი მგელი ძალიან
ძლიერია და მოერიდეთ, ეს მინდოდა მეთქვა.

ფარნა. შენისთანა დაჩამამებულს უნდა ეში-
ნოდეს და მოერიდოს კიდევ...

მოხუცი. არც შენ გაწყენს სიფრთხილევ...

გრატო. როგორ, მოხუცო?

მოხუცი. ისე, რომ ვინც იმას გაუბედავს გა-
მკლავებას, თვითონ დაიღუპება...

ფარნა. მე მაინც მინდა ბედი ვცადო; თუ
შემხვდა სადმე, მაშინ ნახავს ის სეირს...

მოხუცი. დიდი იმედი ნუ გაქვს შენი ახალ-
გაზღური ძალ-ღონისა... ფუჭია ყოველივე ძალა
იმასთან ბრძოლაში.

ფარნა. შავი მგელი კი არა, შავი აფთარი, ან
შავი ლომიც რომ იყოს, მაინც ვეცდები მოვსპო,
რადგან იგი ხალხის მტერია, ხალხის შემაწუხებელი...
აგრეთვე ის ვილაც ჯაღოქარი ყოფილა, შავი მგე-
ლას დამხმარე, იმასაც კ სერს მოვუგრებავ, თუ
მივაგენი იმის ბუნავს...

მოხუცი. ოპოპო!.. შენ ძალიან მკვებარაც
ყოფილხარ!.. ეგ კი მეტის-მეტა მოგივიდა. მაგ-
რამ მე მაინც გაფრთხილებ... (გშმაკურა დიმილით)
ცოლო ხარ... აფსუსია ეგეთი შევნიერი ქაბუკი
დაიღუპოს შავ მგელთან ბრძოლაში... მე ბევრი
მინახავს შენისთანა გამბედავი და შეუბოვარი, მაგ-
რამ თავი უბრალოდ წაუფიქრა... შენც ეგ მოგე-
ლის, თუ არ დაიშლი... ჯაღოქართან კი ახლო
გავლასაც ნუ გაივლებ გულში... ეგ ხომ უფრო
სახიფათოა...

ფარნა. მაგას ბოლო გამოაჩენს...

გრატო. შენ საიდან იცი ეგენი, მოხუცო?

მოხუცი. მე ბევრი რამ ვიცი, ქვეყანა შემო-



მივლია... თქვენ ბაღლები ხართ, გულს ნუ აპყვებით!..

რნაფ. კაცი გულით ცოცხლობს, — უგულოდ ცხოვრება, ფუჭი კაკლის ჩხრიალია...

მოხუცი. შენ ქუთასაც ჩემულობ... თავს წააგებ... (ამ დროს მხიარული კუნტრუშით ბრუნდებიან ბროლა და თეთრა; მოხუცს რომ დაინახავენ, შესდგებიან მცირე ხანს, თითქმის გაკვირვებულნი, მერმე ძაღლი მოხუცს მივარდნას უბიძგებს მტრულად, თხა ფარნას ეფარება).

ფარნა. ბროლავ, როგორ იქნება, მგზავრია... მოდი აქ... (ძაღლი მიდის მასთან, თუმცა მოხუცს უღრენს).

მოხუცი. (იმას დაინახაზე თავალებიდან ბროტების ნახერწყალებს აკვირებს და უბღუერის, მერმე ფარნას ტკბილად ეტყვის) რა კვი ძაღლი და თხა გყოლია, თუ შეეღვივი, მე ვიყიდი... მიყვარს ეგეთი ცხოველები.

ფარნა (უაღერსებს ცხოველებს) არა, ესენი ჩემს თავს მიჩვენია... ტყუილად ნულარ გაირჯები!..

მოხუცი. შენი ნებაა... შე მაინც გაფრთხილებ კიდევ... ეგენიც გაჭირვების დროს გილალატებენ... მშვიდობით... (ბროტად გადაუბრიალებს თავებს ძაღლს და თხას; და თავისთვის ამბობს) ერთი კალკე ვნახავდე ანა! ერთხელ ხომ ძაღლად და თხად ვაქციე ეს ბიჭი და გოგო, ახლა კი ცოცხალსაც აღარ გავუშვებდი საძაგლებს... (მადის).

ფარნა. მშვიდობით... (ძაღვი გამოკიდებს ცდილობს, ფარნას არ უშვებს) ბროლავ, რად გადარჩე... ბოროტი ადამიანი თუ იყო, წავიდა, მოგვშორდა... შენ აქ იყავ (იჭერს).

გრატა. ეგ თუ კეთილი სული იქნებოდა, მე აღარაფერი მცოდნია... ვერ შენიშნე, როგორი ბოროტი და ავი თვალები ჰქონდა... ეგ დიდი ავაზაკი იქნება, დიდი ბოროტმოქმედი...

ფარნა. (იღინის) მაგ ბებრუხანას რა ავილა შეუძლია, ფეხებს ძლივს დაათრევს... რას ამბობ, კაცო!...

გრატა. აი შენი ბროლაც რომ მიეტყვა, მაგას ეჯავრა იმის დანახვა...

ფარნა. ჰო, ცხადია, კეთილი ადამიანი არ იყო, მაგრამ საქმეს კი ვეღარას იზამს ცუდს, ბებერია... (ძაღლი იწევს წასასვლელად, ფარნა არ უშვებს) ბროლა, ნუ ჯავრობ... რა გინდა, საით იწევ!.. პოიცა, მოიცა!...

გრატა. იქნება ეგ მოხუცი ის ჯადოქარიც იყოს, რომელზედაც წაღან გითხარ... შეიძლება!..

ფარნა. (გაღიანახებს), რას ამბობ, გრატა, ჯადოქარი კი არა, — ახლა ისა სთქვი!...

გრატა. (საწვენივით) შენ გაიცინე და იქნება, ეგრე კი იყოს... შავი მგელი ჩვენს არემარეშიც გამოჩნდა, მაშ ჯადოქარიც სადმე აქვე ახლო უნდა იყოს... და რა იცი, რომ ეგ არ არის?...

ფარნა. (ძაღლს იჭერს, რომელიც წასვლას ცდილობს) ჯადოქარი ვანა ეგრე წარამარად ივლის აქა-იქ?!...

გრატა. მე კი ეგრე მგონია, რომ ის იყო და ვნახოთ... ეე, ძალიან გავერთე ლაპარაკში და, ვინ იცის, ბიჭები როგორ მლანძღვენ წყალის დაგვიანებისათვის... წავიდე მალე... (კოკას აიღებს და მიდის).

(ამ დროს მახლობელ ტყეში, ფერდობზე და მინდვრად, ატყდება ძაღლების საშინელი უეფა, ცხვრის ბღაუილი, — ისმის ხალხის უვირილი და დატატანება: ჰაი, ჰაი... არიქა მოიტაცა, მოვიდა და სხვა).

ფარნა. (გაკვირვებით) რა მოხდა? ცხვარი თუ დააფრთხო რამე... აბა, ბროლა, გაიქცე, გაიგე, რა ამბავია. მეც მოვდივარ... (ბროლა გაიქცევა: თხა მასთან რჩება. წასვლას აბიძგებს თვითონაც, მაგრამ შემობრბის გრატა შეშინებული, უკოკოდ).

გრატა. (ქაჩნით) ფარნავ, ფარნავ, შავმა მგელმა ცხვარი მოიტაცა... შენი... შენი ცხვარი... (ხმაურობს გრძელდება).

ფარნა. (ბრაზით) ვაი, დედიჩემის ღმერთსა! დახე, დახე, მაინც გვაჯობა იმ საზიზღარმა!...

გრატა. აგერ, აგერ, აგერ; უყურე!... (ამ დროს ისინი ხედავენ, თუ შავი მგელი მართლაც როგორ მიახრებინებს ზურგზე გადაკიდებულს თეთრ ცხვარს და მიეფარება)

ფარნა. (შეჭვწვინებს) ჩემი შავხალიანი! ჩემი საყვარელი ცხვარი... არიქა, მოუარეთ, მიშველეთ... (გარბის, გრატა და თხა გაჭვწვინან).


(სტენას მცირე ხანს ტარიელა. კარეთ ისმის უყანი და ზოგი სიტყვები: „ნუ წახვალ, არ გაუშვავთ, არ შეიძლება წასვლა“... მერმე ანდოვდებიან და შემოგლეხ კიდევ მინდვრში მომუშავე გლეხები, რომელთაც თითქმის ძაღლ შემჭვწვინებთ ფარნას).

ფარნა (ძაღლს გაჯავრებულია) ტყუილად მიშლით, არ დავდგები, უნდა გამოვუღდე...

ხალხი. (შიგა და შიგ) არ შეიძლება შენი წასვლა... დაიღუპები... თავი გაანებე, ერთი ცხვრის გულისთვის თავს ხომ არ გასწირავ...

გრატა. მართალს გეუბნებიან, ფარნავ! ერთი ცხვრის ცხვრისთვის თავს ნუ გაიმეტებ... აკი იმ მოხუცმაც გაგაფრთხილა...

ერთი. საფრთხილოც არის... გამიგონია, ბევრმა ბიჭმა სცადა ბედი, მაგრამ მგელმა იგი ინაცვალაო...



მეორე. შენ რაღად გინდა წასვლა და იმის ძებნა,—ეგ რაკი შემოგვეჩვიო, კიდევ მალე მოვა და მაშინ ეცადე...

მესამე. ბიჭებო, ძალიან ცუდი საქმე მოგველის მაგ სატილოო მგლისაგან... რაკი გეზი ვაიკეთა, ეგ აქ ძუნძულს აღარ მოიშლის და ვაი ჩვენი ბრალი!...

მეორე. ისე აგვაოხრებს და გავაჩანაგებს, როგორც არა ერთი და ორი სოფელი მოუნარიკლებია...

მესამე. საქონელი პირუტყვი სულ დაგველუპება და ბოლოს ჩვენც მაგის ლუკმა გავხდებით...

ფარნა. ხალხო, გამიგონეთ!... აი თქვენვე ჩივით, რომ ეგ პირმყრალი მხეცი აგვიკლებს და აგვაოხრებს... პირუტყვს გავვიწყვეტს, ჩვენც მაგის ლუკმა გავხდებითო...

ხალხი. ჰო, ეგრე იქნება, მართალია... სხვაგანაც ეგრე მოხდა ბევრგან...

ფარნა. მაშ რად მიშლით წასვლას იმის საძებნელად და მოსაკლავად?...

გრატო. იმიტომ გიშლით, რომ შენ გვეჩანები; არ გვინდა უბედურება შეგვმთხვეს.

ხალხი. არ გვემეტები, ფარნავ, არა... ძლიერი ბიჭი ხარ, მაგრამ ვაი თუ დამარცხდები იმ საოხრო მხეცისაგან.

ფარნა. თქვენი ჭირის სანაცვლოც ვყოფილვარ... რაც მომივა, მომივიდეს!... მტერს რომ ყველა მოერიდოს, პასუხი არავინ გასცეს, ხომ უფრო გათამამდება და აღარაფერს მოერიდება... ხომ ვინმე უნდა გაუბედოს მაგას შებრძოლება და სხვას რად მოეუცადო? რატომ მე არ უნდა გავბედო!... აი, ამიტომ არ დავიშლი და წავალ...

გრატო, ხალხო, არ გვემეტება, მაგრამ წავიდეს, იქნება გაიმარჯვოს და დიდი უბედურება აგვიკლებს...

ფარნა. (გაბედულად) იქნება კი არა, უუქველად უნდა გავიმარჯვო!...

გრატო. მაშ რამდენიმე ბიჭი მაინც გაიყოლიე თან საშველად...

ფარნა. არა, სხვა არავინ მინდა, ჩემი მეგობრებიც მეყოფიან—ბროლა და თეთრა! (რომლებიც გვერდით უდგანან).

ხნიერი. შეილო ფარნა, რაკი აღარ იშლი და ჩვენი გულისთვის თავის გადაღებას აპირებ, ერთსა გთხოვ...

ფარნა. აბა, სთქვი, ძია კაცო!

ხნიერი. შავი მგლის ძებნა-დევნაში ფრთხილად იყავ და ერთდევ; ჯადოქარს არ გადაეკიდო,—თორემ მგელს კიდევაც რომ აჯობო და დამარცხო, ჯადოქარს ვეღარ მოურჩები... ერთდევ და უფრო

თხილდი იმ ავ სულს... შავი მგელი ჯადოქარის ორეულია ..

ფარნა. ძიავე, მე არც ჯადოქარისა მეშინია, არც შავი მგელისა! გული მეუბნება, რომ ერთ-ზედაც გავიმარჯვებ და მეორეზედაც. თუ კი შეეხვდები მათ... ორთავეს მოვსპობ, გული ასე მითხოვს...

ხნიერი. მაშ მეორე თხოვნა მაინც აგვისრულე!

ფარნა. ბრძანე!

ხნიერი. რახან სახიფათო საქმეზე მიდიხარ, ჯადოქარისაგან საფრთხე მოგელის, —იქნება ჯადოქარამ გიყოს და წაგახდინოს... აი იმის ძალის გასაცოდებლად დედაბერს ზენოს გამოართვი მალამო; ვისაც ის მალამო ექნება გულზე წაცხებული, იმას ვერავითარი ჯადო ვეღარ მიუდგება...

ხალხი. ჰო, გამოართვი, გამოართვი?... დაგიფარავს, უვნებლად შეგინახავს...

ფარნა. ხალხო, არც მალამო მინდა, არც სხვა რამ წამალი და შელოცვა! მე არ მეშინია თვალთმაქცობისა და ჯადოსი, ჩემი მალამო გულში მაქვს—ჩემი უშიშრობა! მე არ ვიცი, რა არის შიში და ვერც ჯადო მომეკიდება.. შავს მგელს კი პასუხს გასცემენ მაგარი მკლავი, ხელკომბალა და ეს პატარა ხანჯალი... იმედი გქონდეთ თქვენც ჩემი გამარჯვებისა, როგორც მე თვითონ მაქვს იგი!

ხალხი. იხარე, იღლეგძელე, ჩვენო ფარნა!

ხნიერი უმალამოდ მაინც-კი სახიფათოა...

ფარნა. აი ამათი დახმარებაც მეყოფა... ჩემი ბროლა და თეთრა მიშველიან... მაშ მშვიდობით!... გადავლახავ მთებს და ხევებს, გადავივლი ტყეს და ველებს... სანამ ჩვენს მტერს არ მოვხვლავ და არ დავამარცხებ, მე აღარ დავბრუნდები... მანამდე კი ჩემი ცხვარი თქვენ გებარებოდესო...

ხალხი. ჩვენ მოვუვლით, ჩვენ...

ფარნა. მაშ მშვიდობით? კიდევ კარგად გვეჩანხოს ერთმანეთი... აბა ბროლა და თეთრა, თქვენც ძალიან უნდა გაისარჯოთ მტერთან ბრძოლაში... (ძაღვი და თხა საიმეფნებით ეკვრიან ფარნას, რომელიც მათ ხელს უსვამს თავზე და მერმე მიდიან) მშვიდობით, ძებო!

ხალხი. (დალოცვით ადიდებს) გამარჯვებულის გვენახო, ჩვენო ფარნა!

ფ ა რ დ ა .

მეორე მოქმედება.

უდაბური ადგილი მთებში.

ხეობა ჩაშავებული და შიშის მომგვრელი; გარშემო შავი, მალალი მთები; მარჯვნივ კლდეში მდგომია, რომლის შესავალთანაც კერაა და ზედ ცეცხლი ანთია, რომ-



ლისწითური შუქით არის განათებული არე-მარე; მეორე მხარეს—მარცხნივ—საცალფეხი ბილიკი მოსდევს ქვევიდან ამოსასვლელად. შიგა და შიგ ისმის ბუკიოტის ძახილი.

ცეცხლთან ფუსფუსებს ჯადოქარი ზახე. ხან მღვიმეში შედის, ხან გამოდის, რაღასაც ამზადებს; თან ეტყობა მოლოდინშია; ხან ერთს მხარეს გადისხედავს, ხან მეორეს

ჯადოქარი. რა იქნენ აქამდე ის გველის წიწილები!... (მერმე მივა კვდის ნახიჯას, სიდანაც ბაღიკი ამოდის. ჯერ ათვადიერებს, მერმე გადასძასებს) ყია, თახე, ქია, ლახე!... (იმეორებს კიდევ და მერმე უურს დაუგდებს) თითქოს მიპასუხეს... (მართლაც შორს ქვევიდან ძლივს მოისმის)..

ხმები. (გაკრძელებით) მო-ვდი-ვართ, მო-ვდი-ვართ.

ჯადოქ. მოღახართ და მე გიჩვენებთ თქვენ ჩემი მათრახის სუსხსა... ყოველ-დღე თუ არ მოგხვდათ, ვავიწყდებთ იმის გემო... წყეული ადამიანის შეილები წავიდენ, დაიკარგენ!... დამაცადეთ თქვენა!... (მობრუნდება და ისევ ფუსფუსებს, მტრე ხანს შემდეგ ბაღიკზე ამოდის ქონდრის კაცუნები: ყია, თახე, ქია და ლახე, რომელნიც შიშით და კრძაღვით უხსლოდებიან ჯადოქარს და მერმე ერთს ადგილს გაჩერდებიან).

ჯადოქ. (ჯერ ვითამ ვერ ამჩნევს იმათ, მერმე დაინახავს და შებღვერით და კბილების კრძქუნით ეუბნება) სად ჯანდაბას დაიკარგეთ ამდენ ხანს? თქვე გველბაყყინო და უწმინდურნო, ჰა?... (უხსლოდებს თვალების ბრიალით) მე გაგვზავნეთ საქმეზე: წადით, გააკეთეთ და მალე მოდით მეთქი... თქვენ კი მთელი ორი დღე აღარა ჩანხართ... სად ეთრიეთ, სად?!... (გამოძრვას ზურგიდან მათრახს და უდერებს) ისეირნეთ? ისეირნეთ?... ჰა? ახლავ გაგწყევტავთ თქვე წლოკებო, თქვე ქონდარებო... (სტუმს ხან ერთს და ხან მეორეს. ქონდარები ტკივილისაგან იკლანებიან და ტირიან.)

ქონდარები. (ხვეწით) გვაბატე, დიდო ზახე... გვაბატე, დიდო ზახე!... შორს ვიყავით, იმიტომ დავიგვიანეთ... აღარ ვიზამთ, აღარ...

ჯადოქ. აღარ იზამთ? ჰო, იზამთ და უარესი მოგივათ, თქვე გველ-ხოკერანო!... ხომ აცით, როცა მოვისურვებ, გაგწყევტავთ, როგორც მატლებს, გაგანიავებთ, როგორც ქარი მტვერს... მიფრთხილდით!... (მეცხლება და ცეცხლისკენ მიდის) აბა, რა გააკეთეთ?... ვაი თქვენს თავს, თუ პასუი არ მომეწონა... ყია, დაიწყე, თქვი!... (ცეცხლთან სკამზე ჩამოჯდება მოსასმენად).

ყია. (წინ წამოგა). გლესს ძნით დატვირთული ურემი მიჰქონდა. ყევარი შვენიერი ჩასუქებული ხარები ება. ურემი არხინად მოგორავდა. მეურმე

ურმელს ლიღინებდა... ცალ მხარეს ბუჩქნარა ჯერ-დობი იყო, მეორე მხარეს ღრმა ხევი... მე ბუჩქებიდან უცებ გამოვბტი. ხარები დავაფთხე, მათ ხრამისაკენ გაიწიეს და ურემი ხარებიანად შიგ გადილენა...

ჯადოქ. მეურმე?
ყია. (დადნებულად) ისიც დაიღუპა (მიბრუნდება და ცრემლებს იწმენდს).

ჯადოქ. (ხითხითებს) ყოჩაღ, ეგ კარგია?... თახე, დაფქვი).

თახე. გაჩაღებული ქორწილი იყო, სახლს ცეცხლი წავუკიდე... მთელი ხალხი შიგ შეიწვა, ისე, როგორც აი, ამ ცეცხლზე შესწავა ხოლმე გატყავებულ ჯიხვს.

ჯადოქარი. (კვლავ ხითხითებს) ეგაც კარგია, აღარჩი! ქია, დაფქვი...

ქია. ზღვაზე დიდი ხომალდი მიცურავდა, ფქვილით დატვირთული, — შენი სახელით ქარიშხალი ავაყენე. . ზღვა გაგიფა და ხომალდი ნაფოტებად აქცია — ერთი მეზღვაური-ღა გადარჩა ფიცარზე...

ჯადოქ. (წარბ შეკვრით) გაბედულად გარჯილხარ... მაინც სასჯელი არ აკცდება, — რად გადარჩა ან ერთი... ლახე, დაფქვი...

ლახე. (დიდი შიშით) ერთი ბავში მდინარის ნაპირას თამაშობდა, — წყალში კენჭებს ისროდა... მივუახლოვდი, მას ისე შევშინდა, რომ ჯიხვს გატყვის მაგივრად, წინ წაიწია და წყალში ჩავარდა... (გახუმდება).

ჯადოქ. მერმე? (სიჩუმეა, ჯადოქარი ბრახით შეუბღვერს) რა მოხდა მეთქი? (ლახე ცახცახებს). ხომ დაიხრჩო?

ლახე. (ხმის კანკალით) გადარჩა.

ჯადოქ. როგორ? (ბრტყად უეუერებს)

ლახე. (ისევ) შემებრაღა, ვუშველე, გამოვიყვანე...

ჯადოქ. (შეჭდრიალებს) მაშ ეგრე ასრულენ ჩემს ბრძანებას? (წამოდგება და მათრახით სტუმს) ის შეგებრაღა, შენი თავი გაიმეტე და აი მიიღე საჩუქარი. . კიდევ იზამ? კიდევ შეიბრალებ? (სტუმს).

ლახე. აღარ ვიზამ, აღარ, მაბატე, დიდო ზახე... (დახაქიდი ეხვეწება).

ჯადოქარი. სიცოცხლე მიჩუქებია ჯერ-ჯერობით. თუ კიდევ დააშავებ — გაჰქრები წყალდასხმულ ნაკვერჩაღლივით... (მათრახს ინახავს, ლახე ადგება) ახლა მალე ცოტა საქმე გვექნება კიდევ, — აქ მოვა ერთი ქაბუკი მწყემსი, — ძლიერი და უშიშარია იგი, მაგრამ ძალიან უნდა გავისაჯოთ, რომ როგორმე დავიმორჩილოთ და ხელში ჩავიგდოთ... იგი ჩვენი მტერია... მერმე კი დასვენების შემდეგ ისევ წახვალთ სათარეშოდ... გესმისთ?



ქონდარები. გვესმის დიდო ზახე!..

ჯადოქ. მაშ ახლა იმღერეთ და გული იჯერეთ ბოროტების ქებით.

ქონდარები. (შდგრიან) ჩვენ ვადიდებთ ზახეს. ბოროტების სახეს,— ვუძღვნით მხოლოდ ქებას დიადს ბოროტებას,— ქვეყნის დამამხობელს, გულის დამატკობელს! ძლიერია ზახე, კაცთ სიცოცხლის მახე, შავ სიკვდილის სახე!..

(ამ სიმღერის დროს გამოჩნდება ბილიკსე მამაფაღი ფარნა ძაღლის და თხის თანხლებით; ხელში უჭირავს ხელ-კომბაღს, წელზე პატაკს ხანჯალი ჭკიდი, შემოდის და გაკვირვებული ათვალიერებს იქაურებს. ისინი ჯერ ვერ ხედავენ. ძაღლი და თხა ამრეზით არიან. სიმღერას ათავებენ).

ფარნა. აქ რაღაც უცნაური ხალხი ყოფილა... ნეტავ ვინ იქნებიან?!

ჯადოქარი. (დაინახავს ფარნას და გაჭაგრებული შემოჰმძახებს) ვინა ხარ? აქ რამ მოგიყვანა?

ფარნა. მგზავრა ვარ. ბილიკს ამოვყევი და აქ მომიყვანა. გამარჯობა თქვენ!

ჯადოქ. (და ქონდარებიც ზურგს შეაქცევენ) შეგიძლია უკანვე წახვიდე...

ფარნა. მე სულ წინ უნდა ვიარო, სანამ ნაკისრებ მოვალეობას არ შევასრულებ... თქვენ კი გიტყობათ უკუღმართი ხალხი ხართ, ბოროტი და უკეთები... მგზავრს ვგრე უდიერად დაუხვდებიან?! ფუჰ, შეგირცხუათ კაცობა!

ყი. (ჯადოქარს ჩუმიად) მე ერთხელ ვნახე ეს კაცი, ვეფხს ებრძოდა... მძლავრია და საშიშიც...

ჯადოქ. (უკმუნად) რისთვის მოსულხარ, რა გინდა აქ?

ფარნა. სანადიროდ ვარ წამოსული, ნადირს ვეძებ.

ჯადოქ. დიდი თავხედი ყოფილხარ, რომ აქეთ წამოსვლა გაგიბედავს...

ფარნა. რატომ?

ჯადოქ. აქ მეფობს უბედურება, ბოროტება და თვით სიკვდილი...

ფარნა. მეც სიკვდილს ვეძებ.

ჯადოქ. შეხვდები კიდეც...

ფარნა. იმედი მაქვს, სამსახურს გამიწევს,— სხვასთან მოციქულად მიხდა მივგზავნო...

ჯადოქ. ვისთან?

ფარნა. მე მივდივარ შავი მგლის საპოვნელად, როცა ვიპოვი, სიკვდილს მას მივუგზავნი...

ჯადოქ. (ბოროტად გადისაჩხარებს) შენ? შენ გინდა შავი მგლის მოკვლა?!

ფარნა. მინდა და კიდეც მოვკლავ!

ჯადოქ. აღამიანისაგან მისი სიკვდილი არ მოხდება, შეუძლებელია...

ფარნა. რატომ?

ჯადოქ. ის უკვდავია!

ფარნა. ხომ ცხოველია,—მაშ სიკვდილს ვერ აცდება და ამ სიკვდილს მე მივუტან...

ჯადოქ. (გულმოსულია და ბოროტებს აფრქვევს თვალიან). შე უბედურო, თავხედო და ბრიყვო კაცი! თავი ავიგდია, შეუძლებელს სურვილს აუტაცხარ და დაილუპები ისე, როგორც ტრედის ხონდი, რომელიც უფროთო ფრენას—მოიწადინებს...

ფარნა. ბებერო, ბებრუხუნა, შენი სიტყვები მე ვერ შემაშინებს!... მე არ ვიცი შიში... თვით სიკვდილისაც არ მეშინია და მყარად მგელს შევფუკრთები!.. არც იმ ჯადოქარის მეშინია, აქ მთებში რომ ცხოვრობს თურმე და აღამიანებს ჯადოს უკეთებს... ხალხს სტანჯავს, აწამებს და მონა-ყიებად გაუხდია ყველანი... ისეთს ჯადოს შევყრი მე იმას, რომ თვითონვე უკვირდეს, თუ შემხვდა სადმე... (ჯადოქარი ამ დროს რაღაცს ამზადებს).

ჯადოქარი. უბედურო, დაილუპები...

ფარნა. (აწყვერდება) მოიცა, მოიცა!.. შენ ის ბებერი არა ხარ ამ წინაზე ქვევით ბარში რომ იყავი და იქაც ვგრე მაფრთხილებდი და მაშინებდი? გიცან, შენა ხარ ის ბოროტი ბებერი... ბროლავ, ის არის, არა?.. (ძაღლი თანხმობის ნიშნად ჭეჟებს).

ჯადოქ. მე ვიყავი, გაგაფრთხილე... ახლაც გირჩევ, უკან წახვიდე, სანამ გვიან არ არის...

ფარნა. მაგის იმედი ნუ გექნება!.. მე მივაგნებ, რასაც ვეძებ...

ჯადოქ. უგზურო! შენ არც კი იცი, რომ მე შემიძლია თვალის დახმამებაში მატლად გაქციო...

ფარნა. (გაკვირვებული) მაშ ჯადოქარი შენ ყოფილხარ?! გრატიმ მართალი სთქვა... ჰო, აბა, მეც შენ მიხლოდი!..

ჯადოქ. რეგვენო, თავს ნუ წაიხდენ. კიდეც გაფრთხილებ!.. ჩემი წესის წინააღმდეგ შენ არ მეტეები.

ფარნა. თუ ჩემი უფრო გეშინია?!

ჯადოქ. სტყუი, შენი რად უნდა მეშინოდეს!.. შენ კი გეშინოდეს ჩემი... აქეთ რომ მოდიოდით, ხომ გამოიარე ერთი ადგილი, სადაც უზარ-მზარო ლოდები იყო დაგროვილი, თითქოს განგებ დაუწყვიათო? ხომ ნახე?

ფარნა. ვნახე და გამიკვირდა კიდეც, თითქოს გაქვავებული ქალაქიაო...



ჯადოქ. მართლაც ის ქალაქი იყო,—მე ვაქვავე... ეს დაიხსოვებოდა!.. იმ ქვეშის შორის ხომ ირეოდენ მრავლად სხვადასხვა წვრილი და სხვილი ფრინველნი, ქვემძრომნი თუ უშნო ნადირნი ..

ფარნა. ენახე ყოველივე.

ჯადოქ. ისინი არიან იმ ქალაქის მცხოვრებნი; მე ვაქციე ისინი სხვადასხვა სახედ. მათი უგუნური მტრობისათვის ჩემს წინააღმდეგ... ტვინში ჩაიბეჭდე ეს და გონს მოხვალ. . მომერიდე, სანამ გვიან არ არის... სახელმწიფო ვაქვავე, სახით შევცვალე, შემეძლო გამეწყვიტა ყველანი ერთს წუთს... შენ კი ერთი ღერი კაცი ხარ,—უარესი დაგემართება.

ფარნა. ოჰ, შე ბილწო, შე ხალხის მტერო!. შენთვის სიკვდილიც აფსუსია... შენ ცეცხლში უნდა დაწვა, როგორც მყრალი ნაგავი, დამპალი ბუჩო და ვგრეც მოკივა...

ჯადოქარი. (ცაღკე) დახე, ვერ შევაშინე ეს წყეული! (ფარნას დაეფეხებით) იცი, რას გეტყვი?... მოდი, მე და შენ დავმეგობრდეთ, კავშირი შევკრათ: მე ხერხიანი, ყოვლის შექმლე,—შენ გამბედავი, ძლიერი და უშიშარი... ორივე ერთად უფრო ძლიერი გავხდებით, მთელ ქვეყანას დავეპატრონებით, მონად ვავიხდით... თანახმა ხარ?.

ფარნა. ნუ ყბედობ, საძაგელო; შენი ხრიკები ჩემზე ვერ გასჭრის... შენთან კავშირი? არასდროს! ჩემი პირობაა: შენი ნებით დამმოკრიბი, დამნებდი! თუ არა, ამ კომპლით გავიხეთქ მაგ ბოროტ თავს. ხელით ამოგაკლი შხამიან გულს, რომ ხალხს ზიანი ვიღარ მიაყენო...

ჯადოქ. (შკატრად) თავხედო და ბრიყვო! მაშ არ იშლი! აბა ნახე, რა მოკივა!... (ამ სიტყვებთან ერთად შედგება სასწრაფოდ მადლობზე და იქიდან განაგრძობს) ყოა, თახე, ქია, ლახე!... მოუარეთ, შეულოცეთ!... ისე შექარით, ვერ ინძრეოდეს, თვალთ დაუბნელდეს, გონება წაერთვას....! (რადასაც ბუტბუტებს ხელებს გაშლილი, თითქოს ცდილობს დაძინოს; ქანდაკები წრეს მიმავლებენ, ისინიც შეუღიან ჯადოქარს; ფარნა მცირე ხანს გარინდდება, თითქოს ძილი მოერიათ, მაგრამ ძაღლი და თხა ქანდაკებს შეუტევენ, სცემენ და გაჭფანტავენ. შემდეგ ძაღლი ჯადოქარისაკენ გაქანება,—ფარნასაც გადუგლის გარინდდება და გამოერკვევა).

ფარნა. (გამოღვიძებულივით) აჰ, თითქოს თავს ბრუ დამესხაო... ჰეი! აბა ბროლავე, ბასრი კბილი მაგას! თეთრავ, რქები მიუპარჯე; მეც მოვდივარ! (გადახტება ჯადოქარისაკენ კომბალ მოწვდილი და უნდა დაჭკრას; ჯადოქარი შეატყობს, რომ მისმა ძალამ ვერ გასჭრა და სანამ ძაღლი და ფარნა მივარდებიან, მასწყობებს შემდეგის თქმას).

ჯადოქ. (გახელებული შეჭრილობის) ვანიშნე შენთვის! შენი მგელი შეგხვდება და მისი ლუკმა გახდები?... (უცებ გაჭრება მასთან ერთად მისი ქანდაკება).

ფარნა. (მოქნეული კომბალი აწყული დაჩნება; გაკვირებულია ჯადოქარის გაჭრებით) რა იქნა ის შეჩვენებული თვალთმაქცი!?... გაქრა, გაიპარა!... ვერსად დამემალები, ჯადოქარო! მალე გიპოვი... ბროლავე, თეთრავ, მოძებნეთ ის წყეული, აქ იქნება სადმე (ფარნა, ძაღლი და თხა ექებენ გაშეშო, მაგრამ ამ დროს კერძო ცეცხლი ქრება და სიბნელე მოიცავს არეშარეს, ატუდება საშინელი გრგვინვა ქუხილი, ელვა და ქარიშხალი).

ფარნა. ბროლავე, თეთრავ, მოდი, მღვიმეში შევეფაროთ გამოდარებამდე. (მღვიმეში შედის).

(მცირე ხანის შემდეგ ბუნება შშირდება ნელ-ნელა; სიბნელე ისეუ არის,—ზემოთ მთიდან მცირე სინათლე გამოჩნდება, რის გამოც სცენა თანავ გაშუქდება. გამოჩნდება შავი მკელი დიდი და საზარელი, თვალები ისე უბრწყინავს, როგორც ორი სახთელი, რის გამოც უფილავ ეს მკრთალი განათება. ძაღლი ჰირველი შენიშნავს და უფილავ აცნობებს ფარნას).

ფარნა. რაო, ბროლავე, მტერი მოდის? აბა, სად არის? (გამოიხედავს და დაინახავს მკელს, რომელიც შიში-შიშიმდ უახლოვდება მღვიმეს). ჰო, შავო მგელო, რამდენი ხანია აქ მოკელი!... (ცაღკე) რა საზარელია ეს მხეცი? (გადუდგება წინ) შესდექ! წინ ბიჭი აღარ წამოდგა! ფრთხილად! მოვიდა შენი აღსასრულის დღე!

შავი მგელი. (მათლაც შესდგება შემკრთალი და ეშუის).

ფარნა. ყოჩაღად, ბროლავე და თეთრავ! მოვსპოთ ეს მტაცებელი და სისხლის მსმელი!

(ამ სიტყვებთან ერთად მიდის მკელისკენ, მკელიც შემოუტევის; ძაღლი და თხა უკანდან შემოუღიან, მკელი შუშია მოწვედელი და აქეთ-იქით ტრიალობს, იკრებს ჭერ ცხოველებს, სურს მათი დახრება, მაგრამ ფარნა იდროვებს, სტაცებს კისერში ხელს, მკელიც შემოებმის კბილებით და თათებით, იბრძვიან რამდენიმე ხანს, ძაღლი და თხა შეუღიან,—ფარნა ბოლოს კომბალს გადაკვებს, ამოიღებს ხანჯალს და ჩასცემს, მკელს რომელიც მკადარი დაეცემა ძირს, ფარნა ფეხს დაადგამს გამარჯვების ნიშნად).

ფარნა. (აფელს იწმენდს და დრმად ქმინავს) მართლა ძლიერი ყოფილა ეს საზიზღარი!

(უცებ ხდება ცვლილება: ძაღლი იქცევა ჭაბუკ ვაჟად, თხა — ჭაბუკ ქადად და იქაურობა ძლიერად განათდება).

ფარნა. (მეტის-მეტად გატყეული) ამას რას ვხედავ? რა ხდება? თუითონ ჯადოქარი ხომ არ



არის შავი მგელი? რა იქნენ ჩემი ბროლა და თეთრა, თქვენ ვინა ხართ?

ბროლა. მე ვარ შენი ბროლა!

თეთრა. მე ვარ შენი თეთრა!

ფარნა. (გადაჩეული საცრებისაგან) თქვენ—ჩემი ბროლა და თეთრა?!... როგორ? საიდან?

ბროლა და თეთრა. ჩვენ დამა-ვართ...

(ამ დრას შემკრბის თხზი ბაჭი).

ბიჭები, (მხარულად) შენა ხარ ჩვენი მხსნელი, შენა ხარ ჩვენი მოკეთე!..

ფარნა. თქვენ ვილა ხართ? საიდან მოხვედ თ?

ბიჭები. ჩვენა ვართ ის ქონდრის კაცები, რომელნიც ჯადოქარს ემსახურებოდნენ... ჩვენ ის გვტანჯავდა, გვაწამებდა...

ფარნა. მერე?

(შემკრბის კიდევ ორი ჭაბუკი).

ერთი. მე ბუკიოტი ვიყავი...ლამის ქოტი...

მეორე. მე ლამურა ვიყავი... შენ გვიხსენი...

გმადლობთ.

ბროლა გაუმარჯოს ჩვენს მხსნელ გმირს!.. ხალხის მოკეთეს, ხალხისთვის თავდადებულს!...

ყველანი. გაუმარჯოს, გაუმარჯოს! ვაშა, ვაშა!..

ბროლა. წავიყვანოთ ჩვენი მოამაგე ციხე-დარბაზში და ვაჩვენოთ იმ ხალხს, რომელიც ამან გაანთავისუფლა ტყვეობისაგან, დიდი ხნის მწუხარებისაგან...

ყველანი. წავიყვანოთ, წავიყვანოთ!... მხრებზე შევისვათ, მხრებზე!.. (მიეხვევიან).

ფარნა. ყაწვილებო, გამაგებინეთ, ამიხსენით!...

თეთრა. როცა მიგიყვანთ ციხე-დარბაზში, იქ ყველაფერს გაიკებ!.. მხრებზე, ბიჭებო!..

ყველანი. მხრებზე... მხრებზე... (სტაცებენ ხელს, შეისვამენ მხარზე და გაუდგებიან გზას ყრამულთ, თეთრა წინ მიუძღვით ძახილით) ვაშა გაუმარჯოს ვაჟკაცს ფარნას... ვაშა!...

დ. ნახუცრიშვილი.

ფ ა რ დ ა .

(დასასრული იქნება.)



გაზაფხულის ჰეიზაჟი

(ს უ რ ა თ ე ბ ი)

ქალაქი ხმაურობს...

ფირუზ ეთერში ამაყად ამართულ მთებს მწვანე ქათიბი წამოუსხამთ წითელ ყვავილთა ღიღებით. თავს იწონებენ ყელმოღერებულნი, რომელთაც ახლად აბიბინებულ ქოჩორს უვარცხნის მოსალბუნე სიო.

ჩანჩქერნი, მთის მკერდით დაქანებულნი, მიეშურებიან ქუდაგლეჯილ და ფაფარ-აყრილ მდინარის უბეში ჩასახუტებლად, რომელთაც ის ჰხვევს მკლავთ და მიარბენინებს თან, ვით მოსიყვარულე დედა.

გელნი იყურებიან ცის ლურჯ სარკვეში და თავმოშრონენ იკაზმებიან ფერადი ფარჩით...

აკოკრებულ ბაღებს შვენის ნუშის აყვავილება და წარბტაცი შეჯიბრი აღუბლებისა...

ატლას ლოყება მზე ზამთრის ძილის შემდგომ იფშენებს თვალთ და იზმორება ნეტარებით; ქარვის სხივთა გვირგვინს აღვამს კეკლუც ბუნებას,

და... გაისმის ნეტარი ჰიმი შოშიებისა, რომელნიც პირველი მორცხვი მაყრებია გაზაფხულის, მაგრამ პირველობას ართმევენ მათ სიცოცხლით აღსავსე მერცხლები და თავიანთ ჟივილ-ხივალთ ჰეროლოდობენ...

გუგუნებს ქუჩა...

ჰკვიდან ქარხნის საყვირები...

ზარით მიჰქრიან ავტომობილები...

რკინის სალტებით ჰსერავენ გარემოს ტრამვაები...

ეტლის კოფოზე თვლემს, ჩიბუხით პირში, წინა ღამეს უძინარი მეეტლე.

ცხენები ფრუტუნებენ, და მოუსვენრად სცემენ ტოტებს მიწაზე...

ქალაქის მწვანე ფონზე თავმოშრონენ ირხვიანი ყაყაჩოს ყურა დროშები...

სიხარულის იალქნები აუშვია მარადიულ სიყვარულს...



ფრთა აშლილი ახალგაზრდობა მოსეირნობს პრესპექტზე ათასფრად აელვარებულ და თვალის მომჭრელ ტანთსაცმელით.

ხანგადასულნი მიდიან ნელი ნაბიჯით და მიმუსაიფობენ დაღალულ მოგონებით ახალგაზრდობაზე.

მილიციონერი მიდი-მოდის ლიანდაგის შუა და იცავს წესიერებას...

- პაპიროს, პაპაპიროოოს!...
- შნურკი, კანვერტ!.. პოჩტოვია ბუმბაგა!..
- ფიალკა მანროვი!..
- მიმოზა!..

ისმის მოსეირნე ხალხში არეულ მოვაჭრე ბავშთა ხმა და ფეარებიან მილიციონერის თვალს, რომელიც ნებას არ აძლევს ქუჩაში ვაჭრობის...

— გაპიკითხეთ, დისახიჩრებული!...— მოწყალებას იხზავს ბოწყინტებზე დაყრდნობილი ცალფეხა ინვალიდი. ბაღის კარებთან დგას ბრმა მებღვაურა და მღერის მსოფლიო ომის სურათებში აწულ ვანცდებს.

მეორე მხარეს მისი ამხანაგი ფლეიტას აკვნესებს...

- ძია, მაჩუქე ცოტა რამე!..
- ხელს უწვდის გამვლელთ ძონძებში გახვეული ბავში და თან შეშინებული განზე უხტება, რომ უგულო გამვლელმა თავში არ, წამოუტილოს, თან შეშინებულ თვალებს აქეთ-იქით აცეცებს, რათა მილიციონერის თვალებს გაუსხლტეს..

— მაჩუქეთ რამე! ახლა მეორე აედევნა მოსეირნეთ.

- მოშორდი აქედან! გამიჭირეს საქმე.
- გამიკითხეთ ობოლი!
- ვერ მოასწრო ერთის მოშორება გამვლელმა, რომ ახლა სხვა ბავში აეტუზა.

- ძია, დამეხმარე!..
- მამა ოში დამელუბა, დედა ავდა მყავს..
- მშიერი ვარ, ცოტაოდენი პურის ფული...!
- შენი ჭირიმე, ქალბატონო, ხუთი მილიონი მომე...

— გაიმეტეთ რამე...

ერთი მეორეს სცვლიან ქუჩის უპატრონო ბავშვები და იწვდიან გამხდარ ხელებს; სახე მათი შესარალისი გამომეტყველებით არავის უღვიძებს და უღობობს გაქვავებულ გულს, არავის უჩუყებს გრძობას, და მისეირნობენ უღარდელად.

— ბიჭო, მოდი აქ!— უძახის ერთი ჩაწყებილი ახალგაზრდა, კედელთან უხმოდ ატუზულ ბავშვს და აწვდის ას მილიონიანს, რომელიც არაფერს წარმოადგენს ახლა და ამაყად, პაპიროსის გაბოლებით მიიკლავნება.

რესტორანიდან მოისმის მუსიკის ხმა, მოქიფეთა სიმღერა. კარებთან ატუზულა ბავში, რომელსაც რესტორანიდან ცხვირში ეცემა მრავალნაირ საჭმელების სუნი და იბნიდება, ნერწყვი მოსდის შიმშილს შეჩვეულს, ხელს უწვდის:

- ძია, ობოლი ვარ, მაჩუქეთ რამე!
- დაილუბე აქედან!!!

უყვირის და ურტყამს თავში. ბავში იქვე იკეცება თავბრუ დასხმული და მის თვალთაგან მწარე ცრემლები მოგორავენ.

ისინი კი ხარხარობენ სიამოვნებით და მიმღერიან ხალხში, ხელის კვრით, არავის არ ერიდებიან.

- მრავალყამიერ, მრავალყამიერ...
- ამხანაგო! წესიერებას ნუ არღვევთ, გაიარეთ პატიოსნად! ეუბნება ზრდილობიანად მილიციონერი.

— რაო?! ხა! ხა! ერთი ამ ქეციანს უყურეთ და!— უკადრისობს ახალგაზრდა და ყურადღებას არ აქცევს.

— ამხანაგო, კიდევ მოგიწოდებთ წესიერებისაკენ! — უმეორებს მილიციონერი.

ერთი მათგანი უკადრისობს ამას და ენთება სიბრაზისაგან, სისხლი აწვება ისედაც აქარხალე ბულ სახეზე და მიიწვევს მკლავ ანალირი

- ვის უბედავ მაგას!? შენ იცი ვინ ვარ?!
- მოქალაქევ, ჩემთვის სულ ერთია, ვინც უნდა იყოთ, წესიერება დაიცავით.

— ყურადღებას ნუ აქცევ, გოგი, წამოდი!

— გამიშვი მეთქი! მაგას ვაჩვენებ ვინცა ვარ! ქირვეულის თავხედობა თავდება კომისარიატში სტუმრობით.

მისგან ნაცემი ბავში კი დგება კვლავ ფეხზე კვენსით და მისუსტებული იწვდის ხელს.

- შეუბრალებელო მოქალაქენო! შემიბრალეთ! თუ არ მიშველით, ნუ მცემთ მაინც...

ზოგიერთს სწვდება ეს ყურში და იმეტებენ მოწყალებას, ზოგი კი იცინის ამ სიტყვებზე.

- ალექსი პეტროვიჩ, ხედავ, რა ჭკვიანი სიტყვები სთქვა?
- ნეტა შენ, ყურადღებას რომ აქცევ მაგ მაწანწალებს.

— არა, მე სხვანაირად მეონია. აბა, ამას მოუარე, აბა, ჩააცვი, გააძღე, ასწავლე, დარწმუნებული ვარ, რომ საუკეთესო მოქალაქე დადგება.

— ჰე! რას ამბობთ! ქურდებია ყველა ეგენი და გარყვნილები. რამდენსაც აჩუქებ, იმდენი უარესია, ხელობად გაიხდიან.

- ბევრი იყო რომ ასე დადიოდენ, უპატრონონი იყვენ, მათი გამოსწორების იმედი არა

ჰქონდათ, მაგრამ მთავრობა ზრუნავს, საბავშვო სა-
ხლებში უყრის მათ თავს. მხოლოდ ამითი მოვლა მა-
რტო მთავრობას არ უნდა დავაქისროთ, ჩვენ, ყველამ
უნდა გავიღოთ წვლილი დასახმარებლად ეს ყველა
პატიოსან მოქალაქის მოვალეობაა. ყველა უნდა
ჩავეწეროთ წევრებად და შევიტანოთ ჩვენი წვლი-
ლი ახლახან დაარსებულ „ბავშვა მეგობართა სა-
ზოგადოებაში“.

ისმის ზოგიერთ შეგნებულ და საბჭოთა ხე-
ლისუფლების მოყვარულ მოქალაქეთაგან.

— არც ერთი უპატრონო ბავში არ უნდა
დარჩეს ქალაქში!

— ისინი კომუნის ყვავილებია.

ქალაქი ხმაურობს...

გაზაფხულით გახარებული ხალხი სიამოვნებას
ეძლევა, ფრთასა შლის სიცოცხლე და ნეტარება.

იღუმალი ხმა კი ყველგან გაისმის:

— დაეხმარეთ ქუჩაში დარჩენილ უპატრონო
ბავშვებს!

— ისინი არიან კომუნის ყვავილები!

— ისინი გახდებიან პატიოსანი, მშრომელი
მოქალაქეები!

— გაიხსენეთ მშობლიური მოვალეობა!

— ამ გაზაფხულის სიხარული ბავშვებსაც ვაგ-
რძნობინოთ!..

— სალამი ბავშვა მეგობრებს...

მზე უფრო შლის თავის ცხოველ-მყოფელ სხი-
ვებს.

ბუნება უფრო ნეტარობს ახალი ჰიმნით: გა-
ხარებული ბავშვები ჰკრეფენ ყვავილებს..

სეზმ.ნ.



იშ ტურფა მხარეს, აეკლუსს, მო-
კაზმულს,
აქ გული სევდით ვით დავიბინდო!
ლურჯი სამყარო—ზღვა ფიჭვ-ნა-
ძენართა:

—აბასთუმანი და არაზინდო.

აქ წერწერტ ტანზე ნაძვებს აცვია
კობტა ქათიბი ზურმუხტა წიწვის,
და ფისი—ოქროს ცრემლად დაღვრილი,
სურნელად დნება, მზეზე რომ იწვის.

აქ სიოს ფრთებზე სიმაღ ვაბმული,
ტყე სულ შრიალებს ჩუმი შიშინით;

*) არაზინდო ფიჭვ-ნაძენართი შემოსილი მალღობი
აბასთუმანში, სადაც სანატორიუმია აშენებული.

მკერდი ივსება, ლალად ძგერს გული
და კვლავ ფრთები სიცოცხლის ჟინით.

ცა ასე ახლოს ვინ, სად იხილოს,
ლურჯი, უძირო და გამქვირვალი;
მთის წყარო გზიბლავს წრფელ სიხალისით,
აქ ახლო არის ყველა მწვერვალი.

გზიბლავს ბუნება და ვერვინ გხედავს
გულ დამძიმებულს, მთვლემარს, მოწყენილს,
ცის აღერს მსწრაფელ სკვლის ბუნების რისხვა,
სჭკრეტ ცეცხლის გველებს ცაში გაფრენილს.

და ჰა, იმტვრევა პირქუშ ცის თაღზე
ჰეჰა-ქუხილი, ისმის რუხრუხი;
ძირს ნიაღვარი იქერს ნიაღვარს,
კლდეზე გადარბის გრგვინვით ჩაქუხი**)

**) ჩაქუხი — ჩანჩქერი.




სეტყვის ტყვიები ამტვრევს ყველაფერს
ცის უფსკრულიდან დამიზნებული,
არის განგაში, თქეშა და ზავთი,
მკაცრობს ბუნება იჯანყებული.

უცებ სიწყნარე... და არე-მარე
კვლავ ფრთხილად სუნთქავს, ხმა გაკმენდილი,
აგერ მზე სხივებს გვაფრქვევს მცხუნვარეს,
თავზე დაგვყურებს ცა მოწმენდილი.

და ისევ, ისე ნაზი ალერსი,
ლურჯ ტყეს აზმორებს ვით ნაძმინარეს,
კვლავ დაიღვრება ნაძვის სურნელი,—
ფიქვ-ნაძვნარს სიო ფრთებს ნაზად დარევს.

სამოთხევი მიწის, აქ, შენს კალთებზე
ყოფნის უღელი ვით არა ვზილო!
ლურჯი სამყარო, ზოგა ფიქვ-ნაძვნართა,
—აბასთუმანი და არაზინდო!..

ილია სიხარულიძე.



აბასთუმანი

ქალაქ ახალციხიდან ზევით, ჩრდილოეთისაკენ რომ წახვიდეთ, გაივლით ოცდა ხუთ ვერსს და შეხვალთ ფიქვ-ნაძვნარით კობტად შემკულ ხეობაში—აბასთუმანში. ამ ხეობას შუა ჩამოუღის მდინარე, რომელსაც დღეს აბასთუმნის წყალს ეძახიან, წინეთ ამ ადგილს ოძრხეს, ანუ ოძრახეს უწოდებდენ. ამ ქალაქის ჩრდილოეთით მდებარეობდა ეგრედ წოდებული ვიწრო რკინის ხევი, დღეს აბასთუმანის ხეობა. ამ ხევეზე გადიოდა პირდაპირი გზა დასავლეთ საქართველოდან სამცხეში. ხსენებული ხევიტ აბასთუმნიდან დასავლეთ საქართველოში გადადიან ზეკარის უღელტეხილის გადავლით. აქ ხევის უმაღლეს ადგილზე იყო „რკინის ჯვარი“.

თუ როგორ დაერქვა ამ ადგილს „აბასთუმანი“, ისტორიკოსი მ. ჯანაშვილი ასე განმარტავს: „იბასთუმანი, ანუ აბაშთ-მანი, აბაშთ-უმანი, როგორც ტიმოთის-მანი, ანუ ტიმოთეს უბანი, შეიძლება ოდესმე ამ ადგილას აბაშელები (ასე ეძახდნენ ძველად კასპიის ზღვის ახლო მცხოვრებ სპარსეთის მოდგმის ხალხს), დაბინავებულიყვენ. ძველად, ხშირი იყო ომიანობა ჩვენში და შესაძლოა აბაშელები ყოფილიყვენ ამ ადგილას დაბინავებული და ამ ადგილს აბაშთ-უმანი დარქმეოდეს, რომელიც დღეს აბასთუმნად გადაკეთდა“.

აბასთუმნის ხევის სამხრეთ ნაწილში, მთის ძირას, არის ცხელი აბანო, რასაც წინეთ ოცხეს აბანოს უწოდებდენ.

— სამხრეთით, არს მარის კალთად, წყაროდ გადმომდინარე, ფრიად დიდი და ცხელი, მდუღარის

მსგავსი, რომელსაც უწოდებენ ოცხეს“, ასე სწერს ვახუშტი თავის „საქართველოს გეოგრაფიაში“. ეს აბანო ძველს დროიდანვე შენიშნული იყო, როგორც ძლიერ სისარგებლო, სამკურნალო წყალი. იგივე ვახუშტი ამბობს: „წყალს ზედა ამას, არს აბანო და ბანობენქმრავალნი: რამეთუ ჰკურნებს ქარით დახუთვილსა, ძლიერსა მუწუქსა და ბურგსა, ძნიად საკურნებელსა მკურნალთაგან“. მართლაც ეს აბანოები დღეს განთქმულია თავისი სამკურნალო თვისებით.

ახლანდელი აბასთუმანი წინეთ დიდი სტრატეგიული პუნქტი, სამხედრო მნიშვნელობის ადგილი იყო. ის კარი იყო იმერეთსა და სამცხე-საათაბეგოს შორის. როდესაც მტერი შემოესეოდა იმერეთს და სამცხეს გადასვლას ლამობდა ოძრხეს მიადგებოდა ახლანდელ ზეკარის უღელტეხილით, ან და, როცა მტერი სამცხით იმერეთს, გადასვლას აპირებდა, უსათუოდ ამავე გზით უნდა წასულიყო. დღეს აბასთუმანი მხოლოდ სამკურნალო ადგილია, შესანიშნავი და უმაგალითო თავის სამკურნალო ჰაერით და მინერალური წყლებით. აბასთუმანი მეფის, ნიკოლოზის, დროს სამხედრო კურორტად, აგარაკად ითვლებოდა. ბორჯომიდან ის 75 ვერსის მანძილით არის დაშორებული და საეტლო გზა მიდის. როგორც გადმოგვცემენ, მეფის მთავრობამ ეს მშვენიერი სააგარაკო ადგილი ბორჯომს რკინის გზით განზრახ არ დაუკავშირა, რომ ფართო საზოგადოებისათვის ხელმისაწვდომი არ გამხდარიყო. და მარ-

თლაც, ერთად ერთი სიძნელე, რაც ელოდება წინ აბასთუმანში წამსვლელთ, ეს შორი გზაა, 75 ვერსის გავლა ეტლით ავადმყოფისათვის მეტად ძნელია, თან გაცილებით უფრო ძვირად ჯდება, ვიდრე რკინის გზით. წინეთ, ნიკოლოზის მთავრობის დროს, ეს აგარაკი ყოველ ზაფხულობით სავსე იყო რუსეთის, თუ საქართველოს ყოველ კუთხიდან ჩამოსული სამხედრო პირებით: გენერლებით, აფიცრებით, იუნკრებით და ბურჟუა.კაპიტალისტებით.

მუშა ხალხის წრიდან იქ იშვიათად ვისმე ნახავდით. შეუძლებელიც იყო მათი იქ ცხოვრება სიძვირის გამო. ისეთი სიძვირის დაძლევა მხოლოდ სამხედრო უწყებას და მდიდრებს შეეძლოთ და მათთვის ხელსაყრელიც იყო, ვინაიდან მათ გვერდით არ გაიჭაქანებდა მუშა ხალხი. მე ვიყავი მოწამე, როგორც ცხოველებს, ძაღლებს, ისე ერეკებოდენ სასიერნო ჭალებიდან და ბაღებიდან უბრალოდ, ლარიბულად ჩაცმულებს. ასეთი იყო წინედ აბასთუმანი, ეს ჩვენი ქვეყნის სამოთხე, რომელსაც სამხედრო პირები და ბურჟუები დაპატრონებოდენ.

მეფის დახტის დანგრევის შემდეგ აბასთუმანში თანდათან იწყო მუშა ხალხმა სამკურნალოდ გამგზავრება. თუმცა აბასთუმანი რამდენჯერმე ააოხრეს ოსმალებმა, როდესაც ჩვენში ისინი შემოიჭრენ, მაგრამ დღეს ის ისევ აღდგენილი და მოწყობილია. იქ არის სანატორიუმი არაზინდო, შვენიერ, მაღლობ ადგილზე, ფიქვენაძენარში კოხტად ამართული შვენიერი, უზარმაზარი შენობა. სანატორიუმი არაზინდო დღეს მუშების და საბჭოთა მოსამსახურეებისთვის არის დანიშნული. იქ იგზავნებიან დაავადმყოფებული მუშა-მოსამსახურეები და ჯანს ისევ იბრუნებენ აბასთუმნის სასწაულ-


მომქმედი სამკურნალო ჰაერით და მინერალურ წყლებით. არაზინდოს გარდა იქ მრავალი საუკეთესო სახლებია სანატორიუმად და დასასვენებელ სახლებად მოწყობილი. მუშა-მოსამსახურეთათვის შეღავათი არის დაწესებული ბინებითა და წყლებით სარგებლობისათვის. მრავალი მუშა-მოსამსახურე სრულიად უსასყიდლოთ იგზავნება იქ სამკურნალოდ. ახლა რამოდენიმე სიტყვა აბასთუმნის სილამაზე-ღირსების შესახებ. გრძელი ხეობა, შუაში მკვირცხლი, მუდამ ანკარა, მოჩხრიალე აბასთუმნის მდინარე, ამ მდინარეზე აბანოების ახლოს შვენიერი ჩანჩქერი, რომელიც ავდრის, წყალდიდობის დროს საოცარი სანახავია. მდინარის ორივე მხრივ შვენიერი ხშირი, ხეტუტა ფიქვენაძენარის, — კოხტა სააგარაკო სახლებით შვენიერად მორთულ-მოკაზმული. დააცხუნებს თუ არა მზე, ფიქვენაძენარის ფისის სუნი საკმეველივით დაიბნევა ტყეში. მშრალს, მსუბუქს, ლაღსა, და გრილ ჰაერს მაშინვე გრძობს ადამიანი, მკერდი განიერად იშლება და გრძობს სიმსუბუქეს და სილაღეს. რა გინდ სეტყვა, კოკისპირული წვიმა დაარტყას, როგორც ჩვეულებრივად იცის მთიანმა ადგილმა, შეწყდება ავდარი, უცებ მზე გამოანათებს და ნახევარ საათში ისე გაშრება ნიადაგი და ტყე. რომ მიწაზე დაწვე, არა გიშავს. ფილტვებით ავადმყოფებისა, მალარიიანისა, სისხლნაკლოლოვანება-ქაჩებით შებყრობილებისათვის აბასთუმანი პირდაპირ მისწრებაა, სასწაულს ახდენს. ასეთია აბასთუმანი, ეს მიწიერი სამოთხე, რომელიც მეფის დროს სამხედრო უწყებამ, ბურჟუაზიამ ხელიდან გამოგვტაცა და მუშა ხალხს კი ზეციურ სამოთხეზე უთითებდა. დღეს კი ჩვენ გვინდა ეს სამოთხე ადგილი, მათთვის ზეცა დაგვითმია.

მოავარაკე.





წმინდანის ცეცხლი



ლ აღამდა. ცა აკაშკაშდა. მთვარე ჯერ არ ჩანს. ბნელა. სოფელმა შესწყვიტა მოქრაობა და მიიძინა. სიჩუმეა, შორიდან მხოლოდ ძაღლის ყეფა მოისმის. ხმაზე ეტყობა—ან შიშით, ან და უსაქმობით უნდა იყოს გამოწვეული.

შარა გზით, ქალაქისაკენ, ორი ახალგაზრდა მგზავრი მიიჩქარის. ერთი მოზრდილი, ასე თექვსმეტი წლის ყმაწვილია, მეორე კი 10 წლის ბიჭუნა. ორთავეს ზურგზე ჩანთები ჰკიდია, ხელში კი თავკობალა ჯოხები უკავიათ.

გრძელი გზა გამოიარეს... დაიღალენ... გაიფიქრეს უკანასკნელ სოფელში, ნაცნობ გლეხთან ღამის გათევა, მაგრამ... ხვალ სკოლაში სწავლა უნდა განახლდეს და ამიტომ ამჯობინეს გზის გაგრძელება.

მუსაიფი მოსწყინდათ და შესწყვიტეს. ხანდახან პატარა თუ შეეკითხება რაზედმე, თორემ ისე დიდი ხანია აღარ ბაასობენ.

— ნეტავ ჩავუსწრებთ დაძინებამდე? — ეკითხება პატარა.

— ჩავუსწრებთ, მაშ! ჯერ ცხრა საათია, ერთ საათში ჩავალთ, ჩვენები კი თორმეტ საათზე იძინებენ.

მგზავრებმა უკანასკნელი ფერდი აიარეს და სერზე ავიდნენ.

თვალწინ ათასი ლამპით განათებული ქალაქი გადაეშალათ. კიდევ ორი-სამი ვერსი და — ქალაქში შევლენ.

ქალაქის სიახლოვემ მგზავრებს ხალისი დაუბრუნა. დადლილობას ნაკლებად გრძნობენ, ლაპარაკს მოუხშირეს და ნაბიჯიც ააჩქარეს.

დაგვიანებული ახლო სოფლის გლეხებიც ხშირად ხედებიან მათ.

მოესმით თუ არა ნაბიჯის ხმა, ორივე ხმამალა ჩაახველებს, თითქოს ეკითხებიან „ვინა ხარო“.

სოფელმა კარვად იცის ამ ჩახველების მნიშვნელობა და იმ ნაირადვე უპასუხებს.

— შორსაა, ბიძია, ქალაქი? — შეეკითხა ერთ გლეხს, სალამის შემდეგ, პატარა.

— არა, ბიძი, აი სასაფლაოს გადაივლით და ქალაქში შეხვალთ.

— განა სხვა ადგილი არ იყო, რომ ამ დალოცვილებს სასაფლაოზე გზა არ გაეყვანათ?! წაილაპარაკა პატარამ.

— სხვა გზაც არის, მაგრამ ასე უფრო ახლოა. რა იყო? ხომ არ გეშინია? — შეეკითხა პატარას დიდი.

— შიშით არ მეშინია, მაგრამ მაინც ღამით მკვდრებში სიარული რაღაც სასიამოვნო არ არის. აი, შენ თუმცა ძალიან გულადი ხარ, მაგრამ რომ არ მიგეჩქარება, ოდეს მგონია სხვა გზით არჩევი გარებას. მართლა, რად არის, რომ კაცს არ უყვარს ასეთ ადგილებზე ღამით სიარული.

— იმიტომ, რომ ცრუმორწმუნეობასა და ქორებში ვართ აღზრდილი, უპასუხა მოზრდილმა.

ამასობაში მგზავრები სასაფლაოში შევიდნენ. ორივე ცდილობდა გულადობა არ დაეკარგა. ლაპარაკი ხმამალა დაიწყეს, პატარამ სიმღერაც წამოიწყა.

ის იყო, თითქმის სასაფლაოს ბოლოს მიღწიეს, როდესაც მათ წინ, ორი საჟენის მანძილზე, მიწიდან პატარა ალი ამოვარდა, გაანათა და სწრაფად ჩაჰქრა.

მგზავრები შეჩერდნენ. ორთავეს ტანში ჟრუანტელმა დაუარა. ჯერ დიდმა ჩაახველა, შემდეგ პა

ტარამ, პასუხი ვერ მიიღეს. პატარამ ამხანაგის ხალათს ხელი ჩაავლო და აცახცახდა.

— ვინ არის მანდ, — წამოიძახა დიდმა.

პასუხად ალმა ხელმეორედ იფეჩქა და იმავე სისწრაფით ჩაჰქრა.

მოზრდილმა ჯიბიდან წუმწუწა ჩამოიღო, გადადგა წინ რამოდენიმე ნაბიჯი და გაანათა.

— ახალი საფლაფი ირგვლივ არავინაა, ალბად ციციანათელს იქნებოდა — წავიდეთ ჩქარა, თორემ დაგვაგვიანდა.

მგზავრებმა ნაბიჯი ააჩქარეს და ერთს წამს სასაფლაოდან გავიდნენ.

— ციციანათელა?! არა, ასეთი ციციანათელა ჩვენში არ მოიპოვება. ნამდვილად ცეცხლი იყო, მაგრამ საიდან? როგორ! — ფიქრობდა დიდი. პატარა კი არწმუნებდა — „უსათუოდ ციციანათელა იქნებოდა“ო.

— მოგეჩვენებოდა, ჩვენს დროში წმინდანები აღარ არიან, — სიცილით უპასუხებდნენ ამხანაგები გოგის, რომელიც მოუთხრობდა მათ წინა დამის შემთხვევას და ცდილობდა დაერწმუნებია ისინი, რომ მან ნამდვილად ნახა ცეცხლი სასაფლაოზე და ამის მოწმეცა ჰყავს.

ამ დროს კლასში მასწავლებელი შემოვიდა.

— რას ხარხარებთ? — შეეკითხა ის მოწაფეებს.

— გოგის წუხელი წმინდანი აღმოუჩენია, — სიცილით მიუგო მას ერთმა მოწაფეთაგანმა.

— რა წმინდანი?

გოგიმ დაწვრილებით უამბო მასწავლებელს ის, რაც სასაფლაოზე ნახა.

— გოგიმ რომ საფლაოზე ცეცხლი ნახა — ეს მჯერა, მაგრამ წმინდანობასთან მას არავითარი კავშირი არა აქვს. ახალ საფლაოზე ცეცხლი ხშირი მოვლენაა, მომითმინეთ ხუთი წუთი და მე თქვენ გაგიმეორებ მას, რაც გოგის წუხელი სასაფლაოზე უნახავს.

მასწავლებელმა შესცვალა გაკვეთილის თემა. ხუთ წუთში მაგიდა მოიფინა საჭირო ხელსაწყობითა და მასალით.

მოწაფეები დიდი ყურადღებით უსმენდნენ მასწავლებელს, რომელიც უხსნიდა მათ საინტერესო მოვლენას.

— აი ეს გაზი, რომელიც ჭურჭლიდან ამ მილით გამოდინარეობს — წყალმბადია. სხვა გაზებისაგან ეს იმით განსხვავდება, რომ მას ცეცხლი ადვილად ეკიდება და იწვის, ამასთანავე ის ჰაერზე გაცილებით მზატეა. ეს ნივთიერება — ფოსფორია. ფოსფორი იმით არის შესანიშნავი, რომ მას ჰაერზე ცეცხლი თავის-თავად ეკიდება და იწვის. ეს ორი ნივთიე-

რება ადვილად ერთდება, რასაც შედეგად ფოსფორიანი წყალმბადი მოჰყვება. ფოსფორიანი წყალმბადი უბრალო წყალმბადივით შატე გაზია, როგორც, მოხვდება თუ არა ჰაერი, მაშინვე ცეცხლი წაეკიდება და სწრაფად დაიწვის, შევეერთოთ ჩვენც ეს ორი ნივთიერება და ფოსფორიანი წყალმბადი მივიღოთ. ფოსფორიანი წყალმბადის მისაღებად დამზადებულა აი ეს ხელსაწყო.

მინის ქილა მკიდროდ დახუროლია საცობით, რომელშიაც გატარებულია ორი მოღუნული მილი. ერთით ქილა ნახშირმჟავა გაზის მისაღებ ჭურჭელს უერთდება, მეორე მილის გარეგანი მუხლი დაქანებულია, აშვრილი წვერით თასში გადადის და ჩაყურყუმელავებულია წყალში. გავხსნათ წყალში ბლომად მწვავე ტუტა და ხსნილში ფოსფორის ორი სამი პატარა ნაჭერი ჩავაგდოთ, ახლა თუ ქილას შევათბობთ, ფოსფორიან წყალმბადს მივიღებთ. მაგრამ ქილაში ჰაერია, თუ ის იქ დარჩა — ხელს შეგვიშლის, ფოსფორიანი წყალმბადი იქვე დაიწვის და, შეიძლება, ქილაც გახეთქოს. ეს რომ არ მოხდეს, ქილაში ნახშირმჟავა გაზი გავატაროთ. ახლა ქილაში ჰაერი აღარ არის და თამამად შეგვიძლია შევათბოთ ის.

გავიდა ათი წუთი. თასში წყლის ზედაპირზე ცეცხლის წერტილმა იფეთქა. მას მოჰყვა მეორე, მესამე... წერტილი თანდათან იზრდებოდა და ბოლოს წყლიდან მოზრდილი ალი ამოფეთქდა.

— კაცის ორგანიზმი, — განაგრძობდა მასწავლებელი, — მდიდარია წყალმბადით და ფოსფორით. როდესაც გვაში იზრწნება, ეს ორი ნივთიერება ადვილად ერთდება. ფოსფორიანი წყალმბადი, როგორც მზატე გაზი, ზევით მიისწრაფის, ადვილად ნახულობს გზას ანგრეულ მიწაში და გამოვა თუ არა ჰაერზე, ცეცხლი წაეკიდება და სწრაფად დაიწვის.

— ესეც შენი წმინდანი, — სთქვა ერთმა მოწაფეთაგანმა.

გოგი ცოტა შეწითლდა და ისეთი თვლებით გამოიყურებოდა, თითქოს ბოდიშს ითხოვს უვიცობისათვისო.

სასაფლაოზე, სწორედ იმ ადგილას, სადაც გასულ დამეს გოგიმ ცეცხლი ნახა, მოწაფეებს თავი მოეყარათ, მაგრამ დღეს ცეცხლი აღარ იყო.

— სჩანს ფოსფორი გამოილია, — სთქვა ერთმა მოწაფეთაგანმა, — კმარა, წავიდეთ.

ამხანაგებმა მას მხარი დაუჭირეს და სასაფლაოდან გავიდნენ.



სენა, ლენინელო!

ღამე ებრძოდა დილას. „კოლონის დარბაზში“ ოთხ მწკრივად მიდიოდა სულ ახალი და ახალი ათასები. მიდიოდა მუშების არტელი, პირდაპირ მუშაობიდან, ნიჩბებით; მიდიოდა წითელი არმიის მთელი ნაწილები, მაგრამ აი, დედასთან ხელჩაკიდებული გამოჩნდა პატარა ბიჭი, წითელი ყელსახვევით. „ილიჩის“ კუბოსთან რამოდენიმე ნაბიჯის მოშორებით შედგა, აიღო ხელი, გააკეთა ლენინელების სალამი და ასე ხელ აწეული მიაშურა დარბაზს მეორე კარებამდე. ეს პატარა ბავში აძლედა უკანასკნელ სალამს ძვირფასს, ყველაზე უფრო საყვარელ ადამიანს.

ყველა ლენინელი ვერ მივიდა ლენინის კუბოსთან, მაგრამ ყველა ახალგაზრდა ლენინელს უნდოდა მიეცა მისთვის ლენინური სალამი, უნდოდა ეთქვა მინც რამე, რითაც დაეხმარებოდა ლენინის საქმეს, უნდოდა ყოფილიყო ღირსი ლენინის სახელისა, რომელსაც ატარებენ ახლა ჩვენი ჯგუფები.

როგორ უნდა ექნა ეს.

ნადედა კონსტანტინეს ასული კრუპსკაია ალენინის ცოლი, ჩვენი ჯგუფის ლენინელი, სწერ, ჩვენს ჟურნალში, თუ როგორი უნდა იყვნენ ლენინელები. ლენინელები ეს ის ბავშვებია, რომელნიც იძლევიან მუშაობის მაგალითს, ვისაც შეუძლია: ერთი კოლექტივი დაეხმარება უპატრონო ბავშვებს, მეორე მიაღებებს ბავშს სკოლაში, მესამე ხელს შეუწყობს სიწმინდის დაცვას, მეოთხე დაეხმარება „იასლებს“ და სხ... ის, ვინც ატარებს წითელ ყელსახვევს და არაფერს არ აკეთებს ცხოვრების გასაუმჯობესებლად—არ არის ჯერ კიდევ ახალგაზრდა ლენინელი, ვლადიმერ ილიჩმა იცოდა ისე ცხოვრება, რომ ის არ დაჰკარგავდა ტყუილად დროს, მუდამ მუშაობდა. საპრობილეოში სწერდა დიდ ტანიან სამეცნიერო წიგნებს. როდესაც სახალხო კომისართა საბჭოს თავმჯდომარედ იყო, ათი კაცის ოდენს მუშაობდა დილიდან დამდეგამდე. ყველაფრის თვალყურის დევნებას ასწრებდა.

რასაკვირველია, ჩვენ კიდევ ძლიერ წორჩივართ, ჩვენგან ბევრის მოთხოვნა არ შეიძლება, მაგრამ ყოველი ჩვენგანი, თუ გვინდა ლენინის სახელი ვატაროთ, ცოტათი მაინც უნდა დავემსგავსოთ მას.

ახალგაზრდა ლენინელების საყვირმა უნდა გავარცხლოს ყველა კოლექტივში: თვითელი ლენინელი უნდა მუშაობდეს ისე, თითქოს მას უკუჩვენებდეს გამჭრიახი თვალები ილიჩისა. თვითელი კოლექტივი უნდა მოჰკიდოს ხელი შეკავშირებით მუშაობას, თუნდაც პატარა მუშაობას, მაგრამ იმნაირს, რაც ყველა ბავშსა და მოზრდილ მუშას საშუალებას მისცემს იცხოვროს უფრო კარგად, მხიარულად. აი, ეს იქნება ჩვენი სალამი ილიჩისადმი.

„წითელი სხივი“ კი თვალყურს გადევნებთ თქვენ, ბავშებო! ისინი, რომელნიც მოჰკიდებენ ხელს საქმეს სხვებზე უფრო გულმოდგინედ, მათ შესახებ ჩვენ დავსწერთ და მოვუთხოვთ სხვა ბავშვებს, რომ იმათი მაგალითი გადაიღონ.

გესმის საყვირის ხმა ლენინელო!
მაშ, ნუ აგვიანებ, დაიწყე!

ა. ს.



ინგლისსა და აშერიკისსოიუნარები

ინგლისი. ინგლისში პირველად ბავშთა კომუნისტური ჯგუფები დაარსდა 1922 წ. ბოლო თვეებში „დიდი ბრიტანეთის“ ახალგაზრდათა კომუნისტური კავშირი უკანასკნელ დრომდე იყო უმნიშვნელო და სუსტი, რის გამოც მას არ შეეძლო შესაფერი ხელმძღვანელობა გაეწია ბავშთა მოძრაობის გავრცელებისათვის, ამის გამო ინგლისში ბავშთა კომუნიზმის რიცხვი არ არის დიდი. სულ არის ოცი ჯგუფი, რომელშიაც არის 500—600 ბავში, მაგრამ ამ ჯგუფების მუშაობა იდგა მკვიდრ რევოლუციურ ნიადაგზე.

დიდ ბრიტანეთის ახალგ. კომკავშირის მე-3 კონგრესმა, რომელიც შესდგა წარსულ წლის ოქ-



ტომბრის უკანასკნელ რიცხვებში, მიაქცია განსაკუთრებული ყურადღება ბავშთა კომჯგუფების ორგანიზაციებს.

ბავშთა კომჯგუფები იღებდნენ მსურველ მონაწილეობას ინგლისის უკანასკნელ არჩევნებში; ისინი ავრცელებდნენ მფრინავ ფურცლებს ინგლისის კომპარტიისა, კრფდნენ ცნობებს არჩევნების მიმდინარეობის შესახებ, აწყობდნენ დემონსტრაციებს და სხვ. თუ რამდენად იყვნენ ბავშვები გატაცებული არჩევნებით, გვაჩვენებს შემდეგი ფაქტი: იყო დაწერილი ცარცით კომპარტიის ლოზუნგები— „ეს გააკეთა ბავშთა კომუნისტურ ჯგუფებმა“.

ეს უკვე არის ნამდვილი აქტივობა, ნამდვილი კომუნისტური მუშაობა და ჩვენ ვიმედოვნებთ, რომ მოკლე ხანში გავიგონებთ ბევრს კარგს და საინტერესო ამბავს ინგლისის ბავშთა კომუნისტურ ჯგუფების შესახებ.

ამერიკაში. ამერიკაში ბავშთა კომუნისტური ჯგუფები დაარსდა უფრო გვიან, ვიდრე ინგლისში: მხოლოდ ნახევარი წლის წინათ. ამ ჟამად ამერიკის 16 ქალაქში არის ჯგუფები „უფროსების სექციის“, „უმცროსების ლიგის“. ამერიკის მუშა ახალგაზრდათა კავშირს ჰქვია „ბავშთა კომუნისტური ჯგუფები“. (ამერიკაში—სექციაში ითვლება ახლა 900—1.000 ბავში). მას აქვს საკუთარი გაზეთი „ნორჩი ამხანაგი“, მისი მესამე ნომერი უკვე გამოვიდა.

ბავშთა კომუნისტური ჯგუფების რიცხვი, როგორც ვხედავთ, არ არის დიდი, მაგრამ მას აქვს განსაკუთრებული მებრძოლი ხასიათი, რაც უფრო მნიშვნელოვანია. ამ ჟამად მაგალითად, ისინი აწარმოებენ ენერგიულ ბრძოლას გერმანიის რევოლიუციის ჩაქრობაში შეერთებულ შტატების მონაწილეობის წინააღმდეგ. სექციის ცენტრალურმა კომიტეტმა გამოაუშვა განსაკუთრებული მოწოდება მუშათა ბავშვების მიმართ, სადაც მოუწოდებდნენ მათ აწარმოონ ეს ბრძოლა, სკოლაში, ბავშთა სახლებში და სხვ. ბავშთა მოწოდება მიმართულია აგრეთვე ტრანსპორტის მუშების მიმართ, რომელთაც სთხოვენ არ გადაზიდონ სამხედრო მასალები, რომელიც უნდა გაეგზავნოს გერმანიის ბურჟუაზიას. ამას გარდა, ბავშთა კომუნისტური ჯგუფები აწარმოებენ ენერგიულ ბრძოლას ბავშთა ექსპლოატაციის წინააღმდეგ, რომელიც ღებულობს ამერიკაში საშინელ ფორმებს.

გერმანიის კომუნისტები


მე წამოველი გერმანიიდან 5 მარტს. ეს იყო სწორედ მას შემდეგ, როდესაც მოხსნილ იქნა განკარგულება კომუნისტური პარტიის აკრძალვისა. ამ დრომდე პარტიის, კომკავშირის ბავშთა ჯგუფების მუშაობა იატაკ ქვეშ იყო შედენილი. სამთვეზე მეტ ხანს ახალგ. გერმანელ ამხანაგებს უნდა ემაღათ თავისი მუშაობა, იკრიბებოდნენ და აწყობდნენ კრებებს ჩუმად.

მიუხედავად კომუნისტური გაზეთების აკრძალვისა, გამოვიდა ბავშთა ჟურნალი „ახალგაზრდა ამხანაგი“. როდესაც მიიღეს ლენინის გარდაცვალების ამბავი, გადასწყვიტეს მთელი ნომერი ჟურნალისა ლენინის ხსოვნისათვის ეძღვნათ. ბავშთა ყოველ კრებაზე ლაპარაკობდნენ ლენინისა და რევოლიუციონურ მოძრაობაში მისი მნიშვნელობის შესახებ. ღრმა მსუხარებამ მოიცვა გერმანელ ბავშვების გული და მსურველ თანაგრძნობას უძღვნოდნენ თავის ამხანაგებს. გერმანიის კომუნისტური ჯგუფები მოუთმენლად ელიან რევოლიუციას, მონაწილეობენ, რითაც შეუძლიათ, მუშათა საქმისთვის ბრძოლაში, რომ თავის ძმებთან და მამებთან ერთად გამარჯვებული გამოვიდნენ.

პროლეტარულმა ბავშვებმა ყველაზე უფრო იგრძნეს თავის თავზე კაპიტალის უღელი და ომის შედეგი. ათას გერმანელ ბავშს არა აქვს მთელი დღის განმავლობაში ცხელი საქმელი. ბევრი საზრდოობს ისე, რომ სიმშლით ლამის მოკვდეს. ბევრი ბავშვი ვერ დადის სკოლაში, რადგანაც არა აქვს ფესსაცემელი და ტანისამოსი. დიდ დახმარებას უწევს გერმანელ ბავშვებს საერთაშორისო მუშათა დამხმარე კომიტეტი.


ბავშთა კომუნისტური ჯგუფები აწარმოებენ ბრძოლას ეკონომიურ ფრონტზე: ბავშთა სასაღმლოებთან და სკოლებთან უფასო სადილის მისაღებად, ტანისამოსის და ფესსაცემლების გასანაწილებლად, ბავშთა სახლების მოსაწყობად. ამას გარდა ისინი აწარმოებენ პოლიტიკურ ბრძოლას სასწავლებლებში მასწავლებლებისა, ბავშთა და ჩამორჩენილ მშობლების წინააღმდეგ. ბავშვებს ატუსაღებენ და სცემენ პოლიცია და მასწავლებლები, იმიტომ რომ ისინი გაბედულად იცავენ სიპართლეს, რასაც ელაპარაკებიან პირში თავის აღმზედლებს.

კომუნისტური ჯგუფები აარსებენ სკოლებში უჯრედებს, სადაც შემოდის ბავშთა ყველა საჩივარი, რაც შემდეგ გადაეცემა არა ცალ-ცალკე, არამედ კოლექტიური სახით, სკოლის დირექციას. უჯრედები არის ბაზა კოლექტიურ მუშაობისა. ბავშთა ჯგუფები აწარმოებენ საპასუხისმგებლო მუ-





შაობას პოლიტიკურ ბრძოლაში. ახალგ. ლენინელები გაბედულად იცავდნენ ახალგაზრდობის და პარტიის ინტერესებს, ისინი მუშაობდნენ, როგორც შიკრიკებად, ისე მზვერავებად, აფრთხილებდნენ უფროს ამხანაგებს, როდესაც დაიჭრდნენ მათ და მოსთხოვდნენ რაიმე ცნობის მიცემას, ისინი ამაყად უარს ეუბნებოდნენ მსაჯულებს.



ჰოლანდიას გამგზავრება

მოღრუბლული ცა. ნაცრის ფერ მოდებული პროლეტარული კვარტალი. დაგვიანებული პროლეტარები, უმთავრესად კანტარის მოხელეები, დაღლილნი და დაჩაგრულნი, სამსახურში მიეჩქარებიან... ამ დროს ანგალტერსკის სადგურში ყველაფერი საგნა სიცოცხლით და მოძრაობით. მუშების ცოლები თავიანთ ბავშვებით თავის ბარჯზე სხედან და მატარებელს უცდიან. დღეს მიდის ჰოლანდიაში მუშათა საერთაშორისო დამხმარე კომიტეტის ბავშთა მე-2 მატარებელი... გაცრეცილ ბავშთა სახეებზე სიხარული იხატება, დაშორების წუხილის კვალიც არ ჩანს. დღეს ხომ ისინი მიემგზავრებიან ჰოლანდიაში, სადაც მუშები აძლევენ თავშესაფარს და დახმარებას უცხო სახელმწიფოების მუშების შეილებს. ბავშვების თავმოყრა და მატარებელში მოთავსება ხდება ჩქარა. წითელი გვარდია მარშს უკრავს და მატარებელიც იძვრის. მოთხრობის ხმა-მალა კითხვასა და დიდ სიმღერაში დრო მალე მიდის.

მალე ჩვენ მივედით ვალღეში.

აქ გვიმასპინძლებიან. სადგურთან ჩვენ შევხვდით საქსონიის და ტიურინგიის ბავშვებს. ერთ წამში ჩვენ დავეწყეთ. ბარგი ჩააწყეს ავტომობილში, თვით ჩვენ კი გავეშურეთ ვალღეს ქუჩებით სახალხო სახლისაკენ.

მუშის ბავშვები გამსჭვალული არიან კლასიური შეგნებით და ამაყნი თავის შთამომავლობით. არა მონურად, დაჩაგრული სახით, არამედ სწორად, გამბედავად მიდიან ისინი ქუჩებზე.

მალე მოისმა გამაცოცხლებელი ხმები, რევოლიუციონურ ლექსებისა; გამვლელი მცხოვრები, ბოროტი თვალებით უყურებს ბავშვებს, გრძობს რომ რევოლიუცია ცოცხალია, მიუხედავად ყოველგვარი აკრძალვისა. ის გრძობს, რომ მისი აღსასრული ახლოვდება, რადგან ახალგაზრდობაც ყველაზე უფრო სუსტი ნაწილი მუშათა კლასის, გამოდის მისი ზედამხედველობიდან. პოლიციელი უძლოურად დადის ქუჩებში. დემონსტრაციები აკრძალულია, მაგრამ მის წინ მდგორად ჩაიარა მხი-

რულმა გროვამ. პოლიციელები აღელვებული უვლიან მათ გვერდს, ჩვენი რიგები უფრო იკუმშებიან. სიმღერას უფრო ხმა მალა გაიძახიან, ცრემლები ავსებს ბავშვების თვალებს, თვითელი იგონებს მამას და ძმას, ჩავდებულს საპრობილეში. მან ვერ შესძლო ეთმინა ამდენი ტანჯვა, შევიწროება და აღსდგა... და ბავში ფიცსა სდებს, რომ როდესაც ის შეიქნება დიდი და ლონიერი, მიბაძვს მამის მაგალითს და მიმართავს ყველაფერს, ოღონდ კი მოსპოს უსამართლობა. ტუსალები მიესალმენ ბავშვებს. ბრძოლის სიმღერა ფრთებს ასხამს მათ. ჩვენ არ დავლუპულვართ, ჩვენი საქმე მიისწრაფის წინ! მალე ჩვენ მივედით სახალხო სახლში და მოგვეწყეთ დიდ დარბაზში, სადაც ვისადილეთ. უმუშევარი ახალგაზრდობა გვიტკობდა სმენას მუსიკით. ელექტრონული პიანინო სურათებით—ახალი იყო ჩვენთვის. ისმის გუნდის სიმღერა. ყველგან სუფევს მხიარულება. ბავშთა სიცილს არა აქვს ბოლო. ბედნიერებით და სიხარულით ბრწყინავენ ბავშვების თვალები. მოახლოვდა დაბრუნების დროც. დავიწყეთ მზადება უკან წამოსასვლელად. ჩვენ ჩავსვდით ტრამვაში და მოგვიყვანეს სადგურზე. რკინის გზის ადმინისტრაციამ მოგვცა ჩვენს განკარგულებაში რამდენიმე ვაგონი. ჩავსხდით ვაგონებში და გამოვემშვიდობეთ ჩვენს მეგობრებს. აგრეთვე მადლობა გადაუხადეთ იმ ამხანაგ ქალებს, რომელნიც დაუღალავად მუშაობდნენ იმისათვის, რომ გაემხიარულებით ბავშვები.

დილა ადრინად ჩვენ მივეუახლოვდით ჰოლანდიას—გერმანიის საზღვარს, ბენცგაიში ჩვენ გველოდებოდა ჰოლანდიელი კომიტეტი, მივესალმეთ დიდი ხნის მეგობრებივით.

ბავშვები მალე დაუმეგობრდნენ ჰოლანდიელებს, რომელნიც გვიამბობდნენ თავიანთ ცხოვრების ამბავს. რკინის გზის ადმინისტრაციამ წაიყვანა ბავშვები ჰოლანდიის სხვადასხვა კუთხეში, სადაც უნდა დაბინავებულიყვნენ ბავშვები, თუმცა ბავშვებმა ჩვენთან ძლიერ ცოტა ხანი დაჰყვეს, მაგრამ ჩვენს შორის დამყარდა ნამდვილი მეგობრული განწყობილება.

ბავშვური მოსკოვის ბავშთა კომპლუზებისა.



მოწაფეთა კონფერენცია

ამა წლის 25 აპრილს ქალაქ ტფილისში სხვა და სხვა ადგილას შესდგა შრომის სკოლების მოწაფეთა კონფერენციები. თვითელი კონფერენციაზე წარმოდგენილი იყო შვიდი შრომის სკოლის მოწაფეობა. აქ მოგვყავს ასეთი კონფერენციის ანგარიში, სახელდობრ, ოპერის თეატრში გამართული კონფერენციისა.



დღის პირველ საათზე შესდგა მოწაფეთა პრეზიდენტი: თვითნებური სასწავლებლიდან პრეზიდენტიში თითო წარმომადგენელი შედიოდა, ასე რომ პრეზიდენტიში შესდგებოდა შვიდი მოწაფისაგან. თავმჯდომარედ პრეზიდენტი და აგრეთვე კონფერენციის არჩეული იქნა მე 15 შრ. სკოლის მოწაფე დიმიტრი მძინარაშვილი. თავმჯდომარემ კონფერენცია მოკლე სიტყვით გახსნა.

მან აღნიშნა, რომ: თვითმპყრობელობის დროს მოწაფეობა შეუძლებელი იყო, მას არ ჰქონდა იმ დროს საშუალება თავისუფლად ამოესუნთქა, ფრთა გაეშალა მის ლალ ბუნებას და გამოხმაურებოდა ცხოვრებას; ჩვენ მოწყვეტილი ვიყავით ცხოვრების სინამდვილეს, ამბობს თავმჯდომარე, ჩვენ გვკეტავდნენ უსიცოცხლო სკოლის კედლებში, არ გვქონდა უფლება აზრის გამოთქმისა, არ გვქონდა უფლება დავკავშირებოდით სკოლის გარედ არსებულ სინამდვილეს. ჩვენ თვალებს გვიხვევდნენ სინამდვილის წინაშე და ასე გვაბრძავდნენ. სკოლა მოწყვეტილი იყო ცხოვრებას, სკოლასა და სინამდვილეს შორის ჩატეხილი ხიდი, სწავლა უსიცოცხლო, მშრალი მოსაწყენი, აი როგორი იყო თვითმპყრობელობის დროინდელი სწავლა-აღზრდა.

დღეს კი მოწაფეობას სწავლა-აღზრდა ახალს შრომის სკოლაში უხდება, დღევანდელი სკოლა დიდად განსხვავდება ძველისაგან, ის ცხოვრებასთან მჭიდრო კავშირს აბამს, დღეს სწავლა-აღზრდის საქმე წინ მიდის ჩქარი ნაბიჯით. ჩვენ მოწაფეობა ამას კარგად ვგრძნობთ და გული სიამით გვიფეთქს, სკოლა გვეხმარება, ხელმძღვანელობას გვიწევს თანამედროვე ცხოვრებაში რომ გავერკვეთ. ჩვენც, ამხანაგებო, აქეთვე მოგვიწოდებს ჩვენი აღზრდელნი და ხელისუფალნი, რათა ჩავებათ საზოგადოებრივსა და სახელმწიფოებრივ ცხოვრებაში ჩვენი განვითარების საქმის შესაფერად მოსაწყობათ. ამაში რასაკვირველია დახმარებას, წინამძღოლობას გაგვიწევს სკოლა და სხვა სათანადო დაწესებულებანი, რამელთა ხელშიც არის ჩვენი ბედ-იღბალი.

ჩვენ, ამხანაგებო, უნდა შევკავშირდეთ მჭიდროდ, გადავებათ ყველანი ერთმანეთს ძმური კავშირით და ხელი-ხელ ჩაკიდებულნი გავწიოთ ახა-

ლი ცხოვრებისაკენ, რომლის შექმნაში ჩვენც უნდა მივიღოთ მხურვალე მონაწილეობა, რადგანაც მომავალი ჩვენ გვეკუთვნის“. თავმჯდომარის სიტყვები მხურვალე ტაშით დაფარეს.

შემდეგ გამოდის ამხანაგი დევედარიანი, ახალგაზრდათა კომკავშირის წარმომადგენელი; მან მოახსენა მოწაფეებს ვ. ი. ლენინის ცხოვრებისა და მოღვაწეობის შესახებ, დაწვრილებით შეეხო ილიჩის მოწაფეობის ხანას, აღნიშნა მისი იშვიათი ბეჯითობა და წარმატება სწავლაში, მიუთითა მოწაფეებს მის მაგალითზე და მოუწოდა სწავლისაკენ ბეჯითობისა და თვითმოქმედების ნიადაგზე.

ყოველივე თქმულს ილიჩის მოწაფეობას შესახებ მომხსენებელი ასაბუთებდა იმ გიმნაზიის არქივიდან მოყვანილ ცნობებით, სადაც ილიჩი სწავლობდა, აგრეთვე განუმარტა მათ კონფერენციის მიზანი, განუმარტა მოწაფეებს, თუ რა მნიშვნელობა აქვს მათ შეკავშირებას საზოგადოებრივსა და სახელმწიფოებრივ ცხოვრებაში ჩასაბმელად და მოუწოდა მათ აქეთვე.

ბოლოს მოწიფეების მხრივ შემოვიდა პრავალი შეკითხვები ვ. ი. ლენინის პიროვნების შესახებ.

მოწაფეებისაგან იყვნენ ორატორებიც, რომელნიც უჭერდნენ რა მხარს მომხსენებელს შეკავშირების საკითხში, მოითხოვდნენ მასწავლებლების ნივთიერი მდგომარეობის გაუმჯობესებას სწავლა-აღზრდის საქმის წარმატებისათვის, შემდეგ გამოტანილ იქნა რეზოლიუცია.

„მოვისმინეთ რა მოხსენება ამხ. დევედარიანისა ვ. ი. ლენინის შესახებ, აგრეთვე მისი მოწოდება შეკავშირებისაკენ საზოგადოებრივსა და სახელმწიფოებრივ ცხოვრებაში გარკვევისა და მონაწილეობის მიღებისათვის, კრება ერთხმად იზიარებს მის აზრს და მოუწოდებს ამხანაგებს—მოწაფეობას შეკავშირებისაკენ.

ამასთანავე მოვითხოვთ ჩვენი აღზრდელების, მასწავლებლების ნივთიერ უზრუნველყოფას, ვინაიდან უამისოდ სწავლა-აღზრდის საქმე ვერ დადგება სასურველ ნიადაგზე“. კრება სამ საათზე დაიხურა.

დამსწრე.





მეინვარ-წვერზე ასვლა

წინასიტყვაობა.

ჩვენს ჯგუფს მიზნად აქვს საქართველოს ყველა მხარის გაცნობა. უკვე ხუთი წელიწადია, რაც ჩვენ ამ მიზანს თანდათან ცხოვრებაში ვატარებთ. კავკასიონის ქედის მწვერვალებმა დიდი ხანია მიიპყრეს ჩვენი ყურადღება. მათი ძნელად გასავლელი და სახიფათო კლდოვან-ყინულოვანი ბილიკები გვიზიდავდნენ, ამ მიუვალ მწვერვალთა შორის მეინვარ-წვერი (მთა ყაზბეგი) რაღაც მიუწვდომელ, შორეულ, მაგრამ შევნიერ ოცნებად ვადაგვექცა.

მაღალ მთებზე ასვლების სხვადასხვა აწერილობათა წაკითხვის შემდეგ ერთი საკითხი გვებადებოდა: რატომ არის, რომ ინგლისელები, გერმანელები, რუსები ახერხებენ მაღალ მწვერვალებზე ასვლას, ჩვენ ქართველები კი, რომლებსაც ტანვარჯიშობაში და ყოველ-გვარ ვაჟკაცობაში დიდი უნარი გამოგვიჩნია, მთასვლაში კი აქამდე სრულიად არაფერი გავგიკეთებია. „თუ სხვებს შეუძლიათ, ჩვენ მით უფრო შევძლებთ, რადგან ვარჯიშობაში დახელოვნებული ვართ“. და თვით მეინვარ-წვერზე ავსლა განვიზრახეთ.

მეინვარწვერი სიმაღლით 5047 მეტრია (ხუთი ვერსი) და ძალიან ძნელად მისაღწევ მწვერვალად ითვლება, რადგან მის ფერდობებს ყოველმხრივ საშინელი დაქანება აქვს. თვით იალბუზზედაც (5629 მეტრი) ასვლა, რომელიც მეინვარწვერზე 600 მეტრით მაღალია, გაცილებით ადვილი ყოფილა. პირველი ადამიანი, რომელმაც გაბედა და მეინვარის თხემზე ფეხი შესდგა, განთქმული ინგლისელი მთასვლელი ფრეშფილდი იყო. 19 ივნისს 1868 წელს ის და მასთან ერთად კიდევ სამი კაცი, მეინვარწვერზე აღმოსავლეთის მხრიდან ავიდნენ. ეს გზა ახლა ასასვლელათ უძნელეს გზად ითვლება. ამას შემდეგ სხვადასხვა დროს ამ შესანიშნავ მწვერვალზე უკვე მთელი რიგი უცხოელებისა ასულა. მაგალითად 1889 წ-ის 29 ივლისს გამოჩენილი რუსი მთასვლელ პასტუხოვი. 1891-ის 18 ენკენისთვის განთქმული გერმანელი მერცხაბერი; 1901 წლის 2 აგვისტოს ავიდა პირველი ქალი მარია პრეობრაჟენსკი. ეს საკვირველი ქალი შემ-

დეგ კიდევ ბევრჯერ ასულა, დღემდე სულ 9-ჯერ და ახლა 60 წლის მოხუცს მე-10 ჯერ ასვლა განუზრახავს. რაც შეეხება ქართველებს, გარდა ადგილობრივი მოხვევე გამყოლებისა, ცნობა არა გვაქვს, რომ ვინმე ასულიყოს. ვგონებ, რომ ჩვენს წინადაც მეინვარწვერზე, ანდა სხვა რომელიმე მაღალ მთაზე, არც ერთი ქართველი მოგზაური ტურისტი არ ასულა*). მოხვევები კი, როგორც გამყოლები, ხშირად აღიოდნენ. მათ შორის ყველაზე ცნობილია სოფ. ცდოს მცხოვრები გახა წიკლაური, რომელიც უწინ 15-ჯერ ასულა მეინვარწვერზე და ახლა ჩვენს შემდეგ დიდებულის ვქსპედიციას მე-16-ჯერ აპყვა.

ყველაფერი, ეს უწინ მომხდარა, მსოფლიო რამდღე. ამ უკანასკნელ დროს კი უკვე რამოდენიმე წლის განმავლობაში აღარავინ ასულა. უცნობი იყო თოვლის და ყინულის მდგომარეობა. მოშლილი იყო ყველა ბილიკები და გზის მაჩვენებელი ნიშნები. და ამიტომაც ჩვენი გადაწყვეტილება: „მეინვარ-წვერზე ასვლა“ ერთგვარ გაბედულობას წარმოადგენდა და თუმცა თავი ამაყად გვეჭირა, მაგრამ გულში კი ათასწიკრი ეჭვი გვმარებოდა.

ამასთან ჩვენ საჭირო მონდობილობაც გვევალებოდა: ჩვენს შემდეგ მეინვარწვერზე საქართველოს ობსერვატორიის სამეცნიერო ექსპედიცია უნდა წამოსულიყო, პროფესორ დიდებულის ხელმძღვანელობით. ამ ექსპედიციას მძიმე და ძვირფასი სამეცნიერო ხელსაწყოები მიჰქონდა თან. ჩვენ კი, როგორც გამძლე ხალხი: ყოფილი შევარდნები, ტანვარჯიშობის მწრთენელები და მასწავლებლები, ამ ექსპედიციის წინამორბედობა ვიკისრეთ, რომ მისთვის გზა გაგვევანო.

მაგრამ გვეშინოდა და რომ ჩვენი მოვალეობა პირნათლად ვერ შეგვესრულებია და შევრცხვენილი-

*) შემდეგ კი გავიგეთ, რომ გამონაკლისს მოხვევ სტუდენტი ანდრია თოკაძე წარმოადგენს, რომელიც პირველად 1911 წელს და შემდეგ კიდევ რამოდენიმეჯერ ასულა მეინვარწვერზე.



ყავით, ამიტომაც ყოველი ღონისძიება ვიხმარეთ, რომ მყინვარწვერზე ავსულიყავით. და, მართლაც, საშინელ ქარიშხალში, 20⁰-იან ყინვაში 1923 წლის 28 მარიაშობისთვის ავედით კიდეც 11 ვაჟი და 5 ქალი. ამით ჩვენ ქართველთა მთასვლას საფუძველი ჩაუყარეთ: ქვემოთ მოთავსებული მოთხრობა ერთ-ერთი ჩვენთან ასული ქალის და „ღის“, მარო ბეჟანიშვილის დღიურს წარმოადგენს. დამწერი

ცდილობს ყველაფერი სწორედ ისე აღნიშნოს, როგორც თვითონ უნახავს და უგრძობია და ახერხებს კიდეც ამას. იმედია, ეს დღიური მკითხველს დაინტერესებს და მასშიაც მთასვლის ისეთ სურვილს აღძრავს, როგორცაა ჩვენ ვართ გამსჭვალულნი.


ლოცენტი გიორგი ნიკოლაძე.

გ ა ს ა მ გ ზ ა ვ რ მ ბ ლ ა დ მ ზ ა დ ე ბ ა .

მყინვარ-წვერზე

როდესაც პირველად გავიგე, რომ ჩვენ მყინვარზე უნდა ავიდეთ, არ დავიჯერე, ვერ წარმომედგინა თუ ჩვენ იმ მყინვარზე ასვლას შევძლებდით, რომელსაც მწერლები აღწერენ, როგორც მრისხანეს, ბუმბერაზს, დიდებულს, მუდმივ თოვლყინულით მოსილს და რომელსაც „ორბნი, არწივნი ვერ შეჰხებიათ“. მაგრამ ასეა გადავწყვიტეთ და მზადებას შევუდექით.

კერვა, მეორე ნაწილი თოკებისა და კარვების საშოვნელად დარბოდა, მესამე წერაყინებს ამზადებდა, სურსათის კომისია—სურსათის საყიდლად დარბოდა. უკანასკნელი დაბრკოლება ავტოს შოვნა გახდა, (ავტომობილი) მაგრამ ბოლოს ისიც ვიშოვეთ და 22 მარიაშობისთვის, 1923 წ. თბილისიდან უნდა გავსულიყავით. წინა საღამოს მთელი ჩვენი ბარგი მე და ასმათმა გიორგისთან წავიდეთ, რადგანაც მეორე დღით ექვს საათზე მავალა იქ



მყინვარ-წვერი შევარდენის ბუდიდან.

განსაკუთრებული ფეხსაცმელი, ბანდულები, როგორც მას მოხვევები უწოდებენ—წერაყინი ¹⁾ და ის საზრდო, რომლითაც მხოლოდ მაღალ მთებში უნდა გვესარგებლა: შოკოლადი, ტკბილი ნახში (სუხარი), რძე, კონსერვები, შაქარი და სხვ. თბილისშივე შევიძინეთ.

საჭირო იყო აგრეთვე განსაკუთრებული თბილი ტანსაცმელი და, აუცილებლად, ტყავის კურტკები. თითქმის ყველაფერი მზად გვქონდა. მხოლოდ მე და ასმათის დაბრკოლება კურტკები გახდა, მაგრამ ბევრი სირბილის შემდეგ ისიც ვიშოვეთ. ჩვენ, დები, თუ მარტო ჩვენს საქმეებზე დავრბოდით, სამაგიეროდ ძმებს ძალიან ბევრი სამუშაო დააწვიათ. ერთ ნაწილს ებარა ბანდულების ²⁾ შე-



მყინვარ-წვერი აღმოსავლეთ—სამხრეთიდან.

მოვიდოდა და ჩვენც ყველანი გიორგისთან უნდა შევეკრებილიყავით. გიორგისთან დიდ ოთახში დიდი ფაცი-ფუცი იყო: ანაწილებდენ საერთო ბარგს ტომრებში. აქვე იოსკა მათიაშვილი არიგებდა მათარებს და თოკებით გადასაბმელ რგოლებიან ქამრებს. მეორე დღეს, 22 აგვისტოს, დილის ექვს საათზე, ყველანი უკვე გიორგის ბინაზე ვიყავით და მავალას მოუთმენლად ველოდით

მემგეომბა თბილისიდან დუშეთამდე.

22 მარიაშობისთვის.

დარბაზში არაჩვეულებრივი არეულობა იყო. ყველას აღტაცება ეტყობოდა. აგერ 10 საათია, მაგრამ მავალა კი არსად ჩანს, რვა საათზე კი უნდა მოსულიყო.

¹⁾ წერაქვი, ან წერაყინი—ყინულის სამტყრევი.

²⁾ ბანდული—მაღალ მთებში სასიარულო ფეხსაცმელი, რომელსაც ძირი გამოქსოვილი აქვს და შიგ ერთგვარ ბალახს აფენენ, რომელიც ძალიან თბილად ინახავს ფეხს.



საერთო აღტაცება აღელვებდა იცვლებდა. რატომ იგვიანებს მავალა? ვაი თუ აღარ მოვიდეს! ყველას გულში ეჭვი გვებარება, ჩვენი ძმა, ექიმი სოსო ასლანიშვილიც ჩვენთან არის, ის ჩვენ არ მოგყვება, გვაცილებს; იგი პრაფ. დიდებულძის ე. ი. ობსერვატორიის სამეცნიერო ექსპედიციას, მიჰყვება, ჩვენზე ერთი კვირით უფრო გვიან. აქვე არიან ის ძმები, რომლებმაც ჩვენთვის ბევრი იმუშავეს, მაგრამ მყინვარზე კი არ მოდიან. ყოველ ხმაურობაზე, ყოველ მავალას გავლაზე ჩვენ აივანზე მივრბივართ, ჩვენ კარებთან არცერთი მავალა არ ჩერდება. 12 საათია.—პირველმა აღელვებამ და აღფრთოვანებამ გაიარა. ყველა მიყუნდა. ზოგმა დაიძინა, ზოგი ქუჩაში გაიფანტა; ნაწილმა გასართობად მეორე სართულიდან თოკი ჩაუშვა და ზედ

დაცოცავდნ. გიორგის ისევ უხდება მავალის შრისაკითხად წასვლა. მას გოგი ტოროშელიძეც მისდევს; სანამ ისინი მივიდოდნენ, მავალა სრულიად მოულოდნელად გაჩერდა ჩვენი სახლის წინ... ჯერ არ გვეჯეროდა, მაგრამ როცა შოფერები გადმოვიდნენ და ძმებმაც ტვირთის ჩაზიდვა დაიწყეს, მეც დავაველე ხელი ბარგს და ძირს ჩავიბრინე. მალე გიორგი და გოგიც მოვიდნენ, სრული ორი საათი იყო როცა ჩვენ მთელი ჩვენი ბარგი-ბარხანით მავალაში ჩაქედილები რუსთაველის პრ. მივგრივალვით. ყველა ჩვენგანი გაფაციცებით ათვლიერებდა ქუჩებში ნაცნობ-მეგობრებს. ჩვენს ყიყინზე ხალხი ჩერდებოდა. ვინც არ იცოდა გაკვირვებული გვიყურებდა.



მყინვარ-წვერიისაკენ გამგზავრებულია შემადგენლობა (რამოდენიმე აკლია)

თბილისიდან გავუდექით ვზას შემდეგი შემადგენლობით:

- დები: 1. ბეჟანიშვილი ვერა, მოვარჯიშე, მოწათე 15 წ.
- 2. ბეჟანიშვილი მარო, ტანვარჯ. მას. სტუდ. 19 წ.
- 3. კლიშიაშვილი სალომე, მოვარჯიშე, მოწათე. 16 წ.
- 4. ლორთქიფანიძე ელიკო, ტანვარჯ. მასწ., სტუდ. 19 წ.
- 5. ნიკოლაიშვილი ასმათ, მწვრთვნილი, მოწათე, 17 წ.
- 6. ტყავაძე მარო, ტანვარჯ. მასწ., სტუდ. 21 წ.
- 7. ჩიჯავაძე თამარ, შრომის სკოლის გამგე.
- 8. ჩხეიძე ლიდა,

ტანვარჯ. მასწავლ., სტუდ. 23 წ. 9. ხუციშვილი თამარ, მოვარჯიშე მოწათე, 15 წ.

- ძმები: 1. აღიხანოვი ჟორა, ტანვარჯ. მასწ., 19 წ.
- 2. აღნიაშვილი ატო, ტანვარჯ. მწვრთნილი, სტუდ. 19 წ.
- 3. ბაუბჰაუერ ფრიდრიხ, ტანვარჯ. მასწავ., 26 წ.
- 4. გიორგობიანი კონსტანტ., მწვრთნილი, მოწათე, 17 წ.
- 5. ვაჩინაძე დიმიტრი, მოწათე, მოვარჯიშე, 20 წ.
- 6. კილაძე სანდრო, ტანვარჯ. მწვრთნილი, 17 წ.
- 7. კრივოზუბკინ ბორის, ტანვარჯ. მწვრთვნი. სტუდ. 20 წ.



8. თუმანიშვილი ბება, მოვარჯიშე, მოწაფე, 14 წ.
 9. კუკავაძე ივანე, ტანვარჯ. მასწავლ., სტუდ. 26 წ.
 10. მამამთავრიშვილი შაქრო, ტანვარჯ. მწვრთვ. სტუდ., 20 წ.
 11. მათიაშვილი მიხეილ, მოვარჯიშე, მანტ. 22 წ.
 12. მაჭავარიანი ფოია, ტანვარჯ. მწვრთვ., მოწაფე, 20 წ.
 13. მკედლიშვილი ვასო, ტანვარჯ. მასწავლ. 20 წ.
 14. ნიკოლაძე გიორგი, დოცენტი, 35 წ.
 15. პაკენდორფ კურტ, სტუდ. მოვარჯიშე, 19 წ.
 16. რომანკვიციანი პავლე, მოვარჯიშე, მოწაფე, 15 წ.
 17. ტორღოშელიძე გოგი, მოვარჯიშე, მოწაფე, 16 წ.
 18. ქიქინაძე მიშა 18 წ. მოვარჯიშე, მოწაფე, 18. წ. ზოგიერთი ამათავანი მხოლოდ შევარდენის ბუდეში მოდიოდნენ, ვინაიდან დაახლოებით 18 წელზე უმცროსის აყვანა მყინვარზე და საზოგადოდ მაღალ მთაზე, არ შეიძლება, რადგან, შეიძლება, მაღალი მთის პერმა ფილტვებზე და გულზე ცუდად იმოქმედოს.

თითქმის საღამომდე შეუჩერებლივ ვიარეთ. ბინდბუნდი იყო, როცა დღეშეთს მივუახლოვდით. შორიდან დავინახეთ ბაზალეთის ტბა. ოხ! რა კარგი იქნება, რომ ყველა ჩვენთვის საინტერესო ადგილზე შეგვეძლოს გაჩერება და მისი დათვალიერება, მაგრამ ჩვენი მიზანი ხომ მყინვარ-წვერია და ჩვენც მისკენ მივჭურბობთ. ღამე დღეში გავათენეთ. აივანზე გვეძინა და საშინლად შეგვეცივდა, ყველა მგამოვძებნეთ სამყინვარე ტანისამოსი. ძალა-უნებურად მებადებო კითხვა: თუ აქ ასე ცივა, „იქ“ რაღა იქნება?

დუშეთიდან სოფელ სტეფანწმინდამდე.

23 მარტის მოვლენები.

მეორე დღით აღრე ავდექით, მე საშინლად მინდა დღეშეთის დათვალიერება, მაგრამ, რადგანაც მალე უნდა წავიდეთ, შორს წასვლა არ შეიძლება. ვისაუბრეთ, ჩავსხდით მავალაში და ჩვეულებრივი ჟრიაშულით დავშორდით დღეშეთს. ყველაზე უფრო დარი გვაფიქრებდა, რადგან უამინდობის გამო მთელი კვირა თბილისში დავგავგიანდა. ამ ჟამად დარი კარგი იყო და ცაზე ერთი ნაგლეჯი ღრუბელიც არ მოჩანდა. მალე ფსანაურში მივედით, სადაც ერთი საათით გავჩერდით. მიუხედავად სიცივისა არაგვზე წავედით საბანაოდ. წყალი ყინულივით ცივი იყო, მაგრამ სასიამოვნო. ანას გარდა ბანაობის დროს დიდი სიფრთხილე იყო საჭირო, რომ არაგვის მკაცრ და სწრაფ ტალღებს ქვევით არ გავეტაცეთ. მე და ლიტუსი გავყევით არაგვს, გადავედით ხილზე და მივედით იმ ადგილას, სადაც შავი და თეთრი არაგვი ერთმანეთს ერთვინ.

ძალიან ღამაში სანახავია ეს ადგილი: მარჯვ-

ნიდან თეთრი არაგვი მოგრიალებს, ხოლო მარცხნიდან — შავი. შავი არაგვის კალაპოტი უფრო დაქანებულია, ამიტომ იგი უფრო მეტი სისწრაფით მოექანება, ვიდრე თეთრი; თან მოაქვს ქვიშა და ლამი, რის გამოც მას შავი ფერი აქვს. შეერთების შემდეგ კიდევ რამდენიმე საუბრის მანძილზე ცალცალკე მიგრიალებენ. აღარ მინდოდა ამ ადგილის მოშორება. როდესაც დავბრუნდით იმ ადგილას, სადაც ჩვენები ბანაობდნენ, იქ აღარავინ დაგვხვდა. ამიტომ თითქმის სიბილით მივედით მავალამდე, სწორედ დროზე მოვუსწარიტ. ყველანი უკვე მავალაში იხსნდნენ და გასამგზავრებლად ემზადებოდნენ, მალე მავალაც დაიძრა.

ფსანაურიდან ვაკე გზა თან და თან აღმართზე გადადის, რაც უფრო მაღლა მივდივართ, ამინდიც თან და თან იცვლება; აცივდა. ჩვენ კი სულ მაღლა-მაღლა, თითქოს ცაში შევდივართ. ყოველ მხარეს ამართულია მთები და ამ მთის და ცის საზღვარს ვერ ვარჩევთ, რადგან მთებზე თანდათან ნისლი ჩამოწვა და ცის კიდური მთების მწვერვალებს შეუერთა. მაღლა კლდეებიდან გადმოჰქუხს ნაკადები, რომლებიც შორიდან ცაში აყუდებულ ყინულს მოგაგონებს. სულ დაბლა, ხევში ოდნავ მოჩანს არაგვი, რომელიც ვიწრო ბილიკივით მიჰლაკნება. აქა იქ კლდეებზე და მთის ფერდობებზე, არწივის ბუდესავით, კლდეზე მიკრულიები, კოშკებიანი სოფლები მოჩანს. თითო სოფელი სულ 10—12 კომლისაგან თუ შესდგება. სახლები სულ ახლო-ახლოა მიდგმული და შორიდან ერთ მთლიან შენობას მოგაგონებს. ყველა ეს ერთად ძალიან ღამაზ სურათს წარმოადგენს.

ამინდი საშინლად გამოიცვალა. გაავდარდა, ხოშკაკალი წამოგვაყარა. ყველამ დაიწყა თავის ჩანთის ძებნა და თბილი ტანსაცმლის ჩაცმა. მავალაში საშინელი არეულობაა. ვინც აქამდე წინ (შოფერთან) იხსნა, ისინიც გაყინულები ჩვენ შემოგვიერთდნენ. ზევიდან ნაბლები გადავიფარეთ. მყინვარი და მანე ასვლა ხომ სრულიად შეუძლებლად ჩავთვალეთ. გადავიარეთ ჯვრის გადასავალი და ახლა დავექანეთ დაბლა. ბუნებაც თანდათან გამოიცვალა: გამოიძრა, ნაბლები მოვიხადეთ და წვიმისაგან მიუყუთულ ჩიტებივით თავები ამოვყავით. ერთ ხილზე მავალა გავაჩერეთ და ნარზანის წყალზე გავიქეციტ, თუმცა წყალს ყველა აქებდა, მაგრამ მე ერთი ყლუბიც ვერ დავლიე, წყალი საშინელი გემოსი იყო: გოგირდიანი, მოტკბო და შუშხუნა.

ბნელდებოდა, როცა შორიდან სოფ. სტეფანწმინდა გამოჩნდა. 9 საათზე უკვე სტეფანწმინდის ერთ-ერთ სასტუმრო — ოტელ-ბარის წინ ვიდექით.



ძმებმა მავალა დასცალეს და ყველაფერი ერთ დიდ დარბაზში მოათავსეს. დარბაზი ისე დიდი იყო, რომ ჩვენ ყველა ჩვენი ბარგით შიგ კარგა მოვთავსდით. ასე ვფიქრობ, თითქოს სიძნელის ერთი ნაწილი უკვე გადავლახეთ. სტეფანწმინდაში (ყაზბეგში) ვართ, საიდანაც მიზანი ასე ახლოა, მაგრამ მიღწევა — ფრიალ ძნელი.

დილა სტეფან წმინდაში, 1-გაფრენა შინოს წვერზე და ყაზბეგის მიდამოებში.

24 მარიაშობისთვე

მეორე დილით რაღაც ხმაურობამ გამოამაღვიდა. წამოვხტი, გამოვედი გარედ და დავინახე ჩვენები, რომლებიც ქვევით მიზროდნენ. ბინდ-ბუნდში

და ბურუსში ისინი მოჩვენებას მოგვაგონებდნენ. ზოგს თეთრი საბანი ესხა, ზოგი ნაბადში გახვეულიყო და ვისაც როგორ მოესწრო. თურმე ვანიჩკას შემოვბინა და ვთქვა: „ჩქარა წამოდი, მზის ამოსვლას ვუყუროთ“. სუსხი იყო. შევირბინე ოთახში. საბანში გავეხვიე და სირბილით მეც დანარჩენებს გამოვუდექი. გავირბინე ერთი სახლის წინ, მეორის, და უცბად ჩემ მარცხნივ აიშართა ვეებერთელა თეთრი მთა, ჩემგან ის სულ ახლო მოჩანდა, ასე გეგონებოდა, რომ გაიქცე, რამდენიმე წუთში მიიპრვენ მასთან, დაბლა ისევ ბინდ-ბუნდი იყო, მყინვარ-წვერი კი ოქროს ფერი სხივებით იყო გაბრწყინებული.

მყინვარის აღმოსავლეთ ფერდობზე შავი კლდეებია და, თუ კარგად დააკვირდებით, ცხადად



მყინვარ-წვერი ნისლში, ზედ მოსჩანს გველაშაპი (კლდე).

გაარჩევთ, როგ ეს კლდე საშინლად ჰგავს პირდაღებულ გველეშაპს. სწორედ ამ გველეშაპის შესახებ მოხვედრებში შემდეგი თქმულება არის დარჩენილი: *) როცა ამირანი თავს საგმირო საქმეებში იმდენად გაათავა, რომ თვით ქრისტე ღმერთთანაც კი მოინდომა შებრძოლება, მაშინ იგი განრისხებულმა ღმერთმა მიწაზე მიაჯაჭვა და ზედ გერგეთის მთა დაადგა. ამითი ისარგებლა ამირანის უდიდესმა მტერმა გველეშაპმა, რომელიც იმ დროს მყინვარწვერზე იჯდა. „აქამდე თუ ვერ მოვერიე, ახლა დაბმულს მაინც მოვერევიო“ და ამირანის შესაქმელად ქვევით ჩამოცოცხა.

ეს ამბავი წმინდა გიორგიმ გაიგო, სწრაფად იქ გაჩნდა, გველეშაპს ხელი დაუქნია და უთხრა:


*) ჩაწერილი ატო აღნიაშვილის მიერ.

შესდეგ! ამირანი ცოდვების მოსანანიებლად დავაბით და არა შენ შესაქმელად. გაქვადი მანდ! ეს გაქვავებული გველეშაპი ახლაც თითქოს ქვევით მოსწრათის.

გაოცებული შევცქეროდი მყინვარს, შემდეგ მის მოპირდაპირე შინოს წვერს, მინდოდა მეპოვა მათი განსხვავება. რა პატარა ყოფილა? იქ ვერ უნდა ავიდეთ?! მერე რა ახლოა! ეჭვები სრულიად გამეფნტა, მაგრამ მეორე დღეს შინოს წვერზე ასვლამ დამარწმუნა, რომ იმ დილას მოვტყუედი. ბინდ-ბუნდი და ბურუსი თანდათან გაიფანტა და კარგა გვიან მყინვარიდან მზის სხივებმა ჩვენამდეც მოაღწია. ჩავედით მდ. თერგის ნაპირას. თერგი საშინელი სისწრაფით მიეჩანება თავის კლდოვან კალაპოტში. მისი წყალი ყინულივით ცვიო.



მალე ისევ ბინაზე დაბრუნდით. ჩვენი ბინის წინ მოხვედრები მოგროვილიყვენ და ცნობის მოყვარეობით გვათვალისწინებდნენ. საშინლად მომეწონა, რომ ისინი ჩვენმა სავარჯიშო მოკლე შარვლებმა სულაც არ გააკვირვა. გონივრულად შეხედეს ამას და კიდევ მოეწონათ. ძმებს ისევ გაუჩნდათ სამუშაო. უნდა იზოგონ გზის მაჩვენებლები და ტვირთის მზიდველები. მკედელს უნდა შეუკვეთონ წრიაპები, ყინულზე სასიარულო ოთხკაპიანი რკი-



ინგლისური წრიაპი ფეხზე.

ნები. ჩვენს ბანდულებს ძირი სწორად არა ჰქონდათ გამოქსოვილი. ჩვენებს ის ბადესავით მოექსოვათ კვანძებით, რომელიც სიარულის დროს ფეხებს გეტკენდა და სასიარულოდაც უხერხული იყო. მოხვედრების დახმარებით ეს კვანძები გამოვხსენით და ძირი ხელახლა გავბანდეთ. ყველა ამ საქმეს დიდი დრო დასჭირდა, რის გამოც მთელი ორი დღე დავრჩით სტეფანწმინდაში.

საფ. სტეფანწმინდის მარჯვნივ ამართულია ვეებერთელა მთები და მათ შორის ერთ-ერთი მწვერვალი შინო, რომელიც თავისი ძნელი გზით გვიზიდავდა. ერთი ჯგუფი ძმებისა გაემართა შინოს წვერისკენ და მოინდომეს მასზე ასვლა პირდაპირ კლდეებით.

რასაკვირველია, უსაფუძვლო იყო ამ გზის ამორჩევა, მაგრამ ისინი დაწმუნებული იყვნენ, რომ სწორედ ამ გზით ავიდოდნენ და ვაეკაცობას გამოიჩინდნენ.

თუმცა დებსაც გვინდოდა წაყოლა, მაგრამ არ წაგვიყვანეს, ეშინოდათ, რომ ხელი არ შეგვეშალა. ჩვენკი, ერთი ჯგუფი, ისევ თერგის გაღმა მთავე წყლების დასათვალისწინებლად წავედით. გავყვით ბილიკს, რომელიც თერგის მარცხნივ მიიკლანება. ერთი ნაწილი ჩვენზე ადრე წავიდა, ჩვენ ზოგიერთები უკან ჩამოვრჩით და ნელ-ნელა მივდიოდით.

თერგის მარცხენა მხარე სულ ჰაობს წარმოადგენს. ჩემს მარჯვნივ ამართულია კლდოვანი მთები. მთებიდან წყდება ვეებერთელა ლოდები და ხრიალით ჰალაში ჩადის, რომელიც თავისუფალი ლოდებით. მარჯვნიდან რალაც ჩხრიალი მოგვესმა. წყალი არსად ჩანდა, ხმაურობა კი გვესმოდა, დავუგდეთ კარგა ყური ხმაურობას და ერთ დიდი კლდის

გვერდზე მთავე წყლის აუზი აღმოვაჩინეთ. იგი შვენიერი სანახაია. წყალი ცოტა მოყვითალო და კამკამა და ისე ამოჩუხჩუხებს გულიდან, როგორც წყლით მოჩუხჩუხებ ქვაბი, თან ზევით წინწკლებს ისერის. ბილიკიდან მას დიდი კლდეები ჰფარავდა. ალბად, წინ წასულებმა ვერ შეამჩნიეს და იმიტომ ასცდნენ მას. გადავწყვიტეთ. მათ დაბრუნებამდე დაცდა. ჩემი აზრი გამართლდა. წინ წასულები მალე დაბრუნდნენ. იმათ ბევრი ევლოთ, მაგრამ მთავე წყლის აუზი ვერ ენახათ. ავადგეთ მათარები მთავე წყლით, სურათი გადავიდეთ და წამოვედით, საღამოს შინოზე წასული ხალხი დაბრუნდა. ისინი საშინლად დაღალულიყვენ და იმედი დაჰკარგოდათ. კლდეებზე სიარულით ფეხსაცმელები მთლად გასცვეთოდათ, მაგრამ მწვერვალზე მაინც ვერ ასულიყვენ. გზა თურმე ისეთ პატალო კლდეებს მიადგა, რომ ვერც წინ მიდიოდნენ და ველარც უკან ბრუნდებოდნენ. ბოლოს რის ვაი-ვაგლახით და თოკების დახმარებით უკან წამოსულიყვენ, და გვარწმუნებდნენ, რომ მყინვარზე ვერ ავალთ, რადგანაც შინოს წვერსა და მყინვარს შორის დიდი განსხვავება არისო. იმას კი აღარ ამბობდნენ, რომ ისინი სრულიად უგზოდ წავიდნენ და, როგორც უკიბოდ მეორე სართულში ვერ ახვალ, ისევე უგზოდ მთაზე, ეს მეორე დღეს ჩვენ დაგვიმტკიცეს. იმ საღამოს ადრე დაეწეკით, რადგანაც გადაწყვეტილი გვექონდა, რომ დილით ადრე შინოზე ავსულიყავით

II. გატრენი შინოს წვერზე. ბროკენის მოვლენა და ბრუნება.

25 მარიაპოლისთვის

მეორე დღეს სამი ძმა და, ხუთი და შინოს გზას გავუდექით. ხელში წერაყინები დავიჭირეთ. წავიდეთ აგრეთვე გიორგის ფოტ. აპარატი, სხვა არაფერი წაგვიღია, რადგანაც მსუბუქად გვინდოდა სიარული. დღევანდელი გატრენა ყველას აინტერესებს. ჩვენ გადაწყვეტილი გვაქვს, რომ უსათუოდ ავიდეთ შინოზე, ამიტომ ყველა ცდილობს, რომ კარგად მოეწყოს და თბილად ჩაიცვას. გადავიარეთ ყანები, რომელიც ჯერაც შემოუსვლელი იყო და შევუდექით აღმართს, რომელიც თავიდანვე დიდი დაქანებით იწყება. ჩვენებს საშინლად დაცხათ. იძულებული იყვნენ ზედმეტი თბილი ტანისამოსი გაეხადათ. მე კი ძალიან სუბუქად ვიყავი ჩაცმული და არაფრის დატოვება არ მომიხდა. გიორგის ფეხზე მძიმე, რკინის წვეტებიანი ფეხსაცმელი ეცვა და იძულებული იყო გაეხადა. შევუდექით აღმართს. პირველადვე აღმართი ბალახოვანია და დიდად დაქანებული, მაგრამ ჩვენ წერაყინების დახმარებით ადვი-



დად მივდივართ, თან მალი-მალ ვისვენებთ, რადგანაც მალალ მთაში ჰაერის სითხელას გამო გული დიდი სისწრაფით ცემს. შუა გზამდე თითქმის ერთად ვიარეთ, შემდეგ კი ზოგი დაწინაურდა. მე და გოგი უკან დავრჩით. ის სულაც არ ჩქარობდა. დასვენების დროს ცდილობდა, რაც შეიძლება მეტი ელაპარაკა, რომ მე ყურის გდებას მოვნიშობდი და წინ არ წავსულიყავი. გოგის რომ ზანტობა შევამჩნიე, გაესწიე წინ მარტო. წინ წასულები აღარ ჩანდნენ. ალბად, ისინი უკვე მწვერვალზე იქნებოდნენ ასული. დასვენება მალი-მალ მიხდებოდა, რადგანაც ცოტა მანძილის გავლის შემდეგ გული საშინლად მიკვამდა. ყოველ დასვენების შემდეგ ძალღონე მემატებოდა და ისევ წინ მივდიოდი. აი, გამოილია ბალახოვანი გზა და ახლა კლდეები დაიწყო. საიარული აქ უფრო გამიძნელდა. ფეხსაცმელი სულ დამეხა, თანაც საშინლად მწყურროდა, მაგრამ მაინც წინ მივდიოდი იმ იმედით, რომ მალე მწვერვალზე ავიდოდი. მალი-მალ უკან ვიხედებოდი და გოგის ვეძახდი. იგი მკვდარივით გაშხლართულიყო და პასუხსაც არ მაძლევდა. საშინლად მაფიქრებდა მისი მდგომარეობა, მაგრამ, ჩემდა საბედნიეროდ, მალე გოგიც წამოდგა და ზანტად მოაზღაზნებოდა.

კლდეებზე ფეხები სულ დამებეგვა, სიცხემ და წყლის წყურვილმაც ძალიან შემაწუხა. კლდეებში წყაროს ვეძებდი. ერთი კლდის ძირში რაღაც თეთრი ნაგლეჯი გამოჩნდა; მივუახლოვდი და დავინახე თოვლი. საშინლად გამიკვირდა, რადგანაც თოვლი მახლობლად არსად ჩანდა და ეს პატარა ნაგლეჯი საიდან უნდა გაჩენილიყო — სასწაულად მომეჩვენა. მოვსულიერდი, გავავსე მათარა, რადგან ვიცოდი, რომ ზევით ჩვენებიც ჩემ დღეში იქნებოდნენ და ხალისიანად ისევ გზას გავუღმეკი.

აი მწვერვალსაც მივუახლოვდი. ზევით ასულებმა შეამჩნიეს და იქიდან ყვირილით მახალისებდნენ. გავიხედე მყინვარისკენ და, აი საკვარველება! როცა დაბლა ვიყავი, მყინვარი თითქო შინოზე უმაღლესი სულაც არ იყო, მაგრამ რაც მალლა, მალლა მივდიოდი, მყინვარსაც ნელ-ნელა ზევით იწევდა და ამაყად და მედიდურად დამცქეროდა. წმინდა სამების ეკლესია, რომელიც გერგეთის მთაზეა და რომლის განსხვავებაც მყინვართან შედარებით დაბლიდან სულაც არა ჩანს, ახლა ცხადად მოჩანდა და სამების ეკლესიას მყინვარის მესამედი სიმაღლეც ეკავა. ყაზბეგიდან მყინვარი თითქოს დანარჩენი მთების სიმაღლეა, შინოს წვერიდან კი სხვა მთები მყინვართან შედარებით მის უმცროს ძმებვით გამოიყურებიან. მედიდურად ამართული

მყინვარი მუდმივი თოვლითა და მზის სხივებით გაბრწყინებული შორს მაღლა-მალლა ცას უფრთდება.

მივედი ჩვენებთან. ისინი წამოწოლიყვენ და ისვენებდნენ. მეც მათ მივბაძე. წამოვწექი და კიდევ ჩამძინებოდა. მალე წამოვიშალეთ. გოგი ჯერაც არ ამოსულიყო. მე გავიქეცი, ერთ-ერთ ფრიალო კლდეზე დავჯექი და დავიწყე ქვევიც ცქერა. „ოტელ-პარიზი“ ბუზის ოდენად მოჩანდა. ალბად, ახლა ჩვენების ყურადღება სულ ამ მთისაკენ არის მიქცეული. ავიღე ღურბინი და გავიხედე, „ოტელ-პარიზის“ — წინ ხალხი ირეოდა. შემდეგ ყველა გაქრა აი ერთაშა კიდევ გაიბრინა კარების წინ და შემდეგ ყველაფერი მიყუჩდა, ჩემს გარშემო დუმილია, აგერ ნისლი წამოვიდა და დეჭვარა ასმათი, ელიკო, ლიდუსი, მარო, გიორგი. ახლა სრულიად მარტო ვარ. ამ მიყრუებულ მთაზე არც ერთი სულიერი არ ჩანს ჩემს გარდა. ფრინველიც კი არ არის. მე თითქოს მეფე ვარ ამ მღუპარებისა. ერთი დაყვირებით შემიძლია დავარდვიო ეს ხიჩუმე, გამოვაცოცხლო მკვდარი ბუნება. ჩვენები ისევ ბურუსში არიან გახვეული. — ა — უ — უ — უ! — ვუყვირი მათ. ჩემი ხმა რამდენჯერმე მეორდება, და იქიდანაც მესმის პასუხი. ვაგორებ დიდ ქვეებს, რომლებიც ხრიალით მიგორავენ შორს, უფსკრულისაკენ. რა საშინელებაა აქედან დაგორება! მკვდარსაც კი ველარ გიბოვიან.


ქვევით, შორს, უფსკრულის მარჯვნივ, კლდოვან ფერდობზე რაღაც ამოძრავდა. ის ნელ-ნელა წინ მოაწევდა, ახლა კი გავარჩიე: ეს გოგია. თუმცა ძალიან დინჯად, მაგრამ მაინც მოდის. მალ-მალ ჩერდება, ისვენებს, კლდეებს გარშემო უვლის, ზოგან დაოთხებული მიფოფხავს, წერაყინით საფეხურებს იკეთებს, გზა აჩევია და პირდაპირ კლდეებზე მოდის. ბურუსი გაიფანტა და ჩვენებიც გამოჩნდნენ. ცა ისევ მოკრალდა და მყინვარიც გამოჩნდა. ჩვენებმა შეამჩნიეს გოგი. ზევიდან უყვირიან. ამხნევენ.

ყოჩად გოგი, ყოჩად! ცოტაც და ამოხვალ.

ცოტა ხანს შემდეგ ისიც მწვერვალზეა.

აქედან გიორგიმ გადაიღო მყინვარ-წვერი, მაგრამ, საუბედუროდ, შემდეგ ეს აპარტი დაგვიგორდა და დაიმსხვრა ყველა სურათებით.

გავყვევით ქედს. წამს საშინელი ბურუსია, ისეთი რომ ერთმანეთს რამდენიმე ბიჯზედაც კი ვერ ვარჩევთ, ნეორე წუთში ბურუსი გაიფანტება და ცა ისევ მოკრიალდება. ერთ კლდეზე შევჩერდით. ვიყურებით დაბლა სოფლისაკენ. უცბად ნისლი წამოვიდა და ერთი წუთით ყველა შიგ გავეხვეით. მხოლოდ მყინვარი შორს, მალლა, ცაში ჩამოკიდებულ შაქრის თავივით მოჩანს, რადგან მისი ფუძე ბურუსშია გახვეული, უცბად ბურუსში ჩემს ლანდს



ვხედავ, რომელსაც ზევიდან ცისარტყელისებური რკალი აქვს.

მე ვყვირი, ხელს ვიქნევ, ლანდიც იქნევს!.
აბა მე ვარ, მე ვარ, ყვირიან დანარჩენებიც.
ეს „ბროკენის“ — მოვლენაა.

საკვირველია: თვითული ჩვენგანი მხოლოდ თავის ჩრდილს ხედავს ამ რკალში, სხვისას კი ვერა. საკვირველად მოქმედობს მაღალი მთის ჰაერი ადამიანზე. არაჩვეულებრივად აღფრთოვანებული ვართ. ვყვირით, ვმღერით, ვხარხარებთ. ავახმაურეთ და ავაძღვრეთ ეს მთებიც, აქ ხომ იშვიათია ჩვენისთანა სტუმრები. ვინ იცის, რამდენი ხანია, რაც აქ არავინ ყოფილა. კაი ხანი გავიდა. დაბრუნების დროა, საშინლად მენანება ამ მთების მოშორება, მაგრამ უნდა დავბრუნდეთ.

ცოცვით ჩავიარეთ კლდეები. ყველაფერი ისევ ბურუსში გაეხვია და ეს სქელი ბურუსი თითქმის თავზე გვაწვეს. თმები მარგალიტისებურ ცვრებით მოგვექედა. აღარაფერი არ ჩანს, აღარც ქვევით, აღარც ზევით. ყოველმხრივ მხოლოდ ნაცრისფერი ბურუსია. ბურუსში გახვეული წინ წასულების ლანდები ოდნავ-ღა მოჩანს. ერთი-მეორეს ხმას ვაწვდით, რომ გზა არ აგვერიოს. საშინლად ვჩქარობთ, რადგანაც თითქმის დაბინდდა და გვეშინია ამ კლდეებში ლამემ არ მოგვისწროს. რაც უფრო დაბლა ჩავდივართ, ბურუსი თანდათან თხელდება და ბოლოს მზის სხივებიც შემოიჭრა. აქ ჯერ მზე არ ჩასულა, ჩვენ კი ზევით გვგონა, რომ ლამდებოდა. თურმე სქელმა ბურუსმა მოგვატყუა.

მივუახლოვდით ბალახოვან ფერდობს, სიარული აქ უფრო ადვილია, მე ბალახზე ვზივარ და ისე მივსრიალებ ქვევით. თუ სისწრაფე მომემატა, წერაყინს. ვარქობ მიწაში, ვისვენებ და ისევ მივექანები. ჩემს წინ გოგიც ასევე მისრიალებს და გზას მიკვალავს. უკვე დაბინდდა და სიარული გაძნელდა, რადგან სიბნელეში ვერაფერს ვარჩევთ. დიდი სიფრთხილეა საჭირო, რომ არსად ჩავიჩეხოთ. ქვევით, შორს, რაღაც სინათლე მოჩანს, რომელიც მოძრაობს და თანდათან გვიახლოვდება. დარწმუნებული ვარ, რომ ეს ჩვენები არიან, წამოსული ჩვენ შესახვედრათ, რადგანაც ძალიან დავიგვიანეთ. ამაღ ჩვენ ისე გავახალისა, რომ ღონე ერთი-ორად მოგვემატა და უფრო ყოჩაღად გავსწიეთ ქვევით, რომ ჩვენებს ჩქარა შევერთებოდით. ცოტა ხნის შემდეგ ყვირილიც გავიგონეთ. ფეხს უფრო მოვუჩქარეთ. აგერ ბეზას ხმაც გავიგონეთ, „ჩქარა, ჩაი გელოდებთ!“ — ახლა კი დავრწმუნდით, რომ მართლა ჩვენები მოდიოდნენ ჩვენ საქებნად. იპავე დროს მარცხენა მხრიდანაც მოგვესმა რაღაც

ყვირილი. ახლა კი ავიბენით, არ ვიცით მარცხნიდან მოდიან, თუ ქვევიდან. ცოტა ხნის შემდეგ მარცხნიდან გვიერთდებიან სამი ცირა¹⁾ და ატო აღნიაშვილი. ცირები: ვერა, სალომე და თამრო ჩვენ შესახვედრად წამოსულიყვენ. ატოს შეშინებია და, რომ ისინი სადმე ხრამში არ გადაჩეხილიყვენ — უკან გამოსდევნებოდა. მართლაც, ისინი სულ სხვა გზით წამოსულიყვენ. ბოლოს ისეთი კლდეები შეხვედროდათ, რომ წინ ველარ წასულიყვენ. სწორედ ამ დროს გავგონათ ჩვენი ყვირილი და რის ვაივაგლახით მოაღწიეს ჩვენამდე. მალე ქვევიდან წამოსულებიც შემოგვიერთდნენ. საერთო მხიარულებაა, გვილოცავენ გამარჯვებას. ჩვენც აღფრთოვანებული ვუზიარებთ შთაბეჭდილებას. მალე ბინაზეც მივედით. მთელი დღე არაფერი გვიქამია, არც მოგვეგონებია საქმელი, თუმცა არც არაფერი წაგვილია. ამიტომ ძალიან პაღიანად ვივახშმეთ. საჩქაროდ დავწეკით დასაძინებლად, რადგანაც მეორე დღეს უკვე მყინვარისაკენ უნდა გავგზავრებულიყავით. საშინლად მოქანცული ვიყავი, ამის გარდა შინოზე ასვლის დროს უბრალო ტილოს ფეხსაცმელი მეცვა, რომელიც სულ გაცვდა, ამიტომ ქვევისგან ფეხები სულ დამებეგვა. ძალიან მეშინოდა, რომ ამას მყინვარზე ასვლისათვის ხელი არ შეეშალა.

ყაბბეგიდან გველეთამდე მავალით, გველეთიდან დედარაკამდე ქვეითად.

26 მარიაშობისთვე

მეორე დღეს გვიან ავდექით. დაღლილობას ჯერაც არ გაველო, ფეხები მოწყვეტილი მქონდა. სიარული მეზარებოდა. ვისაუზმეთ. მალე მოვიდნენ გზის მაჩვენებლები: იაგორ კაზალიკაშვილი (მოხევე), ლევან ქუშაშვილი (მოხევე), აბზი ბეზურტანოვი (ქისტე) და მზიდველები, რომელთაც ჩვენი ბარგი წევარდენის ბუდემდე უნდა აეტანათ. იმათაც ყველას ფეხზე ბანდულები ეცვათ, — უფრო კობტა და ფეხზე მოწყობილი; საკვირველიც არ არის, რადგანაც ისინი მალლა მთებში კი არა, ბარშიც სასიარულოდ ბანდულებს ხმარობენ და მისი გაკეთება თვითონვე იციან. ხელში კი ყველას გრძელი კომბლები ეჭირათ. სოფელ გველეთამდე ისევ მავალით უნდა წავსულიყავით. ამიტომ რის ვაივაგლახით ჩავექედეთ მავალში, გადავიღეთ სურათი, და მავალიც დაიძრა. ჩვენ მარცხნივ ამართულია დარიალის ხეობის უზარმაზარი კლდეები, რომელსაც თვალსაც კი ვერ უწვდნენ, მარჯვნივ კი მიგრიალებს მრისხანე თერგი, ალაგ-ალაგ ის მხოლოდ

1) ცირა ეწოდება ქალიშვილს 13-დან 16 წლამდე.



თეთრ ქაფს წარმოადგენს. გზა ძალიან სახიფათოა. მავალა ისეთ კლდეებს ქვეშ მიდის, რომელნიც ყოველ წუთს ჩამონგრევას ლამობენ. აი, გავიარეთ „ემპაკის ალაყაფი“. ეს ის ადგილია, სადაც კლდე თითქოს საგანგებოდ ალაყაფივით არის გამოქრილი, გზაში ცნობილი რუსი მოასვლელი პრეობრაჟენსკი (ქალი) შეგვხვდა, რომელიც თავის მოწაფეებთან ერთად ძაუგიდან მოდიოდა. ეს არის მყინვარზე


ასული პირველი ქალი. მავალა გავაჩერეთ, პრეობრაჟენსკის ქალი უკვე მოხუცია, თმა გაათერებული, საშინლად გამხდარი და სუსტი. ის მყინვარზე ცხრაჯერ ყოფილა. ის გვიცხადებს, რომ ჩვენ მყინვარზე ვერ ავალთ, მყინვარი მაგდენ ხალხს ვერ დაგვიმაგრებს, მყინვარის გზა ძალიან ძნელია და „გოლოვინსკს“ არ გავსო. ამ სიტყვებმა ყოველი ჩვენგანი უფრო გაახალისა და გულში ჩაუ-



სტეფან-წმინდიდან გამგზავრება გველეთისაკენ.


ნერგა, რომ ის უსააუოდ უნდა ავიდეს მყინვარზე. გამოვეთხოვეთ პრეობრაჟენსკის ქალს და ისევ წინ გავსწიეთ. მალე გველეთს მივუახლოვდით— მავალა ხილზე ვაჩერდა.

ასვლას ვაპირებდით, სრულიად უტვირთოდ უნდა ვყოფილიყავით, რადგანაც ჯანს სამყინვარწვეროდ ვიზოგავდით. ჩვენს ცირებს, თამარ ჩიჯავაძეს და ბებას, რომლებიც მყინვარზე ასვლას არ აპირობ-



ხიდი თერგზე—გველეთში

სოფელი გველეთი სულ ხუთი კომლი საგან შესდგება. აქ ქისტები ცხოვრობენ. ერთი ჩვენი გზის მაჩვენებელთაგანი აბზი ბეზურთანოვი ამ სოფლიდანაა. ზედმეტი ბარგი მის სახლში მივზიდეთ. ხილიან კარგა ხანს გავჩერდით, რადგანაც ბარგს მზიდველებს უნაწილებდენ. მზიდველები კი ცდილობდენ, რაც შეიძლება ნაკლები ბარგი აეკიდათ, ვინც მყინვარზე



გზა გველეთიდან დევდარაკისაკენ.

დენ ტვირთი თვითონ მიჰქონდათ. გავუდექით გზას. გავიარეთ პატარა სოფელი, დაიწყო აღმართი. გადაწყვეტილი გვაქვს ღამე დევდარაკის მყინვართან გაფატაროთ, ამიტომ არ ვჩქარობთ. გზა ძალიან ლამაზია: მარცხნივ—ტყიანი და ყვავილებიანი ფერდობები, მარჯვნივ—ხევი, შუაში—პატარა ბილიკი. ეს ბილიკი ნიაღვრებისაგან ზოგან ისეა წამხდარი,

რომ დიდი სიფრთხილვა საჭირო გავლის დროს. როგორც იაგორამ გვიამბო, ერთ-ერთ ამისთანა ადგილას ერთი ინჟინერი ცხენით ჩავარდნილა და და-



მალალ მთის მცენარეულობა, გვიმბრა.

ღუპულა. ხშირად ვხვდებით ნაკადულებს, რომლებიც მალალ ფერდობიდან ან კლდიდან გადმოჰქუხს,

გზა გველივით მიიკლავნება მთაზე, რომლის გადაჭრაც შეუძლებელია ფერდობებით. თუმცა ეს ფერდობები ძალიან დაქანებულია და მეტად ძნელია მათზე სიარული, მაგრამ ერთი ჯგუფი სწორედ ამ გზას დავადექით. ეს ფერდობები დაფარულია სხვადასხვა მცენარეებითი, შვიათი ყვავილებით და ჟოლოს ბუჩქებით. სიარულის დროს ჩვენი წერაყინები ძალიან გვეხმარება. გემრიელ ჟოლომ გაგვახალისა და თითქოს გზაც გაგვიადვილა. ბუნების სილამაზემ წინა დღის დაღლილობა სრულიად დამავიწყა, მალე ფერდობების გადაჭრა შეუძლებელი გახდა, და ბილიკს დავადექით. ნაკადულებს ხშირად ვხვდებით, ვჩერდებით, პირველ „კაზარმასთან“ მივვდივით. ადგილობრივი მცხოვრებლები „კაზარმებს“ უწოდებენ იმ შენობის ნანგრევებს, რომელიც უწინ მგზავრების თავშესაფარს წარმოადგენდა. პირველ „კაზარმას“—ახლა ქართულად „ტბა-წყარო“ ჰქვია, მეორე „კაზარმისკენ“ გავსწიეთ, ეს „მეორე კაზარმაც“ ნანგრევია იმ შენობისა, რომელიც უწინ იმ მიდამოებში სპილენძის მადნის დამუშავების დროს კანტორას წარმოადგენდა. ახლა, რევოლიუციის შემდეგ, მუშაობა შეწყვეტილია. ჩვენს შემდეგ, ობსერვატორიის ექსპედიციამ ამ ადგილს „დიდებულის ნაბინავარი“ უწოდა, თავისი ხელმძღვანელი პროფ. დიდებულის სახსოვრად. აქედან უკვე დევდარაკის მყინვარი იწყება. აქ გრძნობ, თითქოს უზარმაზარ გამოქვაბულში შე-



მალალ მთის მცენარეულობა. (შქერი).




დისარ. მარჯვნივ და მარცხნივ უზარმაზარი კლდოვანი მთებია, რომლებიც ბინდ-ბუნდში შავად გა-



მაღალ მთის მცენარეულობა, (იელი).

მოიყურება, წინ კი კედელივით ამართულია დევდარაკის მყინვარი, რომელიც შორს, ნაღლა, თე-

თრად დათოვლილ მთებს უერთდება. „კახარმის“ გარშემო ბეჭრი ფიცარი ეყარა. მოვაროვით და დიდი ცეცხლი დაენათეთ. კარვის გამგეობმა ბეჭას მეთაურობით კარავის დაღმა დაიწყეს, ჩვენ კი შემოუსხედით ცეცხლს გარშემო და ვმღეროდით. იქვე ჩვენი ტვირთის მზიდველები შეკრებილიყვენ თავის კარავში და ისინიც მღეროდნენ. უკვე კარგა დაღამდა. მთებიდან ღრუბლები თანდათან დაბლა ჩამოწვა და თითქმის თავზე გადაგვეფარა. დრო და დრო მოისმოდა ყინულის ჭახანი, ზვავის გრიალი, კლდეების ხრიალი და მთების ყრუ გამოძახილი. ყოველი ასეთი გრიალი ჩვენში შიშს იწვევდა. ადამიანი ხომ მეფეა დედამიწის ზურგზე. რა ძლიერია ბუნება, რა პატარა და სუსტია ადამიანი მასთან შედარებით, მაგრამ თითქმის ბუნების ბატონიც კი გახდა, დაიმორჩილა მრავალი გაუვალი მწვერვალები, ზღვა და ცა. კარგა გვიან იყო, გვეძინებოდა, მაგრამ ამ ცეცხლის მოშორებაც არ გვინდოდა. შევედით კარავში და რის გაივარაგოებით მოვთავსდით შიგ 21 კაცი და ჩვენი ბარგი—ოთხი ტომარ ნა-



დევდარაკის მყინვარის სათავე. (გადაღებული შევარდენის ბუდიდან).

ხმით—რომელიც კარში ვერ დავტოვეთ, რადგან გვეშინოდა, არ დანოტივებულიყო. კარავში კარგა ხანს ვიხმაურეთ, ბოლოს საშინლად დაღალულვებს თვით ამ პირობებშიც იქ, გულიანად დაგვეძინა. მეორე დღით ადრე წამოვიშალეთ. ჩვენს მზიდვეებს დიდი ცეცხლი დაენათთ და მის გარშემო ტრიალებდნენ. დავარიგეთ საუზმედ ნახევარი გირვანქა ნახში, თითო ნაქერი კოლი და სამ კაცზე ერთი კოლოფი კონსერვი.

ძმებმა დაიწყეს ტვირთის განაწილება მზიდვეებს შორის. ახლა ტვირთის ზიდვა ჩვენც მოგვხდა, რადგანაც ტვირთის მზიდვეებმა გუშინდელზე ნაკლები ტირთი აიკიდეს და წინ წავიდნენ. უპრავლესობა წინ არის წასული, ტვირთი კი იმდენი დარჩა, რომ მარტო ჩვენ ვერ ვზიდავდით, ამიტომ ბარგის ნაწილი იქვე დავტოვეთ, სადაც ორი ძმა დარჩა.

დევდარაკიდან შევარდენის ბუდეძე.

27 მარიაშობისთვე

შევუდექით დევდარაკის მყინვარის გადავლას. დევდარაკის მყინვარი წარმოადგენს დიდ ხევს, რომელიც სავსეა მყინვარიდან მდინარესავით ჩამოწოლილ ყინულით. მისი ზედაპირი, რომელიც დროთა ვითარებისგან გაქაფებულ თაველს წარმოადგენს, რომელიც მრავალ ადგილას დახეთქილია და ამ ნაპრალებში თეთრად აქაფებული წყალი მიჩხრიალებს. ამ ღრმა და განიერ ნაპრალებს შორის იაგორამ ამოარჩია უფრო ვიწრო ნაპრალი, რომელზედაც გადავხტით. დევდარაკის მყინვარის შემდეგ დაიწყო ბარტ კორტის მთის აღმართი, რომლის ქედზედაც შევარდენის ბუდე არის. გადავიარეთ პატარა ჩანჩქერი, რომელიც ჯერ პატარა ფერდობით იწყება, შემდეგ კი დიდ აღმართზე გადადის, ბოლოს მცენარეულობაც იღვევა და პიტლო კლდეები იწყება. შევუდექით აღმართს. ძალიან დინჯად მივდიოდით. თითქმის ყოველი ათი ნაბიჯის შემდეგ ვისვენებდით, რადგანაც გული საშინელი სისწრაფით სცემდა. ყოველ შესვენების დროს ელიკო, რომელიც „კამფეტო უხუცესი“—იყო, ხუთ-ხუთ ცალ „კამფეტს“ გვირიგებდა. ეს შემდეგ შესვენებამდე უნდა გამოგვეზოგებია, უკანასკნელ ბალახთან ადგილას დავიწყეთ საბანდულო ბალახის კრეფა. რადგან იაგორამ გვითხრა, რომ ამას შემდეგ ბალახი აღარსად შეგვხვდება და, თუ აქ არ დაკრიფეთ, ზევით ვეღარ იშოვითო. დაკრიფეთ ყველამ საკმარისი ბალახი და შევუდექით კლდეებს.

ჩემის აზრით ეს გზა უფრო ძნელია და განსაკუთრებით საფრთხილო, ვიდრე თვით მყინვარწვერის, წოწის (კონუსის) გზა. ერთი ბეწვა გაუფრთხილებლობა, წინ მოსიარულეთა ოდნავ უხერხულოდ გადადგმული ნაბიჯი, დაღუპვას უქადის და ნარჩინებს. ხშირად გვხვდება რაღაცა განგებით შეჩერებული უზარმაზარი კლდე. საკმარისია მისი ოდნავ შერხევა, რომ მან ისევ განაგრძოს თავისი გზა. თუმცა დიდი სიფრთხილით მივდიოდით, მაგრამ დრო და დრო ისმოდა ქვის ხრიალი და ყვირილი „ფრთხილად, ქვა მოდის, ქვა!“—ყველა შეშინებული და თვალზე დაჭყეტილი იყურება ზევით, რომ ქვას თავის დროზე გზა აუქციოს. ხშირად გვემის საშინელი ხრიალი, ხეების ყრუ გამოძახილი. ხედავ დიდი კლდე მოწყვეტილა და, ვინ იცის რომელ უფსკრულში ჩაგორდება. ზოგჯერ ისეთი კლდეები გვხვდება, რომ ერთმანეთს ვეხმარებით და ისე გადავდგებით, რომ აღავალივართ და მარცხნივ მარჯვნივ კლდეები და ჩვენ მათ შორის ამართულ პატარა კლდეებზე მივცოცავთ,


ზოგი ჩვენი მოძრაობა ტანვარჯიშის კიდში ვარჯის მოგვაგონებს, უმეტესად კი ბჯენში ვარჯიშს, რადგან ხშირად გვიხდება ორ გამოწეულ კლდეზე დაბჯენა და ფეხების ზევით გადაქნევა. ყოველივე ეს ჩვენ ძალიან გვახალისებს. ასედაც ძნელს გზას უფრო ვიძნელებთ და ვცდილობთ, რაც შეიძლება დიდ და ძნელ კლდეზე ავცოცდეთ. იაგორას ჩვენი ასეთი უგზო სიარული არ მოსწონდა (თუმცა ნამდვილად აქ არავითარი გზა არ იყო და მე გზათ იმას ვიხსენიებ, საითაც იაგორა რაღაცა ნიშნების დახმარებით მიდიოდა.) და ხშირად გვესმოდა მისი ხმა და გაფრთხილება: „მანდეთ ნუ მიდიხარ, ქალაუ, გონჯი გზაა და დაიღუპები“—ან ჩვენი ტვირთის მზიდავების ერთმანეთისადმი მიმართვა:


„შენაი ქირაიმე, ესენი თხები ყოფილან, თხები“—

თვით უკანასკნელი მანძილი ძალიან დინჯად ავიარეთ, რადგან ძალიან მოქანცულები ვიყავით და, თითქმის, ყოველ სამი ნაბიჯის შემდეგ ვისვენებდით, და აი სრულიად მოულოდნელად მივადექით მწვერვალს და დავინახეთ შევარდენის ბუდე „ერმოლოვის ქოხი“. ტყუილად არ დაურქმევიათ ამ ქოხისთვის შევარდენის ბუდე. მართლაც რომ შევარდენის ბუდეს მოგაგონებთ ეს ქოხი, რომელიც მწვერვალზე ბუდესავით არის მიკრული. სრულ პირველ საათზე მწვერვალზე ვიყავით, ასვლის შემდეგ მთელი ნახევარი საათი ვისვენებდით, შემდეგ კი საუზმეს მიყავით ხელი, რადგანაც ყველას საშინლად მოგვშივებოდა. სურსათის კომისიამ დაიწყო სურსათის დარიგება. დავარიგეთ ნახევარი გირვანქა სუხარის ნახში და დაყურსული რძე სამ კაცზე თითო კოლოფი, კონსერვიც ასევე, ამოდენა აღმართის ამოვლის შემდეგ ყველას შესანიშნავი მადა გვქონდა, უნდა ვთქვა, რომ ისეთ პირებს, როგორც ბებუ, შაქრო და მიშა კინჭარაძეა, ჩვენი საუზმე პირისქართაც არ ყოფნიდათ, (თუმცა ეს უკანასკნელნი მუდამ სხვებზე მეტს იღებდენ) ამიტომ როგორც ყველამ შეამჩნია, ბებუ ამ ორ დღეში საშინლად გახდა.

მ. ბეჟანიშვილი.

(დასასრული იქნება).





ბავშთა შემოქმედება

წითელი სხივი

მთის მწვერვალთ შორის აციალდა წითელი სხივი,
და მკთალ ლანდებით აფერადდა გარემო ცივი.

თავი დაჰხარეს ყვავილებმა, გაცოცხლდა ველი,
ჩიტები გალობს, ნაზად დაჰქრის ნიავი ნელი.

და აელვარდა მთლად ქვეყანა სხივის ანთებით,
გადაიფერა არე-მარე წითელ ალებით.

ნაზად შემოსა ყვავილებმა ზურმუხტი მტელო,
და მორთულია საზეიმოდ დღეს საქართველო.


ყველას აცნობა ნაზმა სიომ—თავის ჩურჩულით
რომ დღეს არ კენესის დაჩაგრული საბრძოლო გულით.

რომ დღეს გამოკრა მომზიბვლელი ვარსკვლავი
და ზვიმია სანეტარო თავისუფლების. |შვების,

1 რაონ. ახ. ლენინ. შალვა კაპანაძე

წითელი სხივის № 2—მ-ში მოთავსებული
გასართობ-ამოცანების ახსნა:

მამა და შვილები.
ბალი ასე გაიყვეს:



წითელი სხივი

დაპურებული ჯეჯილი
გადაიქცა წითელ სხივით
გაახარა ჩვენი გული
აკინძულმა ლამაზ მძივით.
დე, დღეიდან გააშუქოს
მან ცხოვრება ბავშებისა,
შეგვასწავლოს როგორ ვპოვოთ
გზა ცხოვრების და შვებისა.
მას ვუსურვოთ—წრფელი გულით
ჩვენი ქვეყნის განათლება,
რომ თვის მიზანს მიაღწიოს.
მოიპოვოს გამარჯვება,
ყმაწვილებო, გეტყვით ამას,
რომ მშრომელი ოფლს ღერის იბრძვის,
ახალ ხანის სიახლოვით
მთლად მსოფლიო ტოკავს, იძვრის
ჩვენ თუ გვინდა რომ შევეუშროთ
მშრომელ მუშას ცრემლის მძივი,
ვისწავლოთ და ვიბეჯითოთ,
წავიკითხოთ ჩვენი სხივი.

მ. გველესიანი

გაჭირვებული მდგომარეობა.

ხარები ასე იღვენ რიგში *)

წწწწ უუუუუ წწ უ წწწ უ წ უუ წწ უუუ წ
უუ წწ უ.

*) ასო წ. აღნიშნული ხარები წითელი ფერის, ხოლო ასო უ—შავი ფერის.



— 1924 წ. —

გამოდის
ეთველთვიური საზოგადოებრივი დასუკრათეაული
შურნალეზი

მომზადებულთჳის წითელი სხივი **წელიწადი 1**

მცირე წლ. **ნაკადული** **წელ: მე-XX**

შურნალის გამომცემი ს. ს. ს. რუსუბლიჩის შვილას კოლეჯისთვის სავალდებულოა.

ლენინის სახელოების საქართველოს გავრცელება კომუნისტური
ჯგუფების უკველი წევრის, ორგანიზაციის უკველი,
კოლეჯისთვის, გავრცელება კომუნისტური მოძრაობის
თვითდაული ხელმძღვანელის, გიგლიო-
თეკების და საგონითხველთა-
ბის ვალდებულეგაა
გამოიწერონ

„წითელი სხივი“

— და —

„ნაკადული“

ხელის მოწერა მიიღება თვიურად

ცალკე	„წითელი სხივი“	—	40 კ.
„	„ნაკადული“	—	25 კ.

გადაგზავნა ხელის მომწერის ხარჯით

მისამართი: ტფილისი, ლორის-ძეღიქოვის ქუჩა, № 5, განათლების სახელსო
კომისარიატი „წითელი სხივის“ და „ნაკადულის“ რედაქცია.

ა.ნ. დამბორი — ხარედაქციო კოლეგია.